

1. Kāni se te qütä KM-1

Jesus shall reign ss 1084

1. Kāni se te qütä-a lä,
Areng Isu ma pyng jaw ai.
Law se te khü y rytä lä,
Äma üng pre lä ka rae ai.
2. Khimi cawngkhang üng älo lä,
Äma bäheng te ae-awi thui.
Nade na ae-awi thui te lä,
Ma üng ämüng bälaw jaw ai.
3. Äma üng pyng saite na lä,
Thawng qa saite na aelawi hai,
Mäsae te na aehae he dang.
Mätang saite na aelawi hai.
4. Khimi bawi bawi aedaw ö sy.
Areng Isu bälaw hethang,
Angel na ae-awi thui ö sy.
Mä-ai bawi la Amen thui si.

2. Käving kätü tyng y tea

1. Ving te kätü tyng y tea,
Cawngkhang sa Kung tea kawng hai,
Vaidüng awneng-a i tea,
Areng ä! kai ce bung rui ba.
2. Aemang hawi y te hai bärawi,
Setan üng ätawng na la hai,
Bälung kae-i na üng lawi hai,
Hunghö thung üng aelaw hai kü ba.

3. Aethawng saite na py te Kung,
Pä-ai, Cäpaw, Muilaw Käcai,
Bungtä awng te Areng Säthaw,
Käni, älawng üng na bälaw! Amen.

3. Khö aevang ai dy

1. Khö lä aevang ai dy. Säthaw üng cawti kähawi tu.
Käni düng khytä, Areng kälu sa ö si.
Hunghö thung-a käla na bung mätha haile ö e.
Bälung tang hai Areng kälu sa ö si.

Cawti kähawi tu e!2
Nidüng, nise hai pre qütä ly ö kha,
Hing te täkaw py ö kha,
Lo Angthang thai hai ö e.
Areng kälu sa ö.
Sa te vang dang ai.

2. Aetha dawde ö lawi. Areng kälu aetawng ö si.
Khöving khytä cawti kähawi tu ö e.
Yng te hai cawti kähawi tu jawjaw hethang ni awng.
Säthaw yng te hai ly tärawi tu ö bawi.
3. Anghawtho te hai cawti kähawi na tu ö e si.
Tu saite qütä lä ae haile tyng ai.
Cawti tu te thüng-a, aethaw hai
bälung lä byng ai.
Säthaw tea tähang kähawi mäkäi ö.

4. Areng käni düng dy Abide with me s s 297

1. Areng käni düng dy, kai hai awng ba.
Käni düng ai dy, kai lä nang bung ngai.
Säbawng te kung kälang lä kai nung y.
Rui haw saite kung ä, kai hai awng ba.
2. Hing te lä käni kätyng düng ai dy.
Älawng pre inghawng lä aekang y ai.
Kai nung haw saite na lä rawng bawi ai.
Nang lä kälang law y, kai hai awng ba.
3. Kätü lä byng ai dy, nang bung kai ngai.
Nang ma awng dylä, bärawi haw y ai.
Nang kätyng sa haw saite lä awng y.
Käni käse hai kaevang-a awng hai.
4. Bälung kae-i hai bälung mawng te lä,
Nang ma awng dylä, kai lä ri y ai.
Dü saite mi lä ma-a awng ja mei.
Nang üng qang-a, kai lä mäja jaw ai.
5. Dü hethang tyng ea kai hai awng ba.
Käni kaevang hai käni lang mätü.
Käni pre üng käni se te nung ai.
Hing te la, dü te la, kai hai awng ba.

5. Jordan pyng-a Johan ma thui Advent

Oh, Jordan' bank the Baptist'cry

1. Jordan pyng-a Johan thui te,
“Khrista lä tyng dy” näkha a.
Sanphrang leila thung üng Sanphrang,
Angthang Kähawi tängai ö ba.

2. Nang bärai te Aeqang kung tea,
Yng hethang aerü rüng si dy.
Kхими qütä bälung thung-a,
Hunghö na mäcai pang ö lawi.

3. Äma lä mä-ai üng yng nae,
Hunghö bälawi saite Kung vi.
Bäheng he hawi y te muilaw,
Äpa kätyng rui haile ai.

4. Areng Isu ly te phüng-a,
Kхими ce hawi saite dang dy.
Pä-ai, Cäpaw, Muilaw Käcai
Dungtäsa nang bärai te awng sy. Amen.

6. Tävaw na thawde-a ss 879

1. Tävaw na thawde, Säthaw te bälaw,
Äpa na lä äma üng nang te mätü.
Äma üng sa saite na bawi bawi lä,
Äma te kähawi thui he mäny bawi bawi.

Käni, älawng üng hing te na lä,
Säthaw ma bäheng saite mäny.
Älawng pre leila bälaw ngaila,
Äma te bälaw thui te byng lei y.

2. Käni anghung, kärung, säding, kăcaw,
Mä-ai lä äma üng köpy na nung dy.
Äma lä mä-ai üng kawng nae Kung vi.
Mä-ai lä dungtäsa kähawi thui jaw ai.

3. Khimi ce hai hing saite bawi na lä,
Äma te mangtä kähawi thui ö ngaila,
Mä-ai thang sa pa saite hengtä lä,
Cungrü khytä mä-ai kähawi thui lei y.

7. Vaini Isu aetha dy KM - 58
Jesus Christ is risen today SS 158

1. Vaini Isu aetha dy, Haleluja.
Mä-ai üng Käni nang bärai, Haleluja.
Mä-ai bung aeqang hethang, Haleluja.
Äma xaws qawng-a mätang, Haleluja.
2. Honi kä Khrista tea, Haleluja.
Bälaw te ae-awi thui ö, Haleluja.
Hunghö na aelawi hai te, Haleluja.
Xaws qawng-a mätang pa dy, Haleluja.
3. Äma üng mätang te lä, Haleluja.
Mä-ai lä hing te dang dy, Haleluja.
Vai käni mang-a pyng dy, Haleluja.
Ho-a angel na bälaw, Haleluja.

8. Döng mang käni aekhui tea, KM - 9
When the sun was set SS 79 E.H 266

1. Döng mang käni aekhui tea,
Naw te na, Isu te bähawi.
Naw kha mätang te lä aecö,
Naw hawi ea kawng te lo thui.
2. Vaidöng kai ce bälung mawng te,
Nang ma tea kai ce ly dy.
Nang üng mimai nung y ngaila,
Nang awng näte kai ce mäny.

3. Älawng pre kängai cai y lyng.
Mäny ngaila, khai sö haw y.
Rawijae hawi y aeting dylä,
Nang hai aede hethang ha y.

4. Mätang saite na lawi hai kü.
Phütä lä naw, phütä mawng kha,
Phütä nang te kähawi dawng y.
Bäheng saite na dang haw y.

5. Ämi la hunghö awng te phüng,
Awneng te lä dang haw y ai.
Yng khü saite khimi na lä,
Äma hunghö sa te mäny.

6. Isu, nang, la khimi by üng,
Mätang, bärawi te aeting by.
Kai ce hunghö ho te na lä,
Nang üng ämi hai nung haw vi.

9. Üngai Säthaw vaidüng KM 4

My Father for another night A.M 5

1. Üngai Säthaw, vaidüng rungtaw,
Awneng te hai i dy.
Bäheng te leng bäräi te lä,
Nang bäräi te awng sy.

2. Aecang bärai te Käni se dy.
 Tabung, muilaw a dy.
 Areng, nang ma ngai te kätyng,
 Kai te säbawng kü ba.
3. Kai üng sa saite na bawi hai,
 Dawng te thui te na lä,
 Nang üng ämüng kähawi phüng-a,
 Nang bärai te aethang sy.
4. Üngai Säthaw, Isu tähang,
 Kai bung bähawi kü ba.
 Aethawng hai ba, lang käcai mang,
 Vaini ma bähawi ba.

10. Emanuela ly lawi KM-18

O come, O come, Emmanuel. E.H. 8

1. Emanuela ly lawi ba.
 Khimi ce hai awng te Säthaw,
 Aethang khai jaw jaw te kai ce bung,
 Areng Khrista säbawng kü ba.

 Aw, Isrelae anghawtho ö.
 Emanuela ly he nai dy.
2. Jese üng pawngpai kätyng,
 Khrista lä bäheng Kung vi.
 Dü te üng areng bung mäja dy.
 Muilaw üng awneng saite py dy.
3. Kädang käni se te kätyng,
 Bälung si awng te kai ce bung,
 Anghawtho saite bäheng te phüng,
 Käving kaekhui la hai ai.

4. David saw rui kung näte,
Aely pyng te Khrista ma lä,
Mätang te kätho aekhae ea,
Hing te kätho pä-awng pa ai.
5. Sinai me-a kaevang py te,
Cawngkhawng na sa saite Sāthaw,
Kangsi na te aetüng hai kätyng,
Kai ce tea la aetüng hai ba.

11. Areng Isu kai ce vaidüng

1. Areng Isu, kai ce vaidüng,
Nang ma üng maw-a bü dy.
Nang mityng hai aenai hethang,
Kawng saite lo na thui dy.
2. Khötawi te hai käni jungtä,
Kai ce te nang ma rui ba.
Hawi te phüng kawng te lo thui dy.
Muilaw hai ätabung thang.
3. Kärung taw kai ce hai awng ba.
Nä-awi, äby rui kätyng,
Ri nae lä kai ce üng qawng-a,
Bäheng te kö hai bähawi.
4. Käcai hai kai ce bung rui ba.
Mätang y hethang sa pa.
Awneng te löqyng-a i hai.
Kai ce bung mätha kü ba.

12. Aw, Eden vang kangthae

1. Kāni pre vang pui kājawng bārai-a,
Tu-a kaeqang pyng na aeting ai.
Mā-ai bālung si te la pang ai dy.
Ing kājawng pre-a tyng kätü-a.

Aw, Eden vang kangthae,
Vaicaw üng kājawngky,
Tu-a mā ai aehae vi ai dy.
Areng üng sui vang pui kangthae-a.

2. Kāni vang pui jawng he kāhawi awng.
Älawng pre üng aelawi kätü-a,
Kхими kăcai na lä awng mang vi.
Mā-ai Areng maw-a aeting ai.
3. Kхими kăcai na lä awng mang vi.
Buisaw na hai kaeqang pyng te na,
Nade kaeqang pyng te na hai la,
Vang pui äni ce hai aeting ai.
4. Kāni pre vang üng sui lawng te lä,
Aemai haw y, Areng kaevang hai,
Kāni pre angel hai Ing kāhawi thung-a,
Ävai kai nung he ringkawng vi dy.

13. Thinglang aepö saite

Must Jesus bear the cross alone

1. Thinglang aepö saite na lä,
Isu qaitä y lyng.
Äkähui qü aepö he awng,
Kai la aepö by ai.
2. Äqawng-a tyng cai saite na,
Mätang aeting ngaila,
Vaihi bäheng saite Kung ma,
Minaw tui mai king dy.
3. Thinglang tea aepö dylä,
Dü te üng aelawi hai,
Dungtäsa ing tyng kätü-a,
Sui lökhu aekhu ai.

14. Yng te bawi bawi na

O come all ye faithful ss 31

1. Yng te bawibawi na lä,
Ly kha kawng bārai te hai,
Bethlehem vang-a ly ö bawi si dy.
Angel na thui te kheng hethang ly ö si.

Ly kha kähawi thui ö si 3
Aw, Khrista Areng.

2. Anglaw käcai thung üng,
Aepeng saite Areng Isu,
Kхими kätyng-a ly ngaila,
Säthaw tätang hai älawng üng kaevang dy.
3. Käni pre angel na,
Anghawtho bärai te hai,
Käni pre üng kangkawng na bälaw ö.
Äqawng kangteng Säthaw,
nang bärai te awng sy.
4. Mä-ai bälaw hethang,
Areng lä aepeng dy.
Äma üng ämüng lä
Nang bärai te awng sy.
Säthaw üng lo lä khimi kä ly dy.

15. Jangni-a David üng vang

Once in royal David's city ss 32

1. Jangni-a David vang thung-a,
Raebawi i-nae mityng awng.
Ho-a lä nä-awi lawngtä awng.
Nade caw bung lä mäsaung.
Nä-awi lä anglaw Maeri,
Nade caw lä Areng Isu.
2. Äma lä Säthaw nä ngaila,
Älawng pre-a cäqa pa.
Awng te lä raebawi ingthung-a,
Raca py nae-a mäsaung.
Mä-ai üng Mäning kung lä
Kхими na hai mangtä awng.

3. Äma lä nade kätü-a,
Täpawi te lä änä-awi.
Isu lä ni te tämö khai,
Nä-awi lo tängai bawi bawi.
Khristen nade na ma la,
Honi kätyng sa ö bawi sy.

4. Mä-ai lä raebawi ingthung-a,
Äni bung nung y ai dy.
Tungaila Säthaw bangtang mang,
Käni pre-a nung haw ai.
Nade na Tengpaw kätyng,
Äma tea awng jaw ai.

16. Angthang Kähawi

1. Dawng hethang kähawi, Angthang Kähawi lä,
Cangxei he hawi vi. Käni mang üng
Aemae haw y te älawng pre-a tyng dy.
Bäheng Kung, Areng,
Jangni-a buisaw na thui te lo lä,
“Emanuela aepeng ai” näkha thui.
Judae pre üng vang thung-a lä.

David vang thung-a, vaihi tyng dy.
Angthang Kähawi lä aehi hai ö.
Kawng te hai aetha, angthang thui si.
Ly ö si dy. Maw mang lolang-a.

2. Tängai e! Angel na thui ae-awi tüng,
Tängai te kähawi, khösang mang üng,
“Areng phung käleng ämüng aesang sy”
Näte ae-awi tüng thai.

Kawng hai ö. Aede hai te kung, Areng,
Mä-ai tea tyng, aepeng dy, bälaw si.
Mä-ai tähang Angthang Kähawi.

3. Jawng hawiky kätü, angni hü tang-a,
Mäning Kung aepeng te anghang py.
Beram rui kung na ri te hai,
Käsawtho kha awng ö dy.
Ri ö hang. ly ö kha anghawtho hai,
Mäning Kung, Areng, aepeng dy kaevang hai,
Älawng pre-a aevang hai dy.

17. Kai bälung thung-a kung lawi

Thou didst leave Thy Throne

1. Käni pre üng sanphrang aety-nae khai sö kha,
Älawng-a kai tähang ly dy.
Aepeng he Bethlehem vang thung-a ly ea,
Aepeng hethang mityng awng y.

Kai bälung thung-a, kung lawi ba.
Nang tähang mityng sa rüing dy.
Kai bälung thung-a kung jo lawi ba.
Nang tähang mityng sa rüing dy.
2. Käni angel käcai na ma lä baw tüng hai,
Areng ly pa te kätü-a,
Areng lä mätang pa te hai ma aepeng dy.
Älawng-a tämö mäneng pa.
3. Kivae lä täpu awng, tävaw lä täbö awng.
Daithung üng thingkawng kaekhui-a,
Kalile mityng-a Khimi üng Cäpaw lä,
Raebawi ingthung-a aepeng dy.

4. Lo aedo te kätyng, khimi ce ly hethang,
Areng Isu ly te thüng-a,
Areng tea angli lökhu aekhu hai kha,
Kalvari anghung-a bähawi.

18. Bethlehem tengpaw

1. Bethlehem tengpaw aecang bärai,
Kärung angning-a aevang hai.
Ngai te khimi tähang hing te py ai.
Isu aepeng te mityng-a,
Kхими bälung kähäe na ly.
Bethlehem tengpaw aecang bärai tea.

Aw, Bethlehem mityng kăcai,
Aecang bärai te tengpaw aevang hai dy.
Ly te lolang-a,
Nang üng tengpaw aevang saite py kü ba.
Bethlehem tengpaw aecang bärai tea.

2. Aethang khai te mityng üng
Bethlehem khimi kăcüng na te,
Kärung-a bähawi kha aevang hai dy.
Bähawi saite lä bälaw ö,
Mäsang te ätüng hai ma thui.
Bethlehem tengpaw aecang bärai tea.
3. Beram rui te kung na lä
Käni mang üng ätüng thai ea,
Aetha päraw kha Bethlehem-a ly ba.
Nade caw bung lä kănih hai
bangmy kha mäsawng te nung ai.
Nade caw Isu lä aesawng kha awng.

19. Thai ö dy mei Khrista aepeng te

1. Thai ö dy mei, Khrista aepeng te,
Bethlehem raebawi ingthung-a,
Maeri ma täpawi te nung khaw ai.
Kawng bärai te hai bälaw ö si dy.

Kawng bärai te hai ae-awi kähawi thui si.
Mä-ai thang aepeng te Khrista lä,
Äqawng mang nang bärai te awng jaw sy.
Anghawtho te tüng käleng thui ö,
Beram caw aepeng te Käni vi.

2. Dawng ö dy mei, hunghö Aeqang kung,
Khrista lä khölawng pre-a ly,
Tämö aemäneng bärai te hai ma,
Kхими kät yng vaini aepeng dy.

3. Kawng ö si dy, nang bärai te Areng,
Mä-ai üng hunghö bälawi Kung.
Mipui bawi bawi ma tämö khai sy.
Kangby jä-ai na tea thui pa.

20. Mang bäräw y aepeng

1. Hi älawng pre-a, mang bäräw y aepeng dy.
Tungaila Areng Isu kä aethang vai y.
Käni pre üng Areng Cäpaw lä aepeng dy.
Käni üng angel bawi bawi na ma kawng hai dy.

Kähawi thui ö bawi si, Käni Areng Cäpaw.
Aepeng te anghawtho hai mäsang ö bawi sy.
Areng kätyng aethang hai lökhu aekhu hai.
Käni üng angel bawi bawi na ma kawng hai dy.

2. Käni üng angel bawi bawi na ma ae-awi thui.
Ae-awi tüng lä beram rui te na ma thai dy.
Areng aepeng te lä kähawi-a thui pa ö.
Beram na khaisö kha Areng tea ly ö.
3. Käni käse mang üng buisaw na ly ö dy.
Käni üng Tepaw kaevang ma aevang hai kha.
Maeri ma kö hai täpawi te lä nung ö dy.
Lasawng bung pä-awng kha lasawng na py ö dy.
4. Sanphrang Herodae ma thai dylä kädawtho.
Buisaw na tea ling kha nade mädü ngai.
Judae pre bawi bawi-a täre mäsa vi dy.
Nade na bung mädü hethang sa ö vi dy.

21. Beram rui kung na

While the shepherd watched SS 33

1. Beram rui kung na beram ty,
Rung-a aety kha awng.
Säthaw üng angel na cäqa,
Nang bärai te hai aevang.
2. Ni ce ri te käsawtho kha,
Ri ö hang. Tängai ö.
Anghawtho he Angthang Kähawi,
Ceng cawngkhang thang tyng dy.
3. Vaini David vang thung-a lä,
David kaepreng thung üng,
Mäning Kung, Areng Khrista bung,
Aepeng dy. Ly, ha ö.
4. Ni ce tyng tea nade lä,
Känih hai bangmy kha,
Raebawi raca py nae qawng-a,
Mäsawng te nung ö ai.
5. Tukä dylä bälaw hethang,
Kawng te ae-awi thui ö.
Käni mang angel na ly kha,
Areng Säthaw bälaw.

22. Jangni üng hai vaimaw mang-a
O God, our help in ages past

1. Jangni üng hai vaimaw mang-a,
Sāthaw sābawng Kung vi.
Kai ce te käving khu ngaila,
Aebü Kung lä nang vi.
2. Nang üng aety nae maw-a lä,
Yng te na aebü haw.
Nang üng nang bārai saite kö hai,
Rui pa te lä hawi khaw.
3. Älawng pre hai me anghung na,
Sa y te kälang-a,
Nang lä dungtäsa awng jaw üng,
Maw mang-a awng jaw ai.
4. Kätü käni sanghawtä la,
Tänaetä kä awng ai,
Kai ce vaidüng vaikhawng näpa.
Nang ma lä “Vai“ näjaw.
5. Nang lä tävaw lawng te kätyng,
Khimī caw bäja jaw.
Kädang aemang tämang kätyng,
Ni ce tämang hai jaw.

23. Säning kangthae

1. Säning kangthae lä tyng be dy.
Tungaila bälung si lae vi.
Kangkhüng kätü-a, kähying ai.
Bäheng te rawijae cungrü-a.

Aw, ma mang mei, bäheng te na,
Dungtäsa pre-a aering jaw.
Ly ö bawi, hing saite äpa,
Mui kähawi te tälei ö si.

2. Kätü aethui te awng y ai.
Sui vang pui lä hawi bäräi te vi.
Bälung mawng minaw tui qa te,
Awng y lyng dy, Dungtäsa pre.
3. Bäheng saite kai aedawng bäräi,
Tämai khu ngaila, thyngdyng si.
Äqawng kangteng Jerusalem,
Käcai na awng te pre mang-a.
4. Aering lei y, honi pre-a,
Kangkhüng Käni, kai tyng ngaw ai.
Rawijae na hai aeprei ngaila,
Kawng bäräi te hai dawnghang ly ai.

24. Raw saite ätüng na thai

1. Raw saite ätüng na thai kha,
Kalvari anghung lolang-a,
“Aemang tho te mei‘ näkha dawng,
Älö heng kha kai Areng lä.

Angli lökhu, aekhu hai pa,
“Judae na üng Sanphrang”näkha
Thui tämawng te cae tärü kha,
Xaws-a ca tang rung täheng.

2. Tämang haw y, mätang te lä,
Kai hunghö vang mätang te vi.
Tämang haw y, kai Areng lä,
Älawng pre-a aethang hai sy.
3. Mänikung Säthaw Cäpaw lä,
Dü saite mäja te Kung vi.
Älawng pre üng hunghö na thang,
Löhu mityng-a ly hai dy.

25. Aeqang kung Areng bung lä

All glory, laud and honour EH - 622

1. Aeqang kung Areng bung lä,
Bälaw te awng jaw sy.
Jangni-a nade na ma lä,
Hosana näkha thui.
2. David üng Cäpaw kähawi,
Isrelae Sanphrang,
Säthaw ämüng nang bärai te hai,
Tämö aesang jaw sy.
3. Käni pre üng angel na,
Ni ämüng bälaw ö dy.
Älawng üng hing saite mi na la,
Honi kä bälaw dy.
4. Ma üng maw cäqui süng te.
Hebärai na lä lady.
Kai ce üng bälaw te ätüng lä,
Areng kai ce kängai.
5. Äma lä dü y tea,
Ni ce ae-awi thui ö.
Käni mang paw tähang te Kung,
Kai ce ma bälaw dy.
6. Jangni-a bälaw saite,
Kawng bärai te kätyng lä,
Vaini kai ce mäkai tea la,
Areng, tängai pa kü.

26. Kāni rung rui bälitā

Forty days and Forty nights

1. Kāni rung rui bälitā,
Ätete ca y kā la,
Daithung-a setan ma bārawi.
Ni aethawsi y, cai bārai.
2. Kābi kāde cawngkhang na,
Rung, kāni qütā aeting.
Kälung-a löqyng ea,
Älawng-a aesawng te vi.
3. Mā-ai la honi kätýng,
Areng hai aesui si dy.
Bö jae kha aetang te hai,
Areng thang kätü py si.
4. Setan bārawi te thüng-a,
Äma lä mājā haw vi.
Mā-ai la pra y hethang,
Aetang jawjaw ö si dy.
5. Kawng he hawi te Aeqang kung,
Nang ma hai aenai dylä,
Maw mang ISATA kāni-a,
Nang hai mangtä aetha ai.

27. Ly ö bawi Aeqang kung tea

O come and mourn with me a while

1. Ly ö bawi, Aeqang kung tea,
Kai hai mangtä bälung mawng te,
Xaws-a täheng kha mätang te,
Isu Angthang dawng jaw ba.
2. Judae na hai täre na ma,
Mänui hai te la khung pa dy.
Xaws-a täheng kha mätang te,
Isu üng mätang te dawng jaw ba.
3. Kökho lä thing qawng-a täheng.
Tui aehe näte lo thui vi.
Thi lawng te lä mi aevang y.
Isu üng Angthang dawng jaw ba.
4. Mätang te thung üng xaws qawng-a,
Losai säritä thui pa kü.
Tukätangtä bäheng dylä,
Isu üng Angthang dawng jaw ba.
5. Xaws kaekhui-a aebü dylä,
Mäna thung üng lawng te thi la,
Kai üng tabung-a lawng hai dy.
Isu Angthang dawng jaw ba.
6. Xaws qawng-a mätang te Areng,
Ma ngai kha mäthy saite,
Bälung hawi bäräi saite hai-a
Bälung thung-a mäthy ö!

28. Jerusalem ärang mang-a KM- 51

There is a green hill far away ss 1134

1. Jerusalem ärang mang-a,
Kalvari me-a lä,
Mä-ai Aeqang kung Isu bung,
Xaws qawng-a täheng pa.

Mä-ai bung Isu ma bäheng,
Bäheng haile tyng si.
Ma üng lo na tängai ö si.
Aeqang pa te phüng-a.

2. Xaws qawng-a mätang pa te lä,
Thui leila haw y lyng.
Mä-ai mätang hethang jüng-a,
Mätang pa te mäny.
3. Mä-ai üng hunghö bäheng kha,
Äma mätang pa dy.
Käni pre-a tyng haw hethang,
Mä-ai bung cai hai dy.
4. Hunghö thung üng aelaw hethang,
Ämi kälang awng y.
Isu lawngtä mä-ai tea,
Käni pre tyng hai ai.

29. Äthi ävang käting

Precious blood

1. Äthi vang ting käcai,
Thinglang-a lawng te lä,
Hunghö thang aeqang pa.
Hunghö te mäja hai.
Hunghö na cai hai hethang lä,
Kalvari üng thi käting vi. 2.

2. Athi vang ting käcai,
Käni pre tyng hai te,
Käni lang pä-awng pa,
Ae-awi awng jaw te lä,
Areng Isu üng thi käcai,
Näkha thui te aehae y ai. 2

3. Ämi ce Kalvari,
Tämö khai y ngaila,
Me kälang na qawng-a,
Kai lä ngaiky te vi.
Awng hai te mei, mityng käcai,
Isu üng thi lawng saite lä. 2

30. Kangby jä-ai na ae-awi thui

O Sons and Daughters

1. Kangby jä-ai na ae-awi thui,
Areng nang bärai saite ma lä,
Vaini dü te mäja dy hei! Halleluja.

2. Aetha käni kädang thawde,
Ni bung mäsaung mityng ha te,
Nawngmädi mitang angrawng-a ly!
Haleluja.
3. Ni ce angel aety te nung,
Areng Kalile pre-a ly,
Näte ni ce tea thui pa! Haleluja.
4. Äkähui na aecö tea,
Areng nang bärai te aetüing dy.
“Awneng saite awng sy” näpa!
Haleluja.
5. “Aetha be te Areng maw nung“
Näte angthang Thawmae lä thai,
Äkähui na üng lo yng y!
Haleluja.
6. Aw, Thawmae,”Kheng! Kai üng kö,kho,
Mäna, nang tea kai mätü,
Yng y te awng hang,
Yng khü ba! Haleluja.
7. Thawmae ma la aephae pa y.
Kö,kho,mäna nung te phüing-a,
Areng Säthaw näkha thui dy!
Haleluja.
8. Nung y käla, yng te na lä,
Tähang hawi bärai saite na lä,
Dungtäsa hing te dang ö ai!
Haleluja.

31. Areng Isu xaws qawng-a

It is finished blessed Jesus

1. Areng Isu lä xaws qawng-a,
Käni pre Pă-ai tea,
Kai üng muilaw a te thüng-a,
“Cungrü dy” näkha thui pa.
2. Kökho, mäna tämaw awng te,
Ro lä angrawng thung-a aehae
Xaws hai angrawng thung mang üng hai,
Kädü thung-a ly käthu.
3. Dü te na käving mityng-a,
Aevang pheng te kaevang lä nung.
Kädü, kähing üng Areng lä,
Kädü na tea ly dy.
4. Buisaw na hai jangni khimi,
Areng tea ly aecö.
Aeqang te anghang thai hai pa.
Cangxei te anghawtho ö.
5. Bangtang mang üng damärae lawngtä,
“Kai bung la mäny jo ba.
Kai ätabung teng kätü-a,
Awneng saite py” näpa.

32. Hing te Kung Muilaw Käcai KM-62

Holy Spirit faithful guide ss 194

1. Hing te Kung, Muilaw Käcai,
Awng te sai lang hai kü ba.
Käni pre-a tyng hethang,
Kai hunghö mäcai kü ba.
Muilaw Käcai kawng te lä,
Kai äteng mang ly ea,
“Hui lawi, kai bähawi ai mang,”
Kai bälung thung-a thui pa.
2. Mä-ai rawijae kähawi ma,
Käni qütä kähyng jaw.
Mä-ai yng haw y dylä,
Ni tea aephae te vi.
Ri saite aeting ea,
Bälung bi awng te thüng-a,
Hui hethang kähyng kü ba.
Tha kü ba. Areng ing-a.
3. Mä-ai tähang hawi te na,
Dawng te na tea mäny,
Äma te mä kai dylä,
Pre käcai-a tyng hai ai.
Käni pre tyng ngai dylä,
Äma thi aehu ea,
Dungtäsa hing nae mä kai,
Äma la aephae y mang.

33. Bäheng te Muilaw Käcai

1. Bäheng te Muilaw Käcai,
Pentikost pawî käni-a,
Nang üng py saite thung-a,
Bäheng saite vi.
2. Me aesü rung yng saite,
Lo cawngkhang na kaw ngaila,
Bäheng te awng y dylä,
Aetütü kae vi.
3. Käni kaevang mang-a lä,
Thui rüng saite lä awng jaw,
Bäheng te lä awng jaw ai.
Bäheng te py dy.
4. Bäheng te änaung kähawi,
Qawng-a hawiky te awng y.
Ae-e saite na awng y.
Bäheng te py dy.
5. Yng te hai aethang khai te,
Bäheng te la awng jaw ai.
Äthungtä-a hawiky te,
Bäheng te käcai.
6. Cüng saite leng bärai ngaila,
Kangkhüng käni-a la ai.
Bäheng te lä pra haw y.
Bäheng te py ba.

34. Areng hing te täkaw

Break Thou the bread of life

1. Areng hing te täkaw, kai thang py ba.
Nang lä Pangle pyng-a sa te kätyng,
Nang üng lo qang-a nang tea kai ha,
Hing saite lo, nang, tea kai ngai bärai.
2. Nang lä hing te täkaw, kai tähang vi.
Nang ma üng lo käcai, kai bung mäning.
Äqawng mang nang tea awng hethang py.
Nang ma üng lo mitang, kai te mätu.
3. Areng ä, kai mi-a nang hethang hai,
Aevang hai saite nang Muilaw tyng hai.
Aedawng saite na kai mäny haw y.
Lo mitang käthu na mäny hai kü.
4. Nang lä täkaw aethawng hai te kätyng,
Kai thang aethawng hai kü, Areng nang bärai,
Tungaila Areng te kai ly dylä,
Bälung awneng saite lä kai dang ai.

35. Älawng pre üng khimi

MH 197 EH 365

1. Älawng pre üng khimi cawngkhang,
Areng Säthaw bälawi ö bawi.
Ma nang bärai te aetüng hethang,
Maw mang ly kha bälaw ö bawi.

2. Äma lä Säthaw tätang vi.
Khimi hai cawngkhang sa te kung
Äma lä beram rui hethang
Mä-ai bung re kha bäheng dy.
3. Tukätephüng ingkäcai thung,
Kawng bärai te hai aecö si dy.
Mä-ai lä ämüng nang bärai te,
Bälawi te ae-awi thui si dy.
4. Kheng-e, mätae hethang awng y,
Bäheng saite lä awng jaw jaw.
Kae-y awng te la ca hethang,
Dungtäsa khytä awng jaw sy.
5. Aethawng saite na py te kung,
Pä-ai, Cäpaw, Muilaw käcai.
Bungtä awng te Areng Säthaw,
Käni älawng awng te bälaw. Amen.

36. Areng bälaw te

1. Areng bälaw te ae-awi hai,
Käni qütä bälaw ö si.
Inggäcai thung mang kähawi thui,
Muilaw Käcai, nang awng hai.

Aw, Muilaw Käcai bähö kätyng,
Dungtäsa pre-a aeja hai,
Dü te bälung si te awng y.
Dungtäsa hawi te pre-a.

2. Duntäsa hing te py te kung
Hing saite lo käthui tea,
Aevang hai Muilaw Käcai ma,
Thuikaw saite py kü ba.
3. Bähawi kung, Pastor, Bishop na ma,
Cae käcai lo sai thui ea,
Thui te lo sai yng y dylä,
Setan üng mawsawng na vi.

37. Kalvari me nang y dylä

1. Kalvari me nang y dylä,
Awneng saite kälang awng y,
Kalvari me Lo anghang lä,
Mityng qütä täphawng ö si.

Kalvari me nang Lo anghang lä
Bälung thung anghawtho hai kha
Älawng pre qütä-a ly ea,
Thui pa ö jo si dy.
2. Kalvari Lo anghang qawng-a,
Anghawtho he kälang awng y.
Hunghö täre säveng ngaila,
Ri y te hai täphawng ö si.
3. Kheng hai ö e, yng y khimi na,
Aeqang kung mäny y tea,
Kalvari thi aesi kätyng,
Hawi te aesi kälang awng y.

38. Kāni pre mā-ai üng Areng Sāthaw

1. Kāni pre mā-ai Areng Sāthaw ma,
Caekācai thung bāheng te lo kai nung,
Kāni pre cae-u thung tārū te lä,
Isu üng bāheng saite lä lengky.

Areng Isu ma dü hai pa dy.
Tengxyng y kawng 2
Kai bung āni ma bāheng te phüng
Tengxyng y kai kawng bārai.

2. Lang tāmang kha Ma te dawng y ngaila,
Kai ly te mityng qū āni awng jaw.
Isu bāheng te kai dawng tea lä,
Äma tea ly kha kai sa he ngai.
3. Isu ma kai tea bälung aevaw,
Kai muilaw bung rui he ly pa te vi.
Bāheng te hai xaws qawng-a mätang pa,
Isu bāheng saite kai lä nung dy.
4. Nang bārai te sanphrang bung kai nung tea,
Ae-awi kähawi hai kai lä bälaw ai.
Dungtäsatä awng te kāni pre-a,
Isu ma bāheng dy näkha thui ai.

39. Hunghö käving

1. Hunghö käving Sāthaw yng y khimi na,
To leila y muilaw la mang dy.
Aeqang te anghang thui he ämi ly ai mei.
Isu hai ly dylä ätete mäja.

Kai thang sa haw saite na py 2
Pre qütä-a ly ö kha Angthang Kähawi thui pa ö.
Kai hui kha awng hai ai.

2. Kheng-e älawng pre na ma lä kähyng dy
Khrista täre mi na aetha ö lawi.
Khristen na ä! Aerü rüing kha aethaw sa.
Angthang Kähawi thui hunghö täre mäja.
3. Sāthaw thui te aetha, aevang hai ö lawi.
Mānga y te hai ma ämüng thui ö.
Dü te mäja he Isu ma dü hai dy.
Hing dy. hing dy näte hai a ö dy.

40. Aeqang kung Thaw kaesang

1. Aeqang kung lä Thaw kaesangky.
Aehae hai jawng kä-awng.
The bārawi hai rae te thung üng.
Tu-a bāhawi lawi-e.

Dawng rae te ni te thui-e 3
Äni ma lä säbawng jaw ai mang.

2. Nang tea kai thui te bawi lä,
Kawng te hai māthang pa.

Bälung si, mawng mätang te bawi,
Aethaw naw saite na.

3. Ätephüng-a bälung si mei.
Rae te tyng kätü-a,
Yng y te na ri käsawtho.
Anghawtho hai ö bawi.

41. Lo kaesü thui pa ai

1. Ly ö rawijae lo kaesü thui pa ai.
Areng Isu lo na lä pra vai y.
Isrel ceng na ly aecö ö bawi bawi.
Tämai thung mang Isu cäqa ngaw ai.

Käni angel na baw üng te thüng-a,
Tämai qawng-a Areng lä aetüng ai.
Mi mäsüng te säla-a lang hai ai.
Ly ö si. Käni pre aepawng paw-i-a.

2. Aw älawng pre thyngdyng ea kheng-e.
Pre haetä hai haetä täre aety ai.
Cüng te aesang bäheng saite di ai.
Tämai thung mang Isu cäqa ngaw ai.
3. Rawijae hai mangtä la qy te thüng-a,
Yng te na la, yng y na khai sö ai.
Caw deng rawijae mangtä deng te thüng-a,
Yng te na la, yng y na khai sö ai.

42. Caw ae he awng mang

1. Käpring thung-a caw ae hethang awng mang,
Ae hethang khimi lä kheng te di bäräi.
Caw ae hethang khimi lä ngai mang rawng,
Caw ae hethang ämi ly ai mei.

Mänga ö hang 2 caw kang müng ae hethang,
Areng ma lä nang hai kai bung kähyng.
Caw ae hethang khimi ämi ly ai mei näte
Areng ma lä kähyng.

2. Ly ö. Areng üng la tea kheng e.
Caw kung ce lä aetüng kha rawng ai dy.
Caw ae hethang lä ämi ly ai mei näte,
Nang hai kai bung kähyng.
3. Kätü käni lä byng täre vi dy.
Taidy tho he kätü lä aenai dy.
Caw ae vang lä taidy tho pyng tea,
Areng ma kawng te vang py ai.

43. Angrawng-a aesawng KM-57

Christ arose SS 152

1. Angrawng-a aesawng,
Aeqang pa te Kung.
Aetha Käni aering,
Areng Isu.

Angrawng üng hai aetha dy.
Bälung kae i na bung mäja dy.
Dü te tea mäja kha paw te Kung vi.
Äma la vai Käni pre-a pyng jaw jaw.
Aetha dy. Aetha dy.
Haleluja, aetha dy.

2. Ni te mätawng hethang,
Aeqang kung Isu.
Äro te säny khai,
Areng Isu.
3. Kädü mäja y.
Aeqang kung Isu.
Kädü haidae täphra,
Areng Isu.

44. Isu, kai tea bäheng te Kung

Jesus, lover of my soul

1. Bäheng te Areng Isu,
Nang tea kai aebü si.
Bärawi saite tyng ea,
Bälung bi bärai te thüng-a,
Hini na aelaw hethang,
Nang ma kai te aedung hai,
Käni pre-a tyng khytä,
Kai tea bähawi kü ba.
2. Aebü nae kälang awng y,
Nang lä kai üng Mäning kung.
Kai bung khaisö hang jo ba.
Rui kha aethaw py kü ba.
Kai lä nang lawngtä yng kae.
Nang lä kai üng säbawng Kung.
Kai mäja y saite na,
Nang kö hai säbawng kü ba.
3. Aw Khrista, bawi bawi qawng-a,
Kai lä nang tea ngaiky.

Naw te na bung hawi hai kü,
Lang tämang te na bung rui,
Nang üng ämüng lä hawi bārai,
Kai üng hawi te lä awng y,
Kai lä hunghö sa te kung,
Nang lä mitang hai kăcai.

4. Kai üng hunghö cai hethang,
Nang üng bäheng te ngai kae.
Bäheng saite tui na hai,
Kai te cai hai pa kü ba.
Nang lä hing te tui kăcai,
Honi tui py kha nei hai,
Kai ma üng bälung thung-a,
Dungtäsatä lawng hai kü.

45. Isu tea ri y te hai

In token that Thou shalt not fear

1. Isu tea ri y te hai,
Hui ö jawjaw hethang,
Lö bâte-a xaws kamaræ,
Mäny jaw hethang sa.
2. Areng Isu ämüng-a lä,
Mimai kähawi awng ai
Dungtäsa äma pyng hethang,
Lö-a kamaræ dang.
3. Cäqui tākui üng tho hang,
Vang bārai te hai aety.
Bälung kae i na bung mäja kha,
Cakhi-a aedaw pa.

4. Areng Isu ly te lolang,
Mätang saite na lä,
Vaini üng hai khung te hai awng,
Areng Isu maw-a.
5. Vaini lä xaws kamaræ py.
Lö-a tärü haw dy.
Isu ma lä sui lökhu hai,
Nang te aekhu hai sy.

46. Areng Säthaw vai baptismæ

O God, accept those being baptized.

1. Areng Säthaw! vai baptismæ,
Dang te na bung kawng ba.
Hunghö ae-ui ea dang sy.
Kai ce bawi bawi maw-a.
2. Isu ma ‘Äkähui na sa,
Baptist la sa näpa.
Hui te ämüng aeteng hethang.
Säbawng kü dü khytä.
3. Kai ce lä kawng, hui saite thung,
Ämüng tärü tea,
Käni pre hing cae-u thung-a,
Kai ce ämüng awng ngai.
4. Vaini Isu te kähui na,
Äsäny kähawi dang.
Honi aekhu aeteng hethang,
Pra y rungtä sa kü.
5. Hini tui-a baptist sa te,
Cai hai mäja y lyng.
Muilaw Käcai baptismæ lä,
Aw, Isu dang hai ba.

47. Sāthaw ma aepawng te sa KM-92
God instituted marriage

1. Sāthaw ma angcū üng hai aepawng te sa.
Engthung kācai mangtä awng hethang,
Aesābawng hethang hai kawng hai hethang py.
Hing te thüng-a bungtä awng hethang.

Kawng bārai te hai ae-awi thui ö si.
Kangby jä-ai aepawng hawi tea,
Aecö kha sa te Kāni mang mätawng sy.
Hing te thüng-a, mangtä awng hethang.

2. Nā-awi, pä-ai te üng nawngpaw ly täqawi,
Nawngpui bung aekaw he Isu thui.
Nawngpui nawngpaw ni lä bungtä lawng hawi dy.
Ingthawng kangthae, Sāthaw tāhang sy.
3. Sāthaw ma sätawng te lä täprei hang sy.
Hikä sa he lä Isu ma thui.
Kāni hai ālawng künung-a bungtä vi.
Bāheng te kācai ma suixüng sy.
4. Isu lä kāhui na tea bāheng pa.
Äma üng hing sai py te kätyng,
Nawngpui nawngpaw ni lä aebāheng ea,
Hini lo na dawng hawi jaw jaw sy.
5. Üngai ä, kai ce ma nang kö-a a dy.
Nini tea awng kha rui kü ba.
Hawi te la, hawi y te la bungtä awng sy.
Nang py te hengtä py haile sy.

48. Arengky pawī sa te KM-175

Gather them in ss 779

1. Arengky üng pawī sa te thung-a,
Mityng awng bö-aw he kähying.
Aecö hai ö. Äma üng ing kawī sy.
Jo aelang te kangtang na hai.

Lang älung hai, ing aeling teng-a,
Hunghö lang käving mang-a la,
ly kha, ly kha, nawng hawī bārai te hai,
Kaeja na bung bähawī ö.

2. Mityng awng üng aecö hai ö be.
lo tängai y te khimi na,
Tämö khai y khimi na tea la,
Ämi lä ly haile y ai.

3. Mityng awng üng aecö hai ö be.
Säthaw ma lo py saite lä,
Nawng hawī te thung-a bähawī ö be,
Mäning kung üng bäheng te lä.

4. Khimi kangtang, känang na tähang,
Käni mang-a awng nae mityng,
Kätho aekhae y kälang aecö hai,
Ni ce tea kähawī thui ö.

5. Käni pre pawī, mawng kätung ai dy.
Pre kăcai tyng hethang phüng-a.
Älawng pre lä bälung mawng xuxa dy.
Ly ö. Mä-ai ly tyng si dy.

Kätho aekhae y te aerü ö.
Bälung mawng mätang tyng ai üng,
Areng mäci te lo thui ea,
Käni mang pawī ly ö si.

49. Khö sa he hawi te pre

KM-189

We speak the land ss 923

1. Khö sa hawi saite na üng pre,
Aecang bärai te hai aevang vi.
Honi pre anghang lä aethang dy.
Ho-a awng hethang hawi bärai vi.

Ho mang-a, awng hethang,
Ho mang awng hethang hawi bärai vi.
Ho mang-a, awng hethang,
Ho mang awng hethang hawi bärai vi.

2. Honi pre üng nang saite hai,
Cangxei he awng kha kawng te lä,
Mä-ai lä aeting jaw ngaila,
Ho-a awng hethang hawiky ai.
3. Honi pre-a bälung bi te lä,
Hunghö hai bärawi te awng y.
Honi mä-ai mäny ngaila,
Ho mang awng hethang hawi bärai vi.
4. Areng! kai ce bung aerü hai,
Käni pre-a awng jaw hethang.
Honi kätyng awng haw hethang,
Makä mei näte mäny ai.

50. Aelaw lawi Khristen na

1. Aelaw lawi, Khristen na ä!
Kangkhüng-a awng jaw ai mei.
Mä-ai aety jaw ai mei.
Areng ma kähyng tea,

Kätü dy. ly, kälu sa.
Ly kha ha tämang te na,
Ving te hunghö mityng üng,
Ni ce bung la ö pa lawi
2. Areng bung mä-ai ngai mei.
Aedo te lo yng haw mei.
Ni te aedaw haw dy mei.
Ni tähang dawng haw dy mei.
3. Mä-ai lä ni te yng mei.
Ni üng thui kätyng sa mei
Mä-ai lä ni üng vi mei
Kälu sa he aedo si.
4. Mä-ai xaws aepö he kae
Areng lökhu ngai dylä
Aethaw sa kha maw mang-a ly
Kätü käni aenai dy.

51. Kai Jordan pyng-a aedaw
O Jordan story banks ss 973

KM-190

1. Kai Jordan pyng-a aedaw üng,
Dyng kha aering jaw te.
Kai üng ingthawng awng saite mang,
Kanan pre-a kai kheng.

Pre aecang bärai tea aehae jaw ai.
Ho mang rei-a mityng lä hawi bärai,
Beram caw te bälaw saite ae-awi thui te,
Areng Isu te awng jaw ai.

2. Honi aecang bärai te pre-a,
Kaevang lä awng jawjaw.
Isu ma ho-a awng tea,
Ving saite la hai dy.
3. Honi pre jawng hawi bärai tea,
Kai mani tyng ai mei.
Areng Isu mimai hawi bärai,
Mani-a nung ai mei.
4. Kai bälung lä kawng te ma kawi
Kai lä aering kawng dy.
Jordan tuileng bungba ngaila,
Ri y kha aekae ai.

52. Dū saite tävaw rei KM-204

The City of God ss 81

1. Dū saite tävaw rei-a vang pui kähawi awng.
Nang bārai saite phüng lä thui lei y.
Ho-a lä kani düng kha vīng te awng y dy.
Honi vang pui jawng hawi bārai thung-a.

Kāni düng vai y pre,
Dungtäsa kaevang-a,
Khimī kācai na ma, Aeqang kung te bālaw,
Honi vang pui jawng hawi bārai thung-a.

2. Mā-ai üng Aeqang kung awng saite mityng-a,
Yng saite na lä anghawtho ai.
Kāni tengpaw kātyng dungtäsa aevang ai.
Honi vang pui jawng hawi bārai thung-a.

3. Khimi cawngkhang üng muilaw na te bāhawi dy.
Beram caw hai mangtä awng dylä,
Areng üng lökhu aecang bārai te hai awng ai.
Honi vang pui jawng hawi bārai thung-a.

53. Xaws qawng-a äthi lawng hai

1. Xaws qawng-a äthi, tui lawng hai,
Xaws kăcai lä kai nung.
Äthi lä Isu tea nung.
Kai thang lawng hai pa dy.

Aw, äthi vang kätingky.
Isu ma pä-awng hai,
Xaws qawng-a, äthi, tui lawng pa.
Yng te mi hai kai nung.

2. Xaws lä li bārai saite thing vi.
Isu kai thang aepö.
Bälung si khü pa, li te hai,
Kalvari-a aeti.
3. Kai nung vaihi bang hai xaws lä,
Honi xaws kai kheng kha,
Aepö haw by ai mei.
Aw, kai aekhu he lökhu awng.
4. Areng lökhu kähawiky lä,
Mäja te kung lökhu,
Käni pre-a aeting ea,
Kai lä aekhu by ai.
5. Mitui rui te awng y ai dy.
Bälung byng hai y dy.
Älawng üng hai bähawi ea,
Awneng mityng tyng hai.

54. Areng käving khimi tea,

1. Areng, käving khimi tea,
Aevang saite tyng lawi sy.
Areng Isu aeqang te hai,
Aeqang te dang ö ai mang.

Aw, Areng aevang hai pa e!
Tävaw rei hang law thung-a,
Bäheng te hai bälung naw hai,
Äjawng-a py hethang ngai.

2. Aedawng rae te käving thung üng,
Muilaw käla bälawi e!
Kätü hai käni byng ai dy.
Dawde-a sa ö he ngai.

3. Aedawng hai lo käcaiky lä,
Angthang Kähawi thui ea,
“Nang ce tea kai awng hai ai,”
Näkha lo aedo hai dy.

4. Aw, lo Angthang Kähawi hai-a,
Tävaw rei pre bawi bawi-a,
Käving bawi bawi aevang lawi sy.
Kätü byng y te thüng-a,

55. Dü te tävaw rei

1. Dü te tävaw ha mang rei-a,
Areng Isu maw, kai nung ai.
Naw mätang bälung si te na,
Kawng te hai kähawi thui bawi ai.
Dü te tävaw rei-a,

Dü te tävaw rei-a 3
Kai tyng te kätü-a,
Kai tyng te kätü-a 3

2. Dü te tävaw ha mang rei-a,
Ing kaesang hawi bäräi saite awng.
Ma üng kaevang, nang bäräi saite,
Mani la ving vai y ai dy.
Dü te tävaw rei-a,

3. Dü te tävaw ha mang rei-a,
Ruicaw kätyng khaisö y lyng.
Nang bälung si mitui rui sy.
Areng ma lä mai pang pa ai.
Dü te tävaw rei-a.

56. Areng Sāthaw bālaw

Come Thou Almighty King

MM-26

1. Areng Sāthaw bālaw,
Ly te Sanphrang lengky,
Ämüng nang bārai,
Mā-ai bālaw hethang,
Sābawng pa saite Kung,
Māja te phung-ang hai,
Pyng pa kü ba.
2. Mā-ai üng Isu lä,
Aedung hai he cäqa,
Aethei y nae,
Täre na kö thung üng,
Aelawi nae thang sābawng,
Areng te aebü kha,
Aehae ö ba.
3. Lo mitang lä ly dy.
Mā-ai bālaw hethang,
Tängai ö ba.
Areng khimi qütä,
Reitae kähawi nung he,
Tāhang kähawi na py,
Cäqa te vi.
4. Areng Muilaw Käcai,
Māny hai jaw hethang,
Vaihi, ly ba.
Haidae leila awng te,
Muilaw Käcaiky te,
Kai ce üng äqawng-a,
Pyng pa kü ba.

5. lawng thung bungtä Areng,
Arengky, nang tea,
Aebü te hai,
Äqawng mang-a cäphaw,
Nang bärai te phung käleng,
Awng hai jaw saite Kung,
Dungtäsa vi.

57. Areng üng awneng te lä tävaw kätyng KM-164

Like a river glorious ss 625

1. Areng üng awneng te lä tävaw kätyng,
Nang bärai te hai lawng kha leng qawng leng rae pa.
Käni qütä leng kha thu te qawng thu rae,
Mä-ai bälung thung-a lawng hai jawjaw ai.

Mä-ai lä Areng te yng ca jaw dylä,
Ma aedo te kätyng awneng te dang ai.

2. Äma üng kö thung-a awneng saite awng,
Mä-ai bung ngai y te na lä hui vawng y.
Muilaw la hethang bälung mawng hai te na,
Honi phüng-a lä mä-ai te nang haw y.
3. Mä-ai üng awng saite cai hai hethang lä,
Kawng te hai mätang saite tyng hethang py,
Hawi saite na hai khu te mä-ai mäny,
Ma te yng te na lä ca hai jaw jaw ai.

58. Bälung mawng te tui cäpring tho KM-169

1. Bälung mawng te tui cäpring kätyng tho sy.
Awneng y saite tyng ngaila,
Äte la tyng sy, kai haetä mäny dy.
Kai tähang äma lä hawi khaw dy.

Hawi khaw dy 2

Kai üng muilaw tähang hawi khaw dy.

2. Setan üng bäräwi saite na tyng mai sy.
Haetä kai aedawng te thüng-a,
Kai aethaw awng y te Khrista lä mäny.
Kai tähang äma thi hai py dy.
3. Hikä dawng te lä tengxyng y anghowtho,
Kai üng hunghö bawi bawi na lä,
Xaws qawng-a täheng dy. Vai lä kai pha y,
Kai muilaw lä Areng te bälaw.
4. Yng saite na lä nung te hai teng ea,
Tämai aehyng te kätü-a,
Baw üng te thüng-a, Areng Isu tyng sy.
Kai muilaw tähang-a hawi khaw dy

59. Isu bäheng te na KM-193

Come ye that love the Lord ss 823

1. Isu bäheng te na,

Kawng te ae-awi thui ö.

Bälung mangtä hai thui ö si.2

Areng maw-a aedaw. 2

Zion me-a paw ai.

Me kähawiky-a ly hethang,

Säthaw üng mityng mang-a,

Mä-ai Zion me-a paw si.

2. Ngai y saite na ma,

Ae-awi thui y ngaila,

Arengky üng caw na ma lä 2

Kawng te ae-awi thui sy.2

3. Honi sui lolang-a,

Aeke y rawng ea,

Zion me hawi bärai te üng hai 2

Kawng te lo thui jaw jaw.2

4. Kawng saite ae-awi thui,

Bälung mawng te awng hang.

Emanuela awng mityng2

Mä-ai lä tyng khytä

Ly ö vying vying si dy.

60. Areng lä ly haile be ai

The Lord is coming. SS 182. KM-159

Doh is G.

1. Areng lä ly haile be ai,

Aerü rüing ö si dy.

Käni pre üng hai ly be ai.

Aerü rüing ö si dy.

Ni lä mä-ai üng hawi nae vi.

Aeqang te na thang aethawng hai,

Äma maw-a aedaw hethang,

Aerü rüing ö si dy.

Kai ly kha aerüing rüing dy mei nä ai. 2

Mani kätü-a la sy.

Nang üng mai ing aevang mei.

Kai ly kha aerüing rüing dy mei nä ai.

2. Areng lä ly haile be ai.

Aerü rüing ö si dy.

Ni lä pre pyng hethang sa ai.

Aerü rüing ö si dy.

Aelaw hai nae la tyng hai kha,

Angel na la bälaw rae ai.

Kawng bärai te ma lady hethang,

Aerü rüing ö si dy.

3. Kheng-e! bawi bawi na tea ly,

Aerü rüing ö si dy.

Baw üng te lä aenai ai dy.

Aerü rüing ö si dy.

Mityng qütä khimi na te,

Tärae cei he ly haile ai.

Äma maw-a aedaw hethang,

Aerü rüing ö si dy.

61. Mätawng nade bawi bawi

Come Young and Old ss 230 KM-119

1. Mätawng nade bawi bawi,
Bäheng te thung-a kung.
La be y te hai ma,
Vai lä ly ö bawi bawi.

Bäheng te lang pä-awng te thüng 2
Awng hethang kätü mätü ai.

2. Isu ma kähying he,
Aekhe hethang dawng hang.
Kangtang na mi kang jö.
Mätang te na ly bawi.

Vai lä äte cawngkhang cyng dy.2
Mityng hawiky te dang haw rawng.

3. Isu xaws thi käting,
Äjawng-a lawng te y.
Äma üng mätang te
Hae tä pa la y ai.

Äma üng pre ka haw hethang 2
Bäheng saite hai cyng hai dy.

4. Areng Isu maw-a
Kхими bawi cäphaw sy.
Nang bärai saite phüng-a,
Ni ämüng kähawi thui.
Käni älawng awng te na ma 2
Mangtä kähawi thui ö jaw sy.

62.Mäning kung ngai bärai te ma lä

The Great Physician ss 89.KM-154

1. Mäning kung ngai bärai te ma lä,
Mä-ai äteng-a awng dy.
Ma üng lo käneng hai thui jaw.
Äma üng lo tängai ö.

Käni-a älawng-a la,
Ma ämüng aethangky te,
Isu, näte thui te lä,
Ae-awi thung-a hawiky.

2. Nang üng hunghö na te bäheng,
Ma üng älo tängai ba,
Awneng te hai ma aethaw sa.
Areng lökhu nang dang ai.
3. Aetha haile kung te bälaw,
Isu tea kai yng dy.
Kai ly nang üng ämüng ngai bärai.
Ni ly kai üng Mäning kung.
4. Kangby jä-ai bawi bawi na ä!
Isu ämüng bälaw ö.
Nade na ä, äma tea
Nang ce üng hing nae py re.
5. Mä-ai lä älawng pre üng hai,
Areng Isu te ly kha,
Äma ämüng nang bärai te lä,
Bälaw te qawng bälaw ai.

63. Jordan tävaw rei-a aecö

1.Jordan tävaw rei-a aecö te thüng-a,
Nang bārai te käyng na bung nung ai.
Pangle phuisidi to lei y kätyng,
Kheng kähawi, dawng lei y nung ö ai.

Pangle phuisidi to lei y kätyng 2
Kheng aemaw y saite,
Aeqang kung maw nung tea,
Pangle phuisidi to lei y kätyng lä.

2.Älawng sa angcū üng käyng na lä,
Bälung si, mätang te aelawi dy.
Honi mityng mä-ai hai aeting ai.
Kheng kähawi, dawng lei y nung ö ai.

3.Tävaw rei-a mä-ai aeting ö ea,
Hing te thing kaekhui-a awng ö ai.
Kanan pre, jawng kähawi lä tyng ö ai.
Kheng kähawi, dawng lei y nung ö ai.

4.Mä-ai üng Aeqang kung Areng hai-a,
Kācai ping-a, ämaw nung ö ai.
Areng ma älawng pre tärae cei ai.
Kheng kähawi, dawng lei y nung ö ai.

64. Baibul lo cai bārai

Lord, Thy word abideth KM-132

1. Baibul lo sai, ca bārai.
Ly hethang lolang mätü.
Yng ca te khimi na lä,
Kawng saite kaevang dang.
2. Täre na säveng ea,
Baibul lo ma aethaw py.
Awneng hai aeqang te lä,
Aesui te anghang vi.
3. Bälung xuxa te hai,
Yng tämang te kätü-a,
Baibul ma kaevang mätü,
Lang kaesyng mang säbawng.
4. Hing saite khimi na,
Baibul lo sai phai dylä,
Anghawtho saite dang kha,
Lo hai thui teng lei y.
5. Hing saite kätü-a,
Käni pre lolang mätü,
Dü hethang aenai thüng-a,
Bälung awneng hai ai.
6. Baibul üng mäci te
Tängai te khimi na lä,
Arengky üng bälung hai,
Aeting hethang dang ai.

65. Khrista üng täre mi reisae na KM-222

1.Khrista üng täre mi reisae na ma lä,

Säthaw mäny y te khimi na tea,
Khrista Angthang Kähawi aehi hai hethang,
Ma üng täre aevyng aemäthy ö.

Nang üng kaevang lä mityng qütä tyng sy.
Kawng bärai te hai ma kähawi thui ö si.
Areng üng kaevang thung-a,
Haleluja, kähawi thui ö si.

2.Älawng pre mäcai te buisaw na ma lä,
Khrista üng Angthang mä-ai te mäny hai,
Muilaw Käcai mä-ai te aethawng hai ai.
Käni qütä kawng te ae-awi thui.

3.Nang bärai saite Säthaw üng Cäpaw ma,
Älawng pre üng areng bung mäja vi dy.
Säthaw yng te khimi bawi bawi na ma lä,
Kawng bärai te hai ma thui jo si dy.

66. Ni te yng ö

Only trust Him ss 329 KM-211

1.Bälung mätang saite na ly,
Ho-a Aeqang kung awng.
Ni ma aehae hethang py ai.
Ni üng lo yng te na.

Ni te yng ö. Ni te yng ö.
Ni te yng ö bawi.
Aelaw hai ai. Aelaw hai ai.
Ni ma lawi hai ai.

2. Isu üng vangting bärai te thi,
Bäheng te bälung hai ma,
Xaws qawng üng hai älawng qawng-a,
Ri kätyng kälung ai.

3. Ni lä lo mitang hai lang vi.
Nang thang lang mätü ai.
Qae y te ma yng päraw lawi ba.
Nang hing saite dang ai.

67. Xaws qawng-a täheng te kheng e!

There is life a look ss 123 KM-202

1. Xaws qawng täheng te Isu bung kheng,
hing te awng.
Nang tähang kätü lä, vai awng rawng.
Hunghö awng te na ä! Kheng mätae te awng ö.
Xaws qawng täheng te kung tähang-a.

Kheng, kheng, ae-ui ö.
Xaws qawng täheng te Isu bung kheng,
hing te awng.
Nang tähang kätü lä vai awng rawng.

2. Makäte Isu lä hunghö bäheng te mei.
Nang tähang bäheng hai pa te vi.
Areng Isu thi lä äte aely awng mei.
Mä-ai tähang aeqang pa te vi.

3. Nang lä ae-ui te hai-a, aetang hethang kae.
Nang üng muilaw bung lawi hai mäja.
Ma üng thi vang ting bärai te hai
aeqang pyng dy.
Tukätephüng-a ni te yng ö.

- 4.Älawng pre teng ea Areng lä ly ai üng,
 Älawng pre leila na la king ai.
 Äma ly be ea, kätü na dang y ai.
 Tukätephüng-a ni te yng ö.
- 5.Areng Isu ma lä mä-ai tea kawng ai.
 Duntäsa hing saite na py ai.
 Duntäsa awng jaw jaw saite lä Sāthaw vi.
 Areng Isu lä hing te Kung vi.

68. Isu müng kähawi thui ö

Take the name of Jesus ss 91

- 1.Isu müng kähawi thui ö ba.
 Bälung mawng müngli saite na,
 Kawng te hai awneng te dang ai.
 Mityng qütä kähawi thui.
 Ma ämüng kăcai lä,
 Käni, älawng kawng hai dy.2
- 2.Isu üng ämüng dawng ö ba.
 Hunghö üng aelawi hai te,
 Bäleng te käläng tyng ngaila,
 Äma müng hai aetang ba.
- 3.Nang bārai saite Isu ämüng,
 Tengxyng y anghawtho hai,
 Bäheng kö-a aebü he dang.
 Ae-awi hai kähawi thui si.
- 4.Isu ämüng kăcai hai-a,
 Käni pre mang-a tyng he,
 Sanphrang leila qawng Sanphrang vi.
 Lang kăcai sa dy ly ö.

69. Vaihi kangby jä-ai

1. Vaihi kangby jä-ai na hai,
Üngai Säthaw ma awng hai kha,
Anghawtho hai aeting ö bawi.
Tu e, aeprei he nai be dy.

Känan pre kähawi-a,
Aeprei hethang awng he y dy.
Käni Areng vang pui kähawi-a
Kawng bäräi te hai aeting si.

2. Älawng pre-a aeprei te lä,
Bälung si hai aeprei ngaila,
Käni pre-a aeting ö si.
Säthaw ma kähawi-a rui sy.
3. Säning käsa aeprei ngaila,
Muilaw Käcai hing te lo lä,
Nang ce bälung thung-a awng sy.
Isu qawng-a aeneng ö si.
4. Älawng pre-a aeprei te hi,
Aeting haile y ry khytä,
Bälung si, raw te tyng hang sy.
Naw saw kähawi aemang hawi sy.

70. Khristian reisa na ä,

Be ye strong in the Lord ss 686 KM-174

1. Khristian reisa na ä, ca bärai te hai ma awng,
Angthang Kähawi käcai aethang hai ö.
Bälung mawng te tui kätyng tho saite na awng ngaila,
Areng üng ämüng hai aety mäja haw ai.

Käca-a, aedaw ö.
Areng üng lo py saite tängai,
Äma te tämö khai üng,
Ma üng lo ma mäja vi ai.
Ca bärai te hai ma aedaw bawi bawi.

2. Khrista üng phüng hai-a käving areng te ty.
Aekei sawngseng hai hawi kha tä-e ö.
Khrista lä nang ce bung aedaw hai jaw ai mang.
Ma üng lo aedo te kätyng vang ngaw ai.

3. Khristian reisa na ä, ca bärai te hai ma awng,
Äma üng lo aedo te täphra haw y.
Nang üng aety te thüng-a, säbawng saite py jaw ai.
Äma te yng üng nang lä mäja jaw jaw ai.

71. Bälung mawng kai dawng tenglei y KM-217

1. Bälung mawng kai dawng teng lei y.
Älawng pre-a awng te.
Hing thüng bälung mawng tämai khu,
Kai cäqeng ja he ngai.

 Älawng pre minaw tui qa te,
 Raw te käni byng lei y.
 Areng, nang üng maw nung he ngai.
 Aw kheng e! Älawng pre-a.
2. Kalvari-a Aeqang kung ma,
 Käni pre pä-awng hai,
 Thyngdyng kha kheng e, muilaw lä,
 Dungtäsa pre-a nung.
3. Kai raw te rung käni byng ai.
 Jordan tävaw rei-a,
 Aw, kai dawng teng haw lei y te,
 Käcai na awng te pre.
4. Aw, makätü-a tyng ai mei.
 Käni pre kähawi-a,
 Tävaw käving aekae tea,
 Raw te pre cäqeng ai.

72. Bäheng te lang mang

1. Bäheng te lolang mang paw ö lawi.
 Isu lä Käni pre lang pui vi.
 Thaw nang bärai te pre thung awng hethang,
 Hi mang-a ly ö bawi by jä-ai.

 Hei pre-a awng hethang 3
 Hi mang-a ly ö bawi by jä-ai 2

2. Nang thang Areng mätang saite kheng.
Kö, kho, älö mang thi tho te ma,
Tuni kätyng ämi khung vai mei.
Hi mang-a ly ö bawi by jä-ai.
3. Judae na hai reisa leila na,
Prawng kha mänui hai ö Areng te,
Tungaila Areng ma bäheng pa.
Hi mang-a ly ö bawi by jä-ai.
4. Areng bäheng te lo tängai ö.
Dawng mäkhüng saite na ly ö lawi.
Ri qawng cang y, kälung hai bawi ai,
Hi mang-a ly ö bawi by jä-ai.

73.Bälung si raw te pre

- 1.Älawng pre khai sö kha,
Kangkhüng dawng y te ma,
Maw mang käly pyng na,
Pre hawiky saite mang aering.
Dungtäsa hing te pre-a.

Bälung bi raw te pre,
Älawng pre-a awng mang üng,
Kawng te hai Zion anghung-a,
Kai ly hethang aedawng bärai.

2. Kheng e! Areng, kai ce
Ly saite käving thung,
Daithung-a mätang te,
Dü te hai rawijae aeprei dy.
Nang pre tyng y kätü-a,

3. Areng Emanuel,
Vang pui Zion anghung,
Ly hethang kai aedawng.
Tu kangby jä-ai to lei y,
Aeting bawi hethang ngai vi.

74. Aw, kheng ö e! älawng pre

1. Aw, kheng ö e! älawng pre lä,
Qae y tea ma khai sö ö ai.
Aw, bälung thung yng saite na,
Aerü rüing kha awng ö dy mei.
Älawng ingthawng lä khai sö kha,
Vaini aepeng te Areng hai,
Käni pre-a ly he aerü ö lawi.
- Aw, cangxei hethang hawi vi.
Käni ingthawng lä khai sö kha,
Älawng pre üng khimi na thang,
Hunghö aeqang pa te,
Nang ce kheng ö e!
Kalvari-a mätang hai te,
ingthung üng tho ö lawi.
3. Hing te thüing-a, dawng tämang kha,
Säthaw üng lang tämang saite na,
I aelaw he, kätü tyng dy.
Käni, älawng lä teng ai dy.
Dawng tämang te, khai sö vi kha,
Nä-awi, pä-ai, kangby, jä-ai,
Käni pre-a ly he aerü ö lawi.

75. Hunghö phüng-a, ss 630

1. Hunghö phüng-a, Aeqang kung ma
Äma üng thi py dy.
Kai kätyng hunghö na tähang,
Älö heng hai pa dy.

Aeqang kung Areng, nang säbawng
Yng saite ca he ngai,
Käni pre-a awng te thüng-a,
Areng, kai tämang hang.

2. Xaws qawng-a mätang hai pa kha,
Kai ce bung mäning hai,
Äma bäheng te dawng lei y.
Aedawng te pha haw y.
3. Aeqang kung Areng dü ea,
Käni ma ving hai dy.
Areng mätang te dawng hethang,
Tämai pui ma khu hai.
4. Kai ma läsy, Areng xaws-a,
Älö heng hai by he,
Anghawtho te hini mang-a hi,
Mitui bälawng hai dy.
5. Kai bälung si bärui ngaila,
Äte lä aecyng y.
Hing te angci lä nang ma py.
Vying käläng la ngai y.

76. Sāthaw bawī bawī na qawng-a

1. Sāthaw bawī bawī na qawng-a,
lengky saite Sāthaw lä,
Dü te mǎja te Isu, Sāthaw, vi.
Cangxei he awneng saite,
Phung käleng hai kawī kha awng.
Angxynlyng üng kácung rü Kung, Areng.

Haleluja. Hosana 2
Areng lä hawiky saite Sāthaw vi.
Phung haidae hai kawī kha awng.
Haleluja bälaw ö. Areng lä lengky vi.
2. Mǎ-ai üng bälung thung-a,
Awng hai saite Sāthaw lä,
Kāhawiky, bawī bawī thung-a,
Kāhawiky.
Hawiky saite ingthawng lä,
Aely kängai saite vi.
Angxynlyng üng kácung rü Kung, Areng.
3. Ämüng bawī bawī qawng-a lä,
Isu ämüng kälengky.
Hing saite mi cawngkhang bawī na maw-a,
Anghawtho cǎphaw ö kha,
Bälaw ö ai, Isu te.
Areng vi näkha hang hai ö ai dy.
4. Tu kätü, Kāni angel,
Bälaw ae-awi thui te tüng,
Kāni, älawng na aehüng hai vi dy.
Kācai, Kācai, Kācaiky,
Haleluja, Kācai vi.
“Areng lä Kācaiky“ näkha thui ai.

77. Kalvari me xaws qawng-a KM-343

1. Kalvari me xaws qawng-a,
Mäning kung Isu Khrista.
Älawng pre üng khimi hunghö aeqang hethang,
Hunghö phüng-a, dü hethang Isu lä xaws aepö.
Aw, nang, kai üng hunghö phüng-a dü pa dy.

Kalvari me, xaws qawng-a 2
Aeqang kung Isu hang te tüng thai ö y mei.
Älawng pre-a mätang bälai te hai ma
Dü hai vi dy.
Bäheng he awng. Nang, kai üng
Hunghö phüng-a.

2. Kalvari me xaws qawng-a,
Mäning kung Isu Khrista,
Kai tähang ngai saite thi lä,
lawng hai vi dy.
Mäna thung üng tho te vi.
Ngai saite äthi na lä,
Hawi khaw vi dy,
Älawng pre hunghö na thang.

3. Kalvari me xaws qawng-a,
Mäning kung Isu Khrista,
Thai ö dy mei.
Aeqang saite thi lä nang bäräi,
Älawng pre üng hunghö phüng,
Angling lökhu aekhu hai,
Aw, nang, kai üng hunghö phüng-a dü pa dy.

78. Älawng sa y kälang-a

The Word was before the world KM-101

1. Älawng sa y tea älo awng.
Pä-ai Säthaw hai aesui jaw jaw.
Äte bawi bawi la, äma sa te.
Äma sa y saite lä awng y.

Hini angthang lä, kai kawng bärai dy.
Lo lä ängang-a nung haw te vi.
Ma üng nang bärai te, kähui na nung
Bäheng te bälung kawi te mätü.
2. Mä-ai üng “Älo” näkha thui te,
Honi lä “Areng Isu” khaw vi.
Bälung lä lo-a mäny kätyng.
Säthaw bälung aetüng Isu lä.
3. Lo lä Säthaw vi näkha thui pa.
Angel na ma la mäny hai be.
Kangkhüng mätaw te tea kawng si.
Ni lä “Säthaw hai Khimi” la vi.

79. Kai aering jaw, Aeqang kung

1. Kai aering jaw, Aeqang kung
Älawng pre käving thung-a,
Nang sa te “Sälem vang pui” lä
Kai aedawng bärai dy.
Älawng pre käving thung,
Bälung mawng te awng ngaila,
Bäheng te hai ma ka te,
Areng te ly si dy.

Käni pre Eden kangthae lä,
Bälung mawng awng y te pre vi.
Aw, mani mei kai tyng hethang,
Dungtäsa hing te,kaevang pre thung-a lä.

2. Aw, ma-a mei Aeqang kung,
Zion me kähawi thung-a,
Hunghö bäheng aeqang kha
Kai thang mätang pa dy.
Hunghö käving thung-a,
Bälung mawng te awng ngaila,
Dungtäsa hing te vang pui lä
Anghawtho mityng.
3. Hi älawng üng aelawi he dawdeky-a la vi ai.
Mäning kung bung ka ea, äni ma mäthang pa.
Khrista yng te na lä, nang bärail saite dang ö ai.
Bäheng saite aethawng dy.
Kawng ö. Haleluja.
4. Mäning kung hai aenai lawi, täre ma säveng vi dy.
Mäning kung bung ka ea, älawng pre cäqeng ai.
Thi hai aeqang dylä, bälung mawng te awng y dy.
Honi hawiky te pre lä kai thang Eden kangthae.

80. Hunghö käving thung-a,

1. Hunghö käving thung-a,
Isu bung mäny y.
Hunghö sa te hai awng dylä,
Kätü, käni lang dy.

Kätü awng y vi dy.
Aedawng mäkhüing thang lä,
Kätü awng y vi dy.
Bälung kaepy y na lä,
Areng Isu, lo käneng hai ka dy.
Aw, rawijae, nang aekö haile.

2. Aeqang angcü na lä,
Leithung aekö haile.
Isu te üng aehui ja kha,
Jö kung-a lang ö dy.
3. Herodae bälung kätyng,
Vaihi lä tyng be dy.
Angel na ly kha thui ngaila,
Ämi la yng y lyng.
4. Bäheng te hawngkhae lä,
Aekhae he aenai dy.
Nang üng muilaw hang te tüng lä,
Bäheng hethang hawi vi.

81. Ly kha sa kätü dy

1. Ly kha sa kätü-a sa ö.
Anghawtho te hai sa ö e.
Käni Areng ly hai lolang
Käyng na bäjui y ai mei.²
2. Ly kha sa e! Khy y vi rawng.
Mätang te vang lä sung y mang.
Khimì ce bälaw y ngaila,
Areng ma lä bälaw ai mang.²
3. Ly kha sa lawi, sa kätü dy.
Bälung thung anghawtho hai he,
Areng bäheng te hai bälaw,
Aethaw byng hai vang sung y mang.²
4. Kätü awng te thüng-a, sa ö.
Älawng käving ma khu täre
Aethaw di y hai sa dawde
Muilaw käla na bung dang ai.²
5. Tengpa khimi bärav y dü.
Angrawng thung awneng te khai y,
Maito mätö kha kheng ö e!
Käving na bawì aehi ai mang²

82. Sāthaw üng cawti kähawi tu e!

1. Sāthaw üng cawti kähawi ävai tu e!
Älawng pre, khö käving thung-a ly kha thui.
Nidüng, nise, älüng, ätüng mang-a.
Bäheng te cawti, kähawi ävai tu ö.

Areng tähang sa ö hethang,
Nang lä ly y ai mei.
Vai ma mä-ai ly ö praw si.
La saite bung ha he.
Bälung si, minaw tui hai ha ö dylä,
Bäheng te cawti, kähawi aepra ngaw ai.

2. Sāthaw üng cawty he la-a ly ö si.
Cawty hethang khimi lawngtä lä awng y.
Ty hethang khimi ce ma ly y dylä,
Sāthaw la üng cawvui lä rawng vi ai dy
3. Sāthaw ma sa hethang kälü na py dy.
Äni ma kälü py te aepreng hai ö.
Äni üng kälü py te khaisö ai mei.
Sāthaw ma kälü py te aepu hai lawi.

83. Isu üng thi y vi dylä

My hope is built on nothingless- ss 902

1. Isu üng thi y vi dylä,

Kai üng ae-y nae la awng y.

Äte kälang, kai yng vawng y.

Ma üng ämüng-a, yng vawng kae.

Kai lungphö käca, qawng aedaw,

Kälang lä täpung älawng, kätyng 2

2. Ving te ma, äma üng mimai,

Ho ea la, kai yng ceng ai.

Ri nae cawngkhang na tyng ngaila,

Kai lä ae-y saite dang ai.

3. Äma üng lo aedo te ma,

Bäleng tea kai te säbawng,

Kai äteng-a aeneng bawi sy,

Kai bung ca hai saite kung vi.

4. Nang bärai te hai ly be tea,

Aw, Isu, kai bung kawng hai kü,

Hawi te hai aemäthy ea,

Nang üng maw-a aedaw hai ba.

84. Kheng kae-e Beram caw

1. Kheng kae-e Beram caw, hunghö phaw hai,

Dü te Kalvari me anghung-a,

Xaws qawng-a äkö mälang hai vi dy.

Kai thang äthi lä lawng hai vi dy.

Aeqang hai kung mäna thung üng,

Thi hai tui lä lawng hai vi dy.

Kai bälung thung-a, awng jaw jae sy.

Hunghö cai hai tävaw.

2. Aeqang saite Areng mityng üng hai,
Bäheng saite tui tho hai vi dy.
Aw, kai muilaw, Aeqang saite kung üng,
Tuni tui lä aevaw y aehu.
3. Thi lawng saite üng tui aehu te na,
Hunghö qawng-a kälung hai bawi ai.
Hunghö leila na lä lawi hai vi dy.
Ly ö bawi ti, Aeqang kung ma lä.
4. Ly be y ai dy. Hunghö thung mang-a,
Aeqang kung Areng, nang ma lä,
Cai saite kö hai aevaw y bähawi.
Nang bäräi saite na lä nung ö ai.

85. Kai tea aenai rae

Draw me nearer

1. Ka te ätüng na, kai lä thai vi dy.
Areng ma ngai te mäny.
Yng saite hai-a, Areng te ly he,
Ma kho kung-a awng he ngai.

Areng dü hai, thinglang äteng-a,
Kai te aenai hai kü ba.
Kai te aenai, aenai,
Aenai hai he ngai.
Aenai hai Areng tea.
2. Areng üng kälü na sa pa hethang,
Cangxei te bäheng te hai,
Kai üng bälung thung,
Aedawng hai khü jo.
Areng tea ngai te ha.

3. Areng üng maw-a, kai aetang saite,
Äni tea kai aebai.
Rawijae khe kätyng, makai saite na,
Mäthang pa te kai ngai bärai.

4. Bäheng bärai saite, kai mäny haw ai.
Dü te tävaw rei tyng kha,
Anghawtho bärai te, kai lä dang by ai.
Vang pui kähawi tyng tea.

86. Kärung käving Zion vang pui

1. Kärung käving Zion, vang pui mang-a,
Aw, kai üng Areng, ma thi lawng pa.
Honi bälung si awng saite phüng-a,
Kai, Areng, bälung mawng te la hai dy.

Aw, nang ce, Jerusalem na ä!
Ma bäheng saite mäny ö lawi.
Müng käli na üng Areng phaw king dy.
Ma bäheng saite, kätingky lä.
2. Jerusalem vang pui äqawng mang-a,
Buisaw na dü y näte thui ö.
Tungaila kheng e! Kalvari mang-a,
Mi pui na beram caw bung ne dy.
3. Kheng ö e! Kalvari lä aenai dy.
Kai hikä te hai ma awng ai mei.
Areng lä ly y vi ai dy mei.
Dü te mityng lä Kalvari vi.
4. Tämanang haw y ai dy. Areng Isu,
Thaw nang bärai pre thung üng kähawi vi.
Hi älawng pre üng lawi pyng hai kha,
Kai thang hing te lasawng py Kung vi.

87. Lawi hai te Kung ma bähawi

All the ways ss 522

1. Lawi hai te Kung ma bähawi jaw.
Honi pyng äte ngai mei.
Hing te thüng, bähawi Kung tea,
Kai makä yng y ai mei.
Kai lä yng te ma awng jaw üng,
Bälung awneng te dang ai.
Äte pa tyng sy. Isu ma
hawi sa pa näte mäny2

2. Lawi hai te Kung ma bähawi jaw.
Ly qütä kawng saite py.
Bäleng te leila na mäja hai,
Kai hing hethang täkaw py.
Lang ly kha bai te kätü-a,
Muilaw tui aehe ngaila,
Lungphö üng tho saite tui lä
Anghawtho te tui säpring.2

3. Lawi hai te Kung ma bähawi jaw,
Ma bäheng te thui lei y.
Üngai, üng ing-a aehae he,
Kai dang ai näkha aedo.
Kai üng muilaw hing jaw hethang,
Kaevang pre-a tyng ea,
“Isu ma bähawi dy” näte,
Dungtäsa khytä thui ai2

88. Kāni Jerusalem kangthae

1. Kāni Jerusalem kangthae,
Raw saite mitui awng y dy.
Honi mityng-a tyng bawi hethang lä,
Nang bälung mäcai rüng dy mei.
Kalvari üng thi käcai hai.

 Hunghö tämai ma khu ngaila,
 Isu müng hai kai ri y lyng.
 Rae te Kāni qü tyng ea päla,
 Äma üng xaws, kai aepö ai.
2. Awng hawi saite hi älawng pre,
Areng he qaitä ha hang ba.
Älawng pre hing te, tänaetä kae vi.
Jerusalem vang pui-a ni,
Nang muilaw awneng hethang vi.
3. Duntäsa hing saite pre-a,
Yng y saite na kung haw y.
Kāni phung käleng hai awng saite lä,
Yng saite na lä tyng ö ai.
Awneng saite pre mityng-a.

89. Areng kangteng

O Living God, we praise Thee

1. Areng kangteng! kai ce nang te bälaw ngai.
Nang lä Sāthaw kanghing äte sa haw bawi.
Nang lä khimi kangtang, mawsawng hai hunghö,
Kangtang **na rawijae vi, Areng hai** Sāthaw.
2. Aetang te tüng mäthang saite Sāthaw vi.
Nang lä kangtang na mākai te py jaw jaw.
Nang caw na, raw sö kha awng te tängai üng,
Mitang **hai hawi sa te, nang lä** nung jaw jaw.

3. Mawsawng üng aelaw te ceng leila kawng sy.
Säthaw lä äqawng-a nang bärai te awng sy.
Älawng mang-a kawng kha aede te awng sy.
Hosana, Hosana, näkha bälaw sy.
4. Khimi qütä, nang te tämö khai ö sy.
Nang ma üng pre hawi bärai te hai tyng hethang,
Käni mang-a sa te kätyng älawng-a,
Nang üng ngai te tyng sy, pre bawi bawi. Amen.

90. Ri kä mä-ai lä cai dy mei.

Have you been to Jesus for the cleasing ss 379

1. Ri kä mä-ai lä cai ping haw ö dy mei.
Beram caw äthi hai cai dy mei.
Hunghö awng y tangki rung cai haw dy mei.
Beram caw äthi hai cai dy mei.

Beram caw äthi hai,
Beram caw äthi hai cai dy mei.
Hunghö awng y tangki rungtä cai haw ai.
Beram caw äthi hai cai dy mei.
2. Käcai ping-a nang la bälaw haw by ai.
Beram caw äthi hai cai dy mei.
Säthaw Muilaw nang bärai te dang ai, nang ce,
Beram caw äthi hai cai dy mei.
3. Cai ping pyng-a, nang lä kähawi mäny ai.
Beram caw äthi hai cai dy mei.
Beram caw la, bälung tang bärai te awng ai.
Beram caw äthi hai cai dy mei.
4. Areng lady he aerü rüng ö dy mei.
Beram caw äthi hai cai dy mei.
Käni pre-a ly hethang aerü dy mei.
Beram caw äthi hai cai dy mei.

5. Vai lä hunghö awng te na khai sö ö lawi.
Beram caw äthi hai cai dy mei.
Hunghö käving üng tähang hing te tui awng.
Beram caw äthi hai cai dy mei.

91. Isu üng thi käcai hai

1. Isu üng thi käcai hai kai awneng vi dy.
Käni qütä kai tea bähawi jaw jaw ai.
Äma üng lo Angthang Kähawi lä thui pa he,
Thui te qawng-a käni qütä aethaw dang sy.
Säthaw üng Angthang Kähawi na lä
Kai muilaw hing hai saite
Angthang Kähawi vi.
Käni Areng vang pui lolang,
Kai lä bäjui jaw hethang
Äma üng pre kähawi-a kai lä tyng ai.
2. Hunghö käving thung awng saite kai thang lä,
Kai hunghö vang äma lä xaws qawng-a dü pa.
Müngli phaw mäsaе te kai lä jang hai vi dy.
Äma üng phüng-a, Käni pre-a tyng haw ai.
3. Tabung hai muilaw lä äma ngai te kätyng sy.
Käni qütä tähang kähawi lä tyng ai dy.
Kawng bärai te Isu ämüng lä kähawi thui he,
Dü te khytä äma üng tabung lawng na sy.
Äma üng pre tyng haw hethang lä,
Käni qütä ae-y te hai
Aethaw sa ö si.
Tabung kangai awng y hethang,
Äma tea ae-a si.
Kхими bawi tea äma lä ka dy.

92. Dawng-e Kalvari anhung

look to the Saviour

1. Dawng e, Kalvari me anhung-a,
Khimì cawngkhang thang hing te thi lawng.
Yng saite bawì na hing te dang ai.
Yng lawi. Nang hing ai.

Yng lawi. Nang hing ai.2
Xaws qawng-a hing te tui lawng te lä,
Yng lawi. Nang hing ai.
2. Hing te mityng-a tyng haw hethang,
Nang üng hunghö bawì bawì na mäcai,
Hing te kätho Isu pä-awng dy.
Yng lawi. Nang hing ai.
3. Aetha tyng te Aeqang kung bung kheng,
Kätü byng y tea ly päraw lawi.
Nang üng ving saite la hai pa ai.
Yng lawi. Nang hing ai.
4. Äma lä nang tähang aetang pa.
Nang üng ngaiky saite na mäny.
Äma lä nang bung bähawì ai mang.
Yng lawi. Nang hing ai.

93. Hi älawng pre bawì lä,

This world is not my home

1. Hi älawng pre bawì lä, äpa kätyng rui ai.
Kätü lä byng ai dy. Duntäsa awng haw y ai.
Hi älawng pre bawì lä, Isu ma la vi ai.
Hi älawng pre kähawì, duntäsa awng haw y lyng.

Areng, nang, qawng ämi kälang nung y.
Areng ma la bawi kha Käni pre paw hai ai.
Käni pre angel na “ly lawi”näkha kähyng,
Hi älawng pre kähawi,
dungtäsa awng haw y lyng.

2. Honi pre hawi te thüng, ruicaw lömai päla,
Käni pre tyng bawi kha kawng te ae-awi thui ai.
Käni pre angel na hunghö na bung kähyng,
Hi älawng pre kähawi dungtäsa awng haw y lyng.
3. Dungtäsa hing te pre, honi mityng thung-a,
Mätang saite na hai bälung si te awng y dy.
Nä-awi, pä-ai, kangby, jä-ai honi pre thung-a,
Tyng haw ö bawi ai mei, kätü tyng te thüng-a.

94. Säthaw bäheng te kheng e!

1. Säthaw bäheng te kheng e!
Kalvari me-a aetüng,
Cäpaw Isu Khrista lä,
Hunghö na thang hing te py.

Mätang saite kheng ö e!
Bäheng saite aetüng hai,
Bädü saite na thang aetang,
Üngai, ni ce bung bäheng ba.
2. Mätang kha bäheng saite,
Bäheng saite aetüng hai,
Thui tämang saite lo hai,
Äma te hang hai ö dy.
3. Bähengkung mäny te na,
Äma ce üng hunghö nung,
Ae-ui ea Isu te,
Hunghö ae-ui hethang py.

95.Thai te khimi na Angthang Kähawi thui ö, KM-207
Whose ever heareth! Shout, shout the sound ss 389

1. Thai te khimi na lä! Angthang kähawi thui.
Älawng pre-a Angthang Kähawi aehi sy.
Anghawtho Angthang khimi qütä thui ö.
Ämi la ly haw ai mang.

Ly ngai te khimi, ly haw te thui pa.
Mityng qütä hini Angthang aethang sy.
Lang tämang te na bung Areng ma kähyng.
Ämi la ly haw ai mang.

2. Ly te khimi na lä ngai y te awng hang.
Vai kätho pä-awng tea kung ö lawi ba.
Areng lä hing te kätho pä-awng pa dy.
Ämi la ly haw ai mang.
3. Ämi la hing te lo aekhaw khi dylä,
Aebäheng te bälung hai awng hethang kae.
Ly te na lä dungtäsa hing te dang ai.
Ämi la ly haw ai mang.

96. Hini älawng lä dungtäsa hing he y KM-255

1. Hini älawng lä dungtäsa hing nae y.
Äpa kätyng tänaetä ma rui ai.
Älawng pre üng nang bärai saite na,
La hai vi ai, vaimaw Käni se tea.

Kalvari me üng lawng te äthi lä,
Nang hai kai hunghö na awng mang ngaila,
Ri kätyng kälung hethang lä mäny he,
Mä-ai lä honi thi hai aese ö si.

2. Tabung tui nei hethang nang mäny dylä,
Muilaw tui nei hethang nang mäny y mei.
Tabung tui nei hethang nang mäny kae vi.
La haw vi ai, vaimaw Käni se tea.
3. Säthaw üng cae-u thung-a kheng ö dylä,
Nang hai kai üng awng saite bawibawi na lä,
Tabung tui nei hethang nang mäny kae vi.
Säthaw üng cae-u thung-a nung haw vi ai.

97. Caw ang-yng na süng kha

Sowing in the morning, sowing ss 752

1. Kädang thawde aetha, möti kähawi hi ö.
Käni anghung üng hai kädüng tyng khytä,
Ae he kätü aering, müng te kätü kheng kha,
Kai ce kawng bärai te hai caw ang-yng na süng.

Caw ang-yng na süng 2
Kai ce kawng bärai te hai
Caw ang-yng na süng.

2. Käbi thung-a hi kha kaekhui thung-a hi ö.
Tämai thung-a ri y, säding kätü la,
Qae y kätü ae he, möti hi pyng tea,
Kai ce kawng bärai te hai caw ang-yng na süng.
3. Areng tähang cawti, kähawi-a tu ö si.
Bälung si tyng ngaila, tu jaw jaw ö si.
Honi na sa pyng-a, Isu ma kähying ai.
Kai ce kawng bärai te hai caw ang-yng na süng.

98. Aw, Isu kai te cäqeng hang

Pass me not, O gentle Saviour ss 488

1. Aw, Isu kai te cäqeng hang,
Kai ätüng thai kü.
Nang kälang na bung hyng tea,
Kai te cäqeng hang.

Mäning kung ä!
Kai ätüng thai kü.
Nang kälang na bung hyng tea,
Kai te cäqeng hang.
2. Bäheng te aety-nae maw-a,
Kai aehui tea,
Kai tea awneng hai kü ba.
Yng te ca hai ba.
3. Kai lä nang bäheng te yng kae,
Nang mimai ha ngai,
Kai bälung pra te hawi sa pa.
Bäheng te qang-a.
4. Kai üng awneng te sangrung hai,
Hing py te nang vi.
Käni, älawng-a kai tähang.
Nang lawngtä awng kae.

99. Aehae hethang hawi bārai KM-188

There is a Paradise of rest ss 989

1. Aehae hethang hawi bārai te awng,
Kāni pre kähawi-a,
Kärung käving la pang saite mityng,
Sa te, raw te teng dy.

Äqawng mang, kai aeting ai.
Kāni hawi bārai te khötawi te kätü-a,
Äqawng mang, kai aeting ai.
Tävaw rei hawi bārai te pre-a aeting ai.

2. Vang pui-a kaevang khu te awng,
Hawi te thui haw lei y.
Kung te na qütä Areng bung nung ai.
Ni tea awng jaw ai.
3. Ly haile he, aering te hai,
Bälaw te na tähang,
Äqawng mang lökhu khai pa te lä awng,
Isu ma khu hai ai
4. Hing saite hawngkhae kättho mang,
Kung hethang ngai dylä,
Dü rung khytä yng jaw jaw hethang lä,
Aevaw y sa he ngai.

100. Isu phung-ang leng jaw sy

1. Lang ly te qü-a, kai tea bähawi,
Kähawi-a rui pa dy.
Dungtäsa Säthaw, kai thang hing dy.
Phung käleng aevang te hai ma,
Kai üng Säthaw vi.
Aevaw y kai bung hing hai dy.

Hing hai dy. Isu, kai thang hing hai dy.
Dü te üng aetha haile vi dy.
Aesangky mityng aety te Kung,
Kai Areng Isu phung leng jaw sy.

2. Kai hunghö bawi na bälawi pa dy.
Cai saite py dy.
Kö,kho üng tämaw phüng-a,
Naw hawi dy.
Kai tähang mätang hai pa dy.
Aelawi hai vi dy.
Areng Isu kai thang hing vi dy.

101. Ly ö Aeqang kung Isu üng KM-145

Come! Praise the Redeemer ss 942

1. Ly ö! Aeqang kung Isu üng,
Ämüng nang bäräi te bälaw ö si.
Mä-ai lä bälung aethaw na hai-a,
Dungtäsatä bälaw ö si.

Mäning kung ämüng lä,
Ämüng nang bäräi te bälaw si.
Ämüng nang bäräi te lä, nang bäräi te,
Ämüng nang bäräi te bälaw si.

2. Mä üng bäheng leng te phüng-a,
Mä-ai aevaw te hengtä py ai.
Xuxa hai bälung mawng saite hai,
Mäning kung ma lä rui te vi.
3. Muilaw ma cüng hai pa hethang,
Säthaw ma lä aethawng hai jaw sy.
Ma ämüng kähying te na tea lä,
Ämüng nang bäräi bälaw ö si.
4. Ly ö, Aeqang kung Isu üng,
Ämüng nang bäräi te bälaw ö si.
Ma nang bäräi saite hai cai saite lä,
Mä-ai bälung thung awng jaw sy.

102. Pre haetä hawi te awng KM-100

There's a land that is fairer than day ss 964

1. Pre haetä tengxyng y hawi te awng.
Yng jaw te khimi lä nung haw ai.
Mä-ai Pä-ai Käni mang aering,
Mä-ai awng-nae mityng sa pa vi.

Vaini dy. ly hawi bäräi,
Honi pre-a, mä-ai aeting ai.
Äma te, yng dylä,
Käni pre-a mä-ai aeting ai.

2. Isu ma Käni pre lang sa dy.
Mä-ai bung bäheng pa te phüng-a,
Käni hai älawng lä aesui vi.
Mä-ai Käni pre tyng haw hethang.

3.Käni pre hawi bārai saite kheng e!
Isu ma nang ce bung kähyng dy.
Tho ö bawi lawi, hunghö thung üng hai,
Sāthaw ma mā-ai te bāheng ai.

103. Aeqang te na Käni pre-a KM-187

High in Jordan Heavenly courts ss 1020

1.Aeqang te na Käni pre-a, ae-awi thui,
Areng üng maw-a, lökhu vang ting te khai.
Älawng pre bälung mawng te cäqeng ja üng,
Käni pre awng te na hai mangtä bälaw.

Beram caw bälaw, Kalvari-a dü pa te lä,
Beram caw bälaw, dungtäsatä hing jaw te lä.

2.Bāheng te mengvi ae-awi lä cungrü dy.
Rimui ämui kätyng aetang te ö dy.
Areng dü pa kha aetha be te phüng-a,
Mā-ai dungtäsatä äma hai pyng ai.

3.Beram caw thi cai hai te y vi dylä,
Ae-awi kangthae lä ämi la thui haw y.
Aw, Mäning kung, kai ce hunghö cai hai kü,
Vai ma kawng te ae-awi hai bälaw ö si.

104. Ly haile, aw, rawijae

1. Kāni pre hai cūng saite, lo mitang, aely kāngai,
Honi na tea dawng ö.
Älawng inghawng na hai äte kālang hung-a,
Kangmang-a ha dylä, ngai saite na äma py ai mang.

Aekö ö lawi, rawijae na,
Lo mitang te kähawi aedawng te hai,
Ma te ly tyng ö. Rae saite hai kābi leila na,
Ätui-a qawng hai ai, Isu māja dy.
Aethawng saite na lä dang ai.

2. Lo mitang hai muilaw, anghawtho saite lä,
Ngai saite na ni mäny,
Ngai saite na la awng, ae-y saite na thang,
Ngai te hung-a cang y,
ngai saite na äma py ai mang.
3. Mätang saite aeting, bälung bi kätü-a,
Jo aelang te kätü-a,
Mimai dang he ha kha äni te cāphaw ö.
Kхими hung-a Areng tea ly kha ae-y ö kae si.
4. Bälung käleng üng hai bälung aemäneng kha,
Areng tea aebü si.
Bälung tang hai hunghö äni te aehui si.
Hokä sa pa dylä anghawtho saite na dang ai mang.

105. Mäja te Käni

1. Areng hai aeting tea, ae-awi hai bälaw ea,
Tu mityng-a anghawtho te dang ai.
Käcai na hai aeting kha tävaw rei-a tyng ea,
Tu mityng-a anghawtho te dang ai.
Ho-a lä kawng ö, kawng ö kha ae-awi hai thui ai.
Ho-a lä anghawtho bärai te awng ai.
Areng hai aeting tea, Hosana bälaw ö kha,
Tu mityng-a anghawtho te dang ai.
2. Käcai na hai aeting kha sui lolang-a ly ea,
Tu mityng-a anghawtho te dang ai.
Käcai na hai anghawtho, dungtäsa bälaw ea.
Tu mityng-a anghawtho te dang ai.
3. Mätang te awng y ai dy, sui lökhu aekhu ea,
Tu mityng-a anghawtho te dang ai.
Dungtäsa vang pui thung-a, Areng hai aeting tea,
Tu mityng-a anghawtho te dang ai.

106. Säthaw cäpaw dy

1. Cäpaw Isu Khrista, yng te khimi bawi lä,
Areng üng cäpaw na vi dy.
Setan caw üng hai Areng cäpaw lawng dy.
Kai thang dü hai te, Isu Khrista üng phüng-a,
Säthaw cäpaw dy.
Areng te bälaw ai.
Älawng khimi mäny y ngaila,
Angel na thui haw y. Äthi vang üng ae-awi,
Käni pre tyng te khytä, kai lä thui jaw ai.

2. Khimi hunghö kai lä, xaws qawng-a dü he kae.
Xaws lä khimi hunghö na thang,
Tungaila Isu, kai jüing mätang hai pa.
Kai thang dü pa saite, Isu lä xaws qawng-a.
3. Kai üng hunghö na lä Isu te yng tea,
Äthi hai hunghö mäse pa.
Kai sa te qa y, äma bäheng te phüng,
Lawng saite äthi phüng-a, kai lä cai vi dy.
4. Yng saite üng phüng-a, Areng cäpaw vi dy.
Kai awng nae, mityng sa rüing pa.
Älawng khimi na, mäny y pa te phüng,
Dungtäsa bälaw te ae-awi, kai tea awng.

107. Areng maw-a aedaw ai KM-192

We shall stand before the King ss 966

- 1.Mä-ai ae-awi thui hethang,
Areng maw-a aedaw ai.
Vaini dy.Vaini dy.
Äma te bälaw hethang,
Tävaw pyng hawi bäräi hawng ai.
Vaini dy.Vaini dy.

Arengky maw-a aedaw ai.
Ni te ae-awi thui hethang,
Angel na hai bälaw ai.
Haleluja, Haleluja.
Areng maw-a aedaw ai.

- 2.Käni mangling tähüng dy.
Mä-ai ho-a aedaw ai.
Vaini dy.Vaini dy.
Bälung mawng te tyng ngaila,

Äma te tämö khai ai.
Vaini dy. Vaini dy.

3. Areng ma kawng hai hethang,
Ma üng maw-a aedaw ai.
Vaini dy. Vaini dy.
Äma thang, nang ngai te py,
Nang lä äma kä awng ai.
Vaini dy. Vaini dy.

108. Areng caw vui

1. Areng caw vui lä vaihi müng dy.
Älüng, ätüng aeki te phüng-a,
Älawng pre qawng-a aeki lawi sy.
Aeki bawi dy. Älawng pre qawng-a.

Ämi ly ai mei, Säthaw tähang,
Aw, vaihi-a, kai ly vi ai.
Areng caw vui lä vaihi müng dy.

2. Tävwaw, bäjö na, Ma tea ly,
Cawvui kähawi na la hai hethang,
Areng Isu üng thi käcai hai,
Kalvari me mang aeqang pa dy.
3. Aeqang kung Areng Isu ma lä,
Kärung, käni nang tea mäci,
Nang bälung naw hai y vi nang mei.
Areng lo käneng, nang thai tea.

109. Kai Areng dü hai

1. Kai Areng dü hai, Kalvari me-a,
Pre khimi na ma ngai y päla,
Tu e, kai lä Kalvari me kätyng-a bälung naw hai,
Areng bäheng te, khö kä ne e!

Käcai Muilaw, nang pre täkui e!
Nang y dylä, kai aethaw awng y.
Säbawng te khö kä, tä-awi khäla,
Aevang täre ai, khö käving pre.
2. Aevang te pre üng khimi na ma lä,
Äma ce lo hai bälaw bawi dy.
Kheng e! Kai ce pre la kai ma ce lo hai bälaw ö dy.
Käcai Muilaw, kai lo säbawng e!
3. Üngai Säthaw, khö ving pre-a awng te,
Ruicaw, lömai hai kangtang na ma,
Nang lo Angthang, jo kaelang,
Tui kätyng-a aehe te na,
Mi mei ly ai, hing tui mätyng he.
4. Kheng ö e! Adam dung hai khimi ce,
Hunghö tämaw na ni awng ö bawi.
Hawi saite aesi awng y,
Kalvari üng thi y dylä,
Mäthy ö si dy, äthi hai-a.

110. Kāni pre üng Areng Isu

1. Kāni pre üng Areng Isu, älawng qawng-a,
Vang pui kähawi bälung naw y te hai ly kha,
Älawng khimi ceng cawngkhang na
Aeqang hethang,
Kāni ingthawng phung-ang käleng khai sö.

Aw, hunghö awng y, Areng Isu lä,
Saerae te hai kănaw aepä-üng kha,
Löhu anghung-a, xaws aepö te hai ly dy.
Nang hai kai thang, hunghö phüng-a dü dy.

2. Judae sanphrang Pilata ma tärae cei te,
Areng Isu tämang saite la awng te y.
Herodae hai täre na ma hang pa te hai,
Mäthui, täbeng, mäthawi te hai sa ö.
3. Areng Isu dü te kāni, khö ma ving hai,
Thi kăcai hai khimi hunghö na bung mäcai.
Mä-ai ceng käläng na tähang hawiky pre-a,
Isu thi hai dungtäsa hing te py.

111. Thui he kaw y, täphawng kaw y

1. Thui he kaw y, täphawng kaw y,
Käni pre äphüing na lä,
Thui to e pa, täphawng lei y.
Muilaw üng äphüing na lä,
Ämi thui bawi haw y.

Tu jawng kähawi pre thung-a lä,
By jä-ai angxynlyng na hai,
Aeting bawi ai, tu käni-a,

2. Honi pre lä nade na hai,
Yng saite na üng pre vi.
Ly pyng saite by, jä-ai na,
Honi pre kähawi thung-a,
Anghawtho teng lei y.
3. Honi pre lä nade na hai,
Tui aehe te awng y dy.
Käni se te, käni düng te,
Awng vai y, honi pre lä,
Kheng aemaw y ai dy.
4. Bälung si te, bälung mawng te,
Bälung si, raw saite na,
Awng vai y dy. Honi pre lä,
Ly pyng te caw-nade hai,
Kö cibai aesa ai.

112. Kai maw-a bälung mawng te

1. Kai maw-a bälung mawng te,
Täphra kha sung hai saite vi.
Angra hai setan kö ma,
Kai te kawng Jehova Shalom lä, kai aering.

Jehova Shalom, kae-y awng nae,
Jehova Jere, kai aethaw,
Äte käläng ri y ai.
Areng lä kai te awng jaw.
2. Kätei te setan üng tüng,
Bärawi kung reng te kai mäny.
Aw, dü te kai thang kähawiky.
Aethaw sa, Jehova Shalom lä kai te awng.
3. Aw, Säthaw, Arengky ma,
Ri ö hang, dü te pa ri hang.
Awneng te hai awng jaw ba.
Nang maw-a aedaw jaw jaw ai näpa.

113. Aw, Mäning kung, Säthaw ma

1. Aw, Mäning kung, Säthaw ma,
Kai üng bälung thung-a,
Muilaw py te anghawtho,
Älawng cüng te ma pha haw y.

Kхими üng cüng saite hai,
Aedawng te na pha haw y lyng.
Lawi hai Kung üng lo kaening lä.

2. Thu ea aesang bārai vi.
 Älawng cüng te qawng la,
 Sāthaw bāheng te lo lä,
 Kāni hai älawng-a kawi sy.
3. Kai hunghö la pa tea,
 Bāheng pa te phüng-a,
 Muilaw ma py anghawtho,
 Aw, kai hing te Areng bālaw.

114. Lemi pre jawng hawi bārai

1. Lemi pre jawng hawi bārai,
 Äpa kätyng aepa lawi sy.
 Areng üng phung käleng,
 Mä-ai pre-a aevang lawi sy.
 Sa ö si. Sa ö si.
 Sāthaw tāhang sa ö si.
 Lemi pre jawng hawi bārai.
 Areng ämüng aesang sy.
 Ni kähawi lä byng y te thüng-a,
 Areng tāhang sa jaw jaw si.
2. Kai hunghö awng te phüng,
 Raw pi saite hai ma awng jaw.
 Nang bāheng te dawng y.
 Hunghö te mang-a hui lae vi.
3. Älawng pre hing te lä,
 Kätü tänaetä ma byng ai,
 Nang aethaw ae-y hang.
 Nitä kāni rui haile ai.

4. Mä-ai üng hunghö na,
Areng, nang te aehui ai mang.
Hunghö bäheng kü ba.
Areng, nang ma bälawi kü ba.

115. Khrista thang kälu sa hethang

1. Khrista thang kälu sa hethang,
Äte na ma mäkhang te mei.
Xaws-a hing sai dang pyng te na,
Khrista bung bädü haile he mei.

Kalvari xaws lä, kai üng hing nae.
Kai Areng ma mäja dy.
Älawng pre awneng saite awng y.
Kalvari xaws lä kai üng hing nae vi.

2. Älawng pre bälung si ngang sö.
Käni qütä mätang te hai,
Jawng hai saite äte awng y.
Kalvari xaws lä kai üng hing nae vi.

3. Hing te lo käthu Khrista py,
Älawng pre-a thui ö si dy.
Bäheng te dung khü y tea,
Xaws anghang ri y te hai thui ö si.

116. Dawng e! Areng Isu angkhaw

1. Dawng e! Areng Isu angkhaw-a,
Rui hethang kähying dy.
Kälu sa he awng y te phüng-a,
Caw na rawng king vi dy.

Areng üng ämüng kawng bärai te hai,
Nawng hawi te hai ly ba.
Angthang Kähawi kawng he
Awng bärai te,
Älawng pre-a thui ö.

2. Ly kha la saite na bung bähawi,
Hunghö käving üng hai,
Aethaw awng te hai ni ce bähawi,
Hunghö kawng te sö pa.

3. Mätang te hai anghawtho te na,
Bäheng te bö ngai vi.
Dungtäsatä hing te dang hethang,
Ni ce bung bähawi ba.

4. Dawdeky-a sa ö hethang ngai.
Kaevang te tyng dylä,
Xuxa saite kätü tyng dylä,
Mä-ai sa haw y dy.

117. Aw, Kalvari üng thinglang-a

1. Aw, Kalvari üng thinglang-a,
Kai üng Areng ma hang.
Jerusalem Kanan pre bawi bawi.
Nang üng Areng y mei. 2

Aw, kai thui kaw y.
Aw, kai täphawng lei y.
Bäheng hai te aedawng re,
Kaeni-kaesang, kai thui kaw y.
Bäheng te lä dawng rae bärai.

2. Känih nang bärai bäjae aesä-ei,
Lungphö pui lä kawi dy.
Areng Sāthaw üng bälung thung-a,
Matangtä naw ai mei. 2

3. Älawng pre lä pra king ai.
Pangtäli pui la naw.
Ri te phüng-a, älawng pre pryng dy.
Käcai na aetha dy.

118. Äma lä kawng hai te Kung

1. Aethawng te py Kung, Säthaw ma,
Käni qü ngai saite na py.
Ma üng cäpaw-a bälawng he ngai.
Kai üng ngai saite lä Nang vi.
Nang üng lo awneng saite lä,
Kai kawng te lä anghawtho vi

Äma lä kawng hai Kung vi.
Kai hing te käni qütä,
Kai hing te,
Dawng pha haw y saite kätü-a,
Khrista phüng-a, aethaw,
I ca ha saite na,
Kai mäny, Tengxyng y,
Kai kawng bäräi.

2. Kai ma üng dawng te hai-a,
Khrista bung mäny te na,
Cai y te hai hunghö mang ly ö.
Kai mäny haw y te thüng-a,
Khrista lä bähawi pa jaw ai.
Kai kawng te lä anghawtho bäräi.

3. Kai dawng tämang te kätü-a,
Nang tähang-a kai hing pa ai.
Näkha kai ma tea kheng tea lä.
Cai y saite hunghö awng kha,
Aethawdi, dü saite na vi.
Sa haw saite dang haw y dy.

119. Jerusalem Zion kangthae

1. Jerusalem Zion kangthae lä kheng ö e!
Aw, khimi ce thung üng Beram,
Areng aeke mityng.
Aw, bälung si te hai kawng saite lä,
Kalvari-a aeting.

Aw, ceng cawng khang hai,
Lo cawngkhang na lä,
Käni Areng raw hai Kalvari me-a,
Käläng awng y dy.

2. Jerusalem vang pui kangthae-a kheng ö e!
Aw, khimi kânawi, Beram Caw
aeke mityng kähawi.
Aw, Kalvari üng Săthaw bäheng te,
Dawng he aely ngai.

3. Haleluja, thui kaw kha lä Haleluja,
Aw, bäheng te lä lang vai y,
Kawng hai hing te py hai,
Thui kaw ai mei. Mäci te kaw ai mei.
Aw, bäheng te lä.

120. Nung vai y saite pre

1. Nung vai y saite pre kähawi awng.
Nang bäräi te ämi lä thui haw y.
Käni qawng aevangky te pre-a,
Areng hai dungtäsa awng he ngai.

Hei pre-a, Hei pre-a,
Isu hai dungtäsa awng he ngai.
Hei pre-a, Hei pre-a,
Isu hai dungtäsa awng he ngai.

2. Baibul üng lo sai kai thai tea,
Aeqang saite dang ai, kai mäny.
Naw te, bö aelang, tui aehe te,
Hei pre tyng tea awng y ai dy.
3. Pre kähawi ämi tyng by ai mei.
Bälung si, bälung bi awng y dy.
Naw mätang, raw pi saite na hai,
Dü be saite na la awng y dy.
4. Honi pre kähawi thung-a awng he,
Areng ma hunghö na mäcai dy.
Ämi la äma te yng dylä,
Dungtäsa pre thung-a awng ö ai.

121. Areng hawiky, Areng lengky

1. Areng hawiky, Areng lengky,
Bälung byng thüng-a säbawng.
Areng tea kae-y na lä,
Areng ma rui pa jaw ai.

Bälaw jaw ai. Areng te bälaw.
Areng phung-ang cangxei awng.
Areng bäheng te aesang bäräi,
Ae-y nae lungphö Isu.

2. Aethang khai byng, bälung si na,
Ruicaw na hai lömai na,
Kälawngdi üng kai mäsang ai.
Areng bäheng te qang-a.

3. Muilaw ämi, Areng pä-awng,
Äma kö hai rui pa jaw.
Kai bung ka ea, kai mäthang ai.
Lo käthu na mäny ai.

122. Kai hing nae kähawi sa dy

1. Bälung byng te awng thüng, ae-y te bälung dang.
Kai maw-a tämai bu, tyng saite lolang-a,
Käving thung ri he awng, kaevang lä tyng hai pa.
Kai tähang Areng Isu cäqa.

Kai jüng-a dü hai pa te kai üng Areng,
Dungtäsa lolang hai tha pa vi dy.
Kai jüng-a mätang hai te kai üng Areng,
Kai üng hing saite lä hawi hai dy.

2. Hing te thüng-a bai kha aethaw neng te awng sö.
Phui te älawng kätyng, tui awng y te mityng,
Thing kawng kätyng hing te aeli tho kha cei hai.
Hing te thüng-a, Isu ma säbawng.

3. Kai jüng-a aedaw pa, kai jüng-a aerü pa.
Kai jüng-a mätang hai, kai jüng-a sa pa dy.
Kai jüng-a aebai pa, kai jüng-a cy hai dy.
Hunghö üng vang na Isu ma py.

123. Aetha ea, Üngai tea ly ai

1. Aetha ea Üngai tea, kai lä ly ai.
Kai üng maw-a tämai bu kha,
Bäheng te Kung bung älawng pre mi känung-a,
Üngai tea, kai lä ly ai.

Hunghö käving ma bähawi,
Kawng saite na awng y.
Yng te ma kai te säbawng.
Älawng käving kai eng.
2. Üngai üng ing-a lä mawsawng khimi na hai,
Kхими bärav y na awng üng.
Kai lä hi-a, äjo aelang kha dü ai dy.
Mätang te ma kai te bähawi.
3. Äma üng hawiky te ing-a, kai awng he ngai,
Älawng pre üng ätüng tängai.
Kai aedawng bärari Üngai ing-a, vawi tyng hethang,
Hunghö phaw te hai kai vawi ai.
4. Kai lä hunghö bälung bi dy. Mäning kung ä!
Kai awneng saite la awng y.
Kai lä hi-a äpa kätyng rui king ai dy.
Aecang bärari te na lä rawng ai.

124. Isu kai üng ngai bārai saite

Jesus beloved of my heart ss 646

1. Isu, kai üng ngai bārai te hai,
Nang üng bāheng saite mākai,
Kai tea honi a dylä,
Kai tawng ea, bāheng rae ai.

Kālang ce lä nang saite hai,
Mityng hawi bārai te ha ö sy.
Kai lä honi na dawng y ai.
Nang lä kai ma tāhang hawiky.

2. Älawng pre üng bāheng te hai,
Nang bāheng te hai aetawng y.
Kai lä ngai bārai te kheng ea,
Nang üng mimai nung hethang dawng.

3. Kāni mang kawng saite mei sy.
Äpa aepa te nung ngaila,
Kai üng muilaw aehae hai te,
Nang bāheng saite haetä kae.

4. Kai üng bälung aevang hai te,
Nang üng aevang te haetä kae.
Nang awng dylä, älawng pre lä,
Kāni mang kawng te hai aevang.

125. Sāthaw pre tyng he aenai dy

There is a glorious Kingdom waiting ss 168

1. Mä-ai üng aering saite pre nang bārai te
Kāni mang awng.
Ho-a lä kāni qütä kăcai na awng.
Kāni se dūdū tea pre tyng
Hethang lä aenai dy.
Vai Sāthaw üng pre tyng hethang aenai dy.

Vai Sāthaw üng pre tyng hethang aenai dy2
Kai bälung thung aerü rüng,
Baw ätüng hai kähüng te.
Areng lä nang bārai te hai aetüng ai.
2. Honi pre nang bārai saite tyng he
Aethang khai te phüng-a,
Areng üng aetüng hethang dyng saite pa.
Hi älawng pre hunghö thung üng
Mä-ai bung aelaw hai dy.
Vai Sāthaw üng pre tyng hethang aenai dy.
3. Honi pre tyng tea lä mä-ai üng,
Areng bung nung ai.
Pre tyng y tea Areng lä aetüng ai.
Haleluja, näte hai,
Aeqang kung te bälaw ö si.
Vai Sāthaw üng pre tyng hethang aenai dy.
4. Älawng pre ma aering hai phi
Te phüng-a mäsaе vi dy.
Kхими ce ri te phüng-a, khung haw y dy.
Sāthaw pre üng Anghang thui kha
Ae-awi hai bälaw ö si.
Vai Sāthaw üng pre tyng hethang aenai dy.

126. Mä-ai tähang lungphö pui

KM-148

The Lord's our rock ss 539

1. Mä-ai tähang lungphö pui hai,
Rui te Kung lä Isu vi.
Rae saite na la tyng mai sy.
Aebü hethang lä dang dy hei.

Aw, Isu lä lungphö pui ca bäräi te vi.
Mäsae te na aehae hethang,
Aw, Isu lä lungphö pui ca bäräi te vi.
Yng te na üng aebü nae vi.
2. Kaekhui kähawi, baesung käca,
Rui te Kung lä Isu vi.
Ri nae awng te bawi bawi-a la,
Aebü hethang lä dang dy hei.
3. Aeli, khö hai tho phi mai sy.
Rui te Kung lä Isu vi.
Äni bung khai sö hang si ba.
Aebü hethang lä dang dy hei.
4. Mä-ai lungphö pui ngai te hai,
Rui te Kung lä Isu vi.
Säbawng hethang kaenai awng kha,
Aebü hethang lä dang dy hei.

127. Hing hai saite aeli byng ea

1. Hing hai saite aeli byng ea,
Aeqang kung Areng maw lä
Nung ö ai dy.
Ho-a kawng te lä rui y ai dy.
Äma lä käni pa kä aedai jaw ai.

Aw, hing hai kung kaekhui thung-a,
Angel na kawng te hai aeke,
Aw, ho-a lä aehae by ai.
Isrel me käcai qawng-a.

2. Vang pui kähawi-a, kheng kha kai hang,
Bälung si te hai dü te awng y ai dy.
Äthi hai kaeqang, aw, rawijae na,
Hi älawng qawng-a lä aeprei ö ai dy.

3. Ly ö jaw jae si. Zion caw na,
Mä-ai aeke he pre kähawi aenai dy.
Vaihi bälung si, rawpi ngaila,
Anghawtho äpa kätyng aedai by ai.

4. Vang pui kähawi-a tyng te thüng-a,
Aeke he pre kähawi-a aeke ai dy.
Beram caw hai Areng la aety,
Kheng aemaw y te hai anghawtho pre vi.

128. Hing te tui lawng saite kung

1. Hing te tui lawng saite kung-a,
Isu aedaw te kheng e!
Äma bung mäny y na bawi.
Pre kähawi-a ly ö si.

Lolang kähawi bäjui ö si³
Ma mang-a la bähawi ö si.
2. Hing te hawngkhae thung kung te na,
Isu aeqang te dang ai.
Äma üng lo aedo te hai,
Dungtäsa hing te py dy.
3. Hing te Beram angkhaw thung üng,
Qae y khimi-a awng ö.
Säthaw ma mäny te kätyng,
Isu ma la mäny by.

129. Jehova Säthaw

1. Jehova Shalom mawng hai Säthaw,
Kai yng saite kätü-a,
Thui lei y, mawng saite awng dy.
Hi älawng pre hing te thüng-a,
Bälung si te tyng ngaila,
Mawng hai py, Jehova Shalom.

Anghawtho, Areng tea anghawtho,
Lang te hai Areng te,
Ae-awi thui kha bälaw ai! Haleluja,
Isu hai aeting pyng dy.
Hawi saite na mäny dy.
Cawngkhang bawi cung hai kung
Jehova Säthaw.

2. Kai üng käje na lawi hai Kung,
Känaw käsaw hawi hai Kung,
Aeting dy, Jehova Rafa.
Mätang saite, bälung käsi na
Bärawi saite na tea,
Mäja te Jehova Nisi.
3. Jehova Jere cungrü hai Kung,
Vaini khytä säbawng Kung,
Kai tähang hawiky te Säthaw.
Phung-ang thung-a awng te vyng sai,
Kängai na cung hai te Kung,
Äni lä Jehova Jere.

130. Hosana thui ö bawi bawi

1. Hosana thui ö bawi bawi, Haleluja! Amen.
Areng Isu aepeng dy. Bethlehem vang-a,
Kawng he awng te anghang lä pre qütä aethang hai,
Kawng te hai kähawi thui, Hosana, näte.

Aw, Bethlehem anghung-a,
“Dungtäsa khö aevang dy” näte thui ö lawi.
Ämi la honi kaevang pre käcai tyng dylä,
Bälung si, raw, mätang te na awng y ai.
2. Ämi qawng pa hawiky te, Areng Isu lä tyng.
Bäheng saite thi lawng dy. Älawng pre qütä,
Hunghö käving pre thung üng,
Khimi bawi bawi na thang,
Mäning saite Kung lä Areng Isu vi.

3. Pă-ai tǎru te lo anghang lä mā-ai lawi he,
Bäheng te thi lawng pa dy. Kalvari me-a,
Älawng pre nang bārai saite lä ämi thui haw y.
Ngaiky saite pre kăcai lä awng rüng dy.

131. Jawng y vi dy

1. Jawng y vi dy, hi älawng-a,
Dungtäsa pre lä ring kawng vi dy.
Bö, ang, kaelang, tui aehe te,
Käni pre lo anghang,
Rae te pre lä älawng-a hi.
Aedawng kärae, dungtäsa pre-a,
Awng kähawi ing käleng na,
Haleluja! Haleluja! Amen.
Awng kähawi lä kai thui lei y.
2. Jerusalem kangthae mang-a,
Dawng kärae na awng y vi ai.
Bö, ang, kaelang, mitui, rui te,
Rae te awng y ai dy.
Käni pre tyng te kätü-a.
3. Dü te hai kärae tyng tea,
Areng Säthaw käläng awng y.
Dungtäsa pre awng kähawi lang,
Isu lawngtä ni awng.
Müng käli na la hai vi ai.

132. Kätü hai säning ma leng

1. Kätü hai säning ma leng,
Anghawtho te käni hai,
Älawng qawng-a khö sa te na lä,
Kai thang bälung si, raw, saite mityng vi.

Aw, dungtäsa vang pui täre awng y.
Käcai na aeke te mityng,
Kai aedawng.
Raw saite hai bälung si te,
Awng he y dy.
Käni pre käcai qawng-a.

2. Hi älawng bälung si hai,
Mitui, rui te hai ma khu.
Rae te hai kai hang saite pre hi.
Cäqeng kha rawijae na hai aeke he ngai.

3. Anghawtho te käni düng,
Älawng pa thae te hai-a,
Älawng qawng-a äpa kätyng rui,
Dungtäsa kawng te la kangthae pre aedawng.

4. Kai te bäleng e! Areng!
Bälung si hai mätang te,
Nang bähawi e! Pre kähawi thung-a,
Raei te älawng pre lä aedawng y ai dy.

133. Tengpa üng caw kangmüng

1. Tengpa üng caw kangmüng,
Ae he bäraw y awng.
Caw kangmüng ae he ly ö lawi.
Säthaw säbawng ai mang.
Nang aethaw ae-y hang,
Areng üng aethaw-a ae-y ö.
Nang cawti aepra ai.
Areng säbawng ai mang.
Dungtäsa pre-a tyng hai hethang,
Nang aethaw awng thüng sa.
Säthaw tea ae-y ö.
2. Nang sa y te phüng-a,
Märaw y muilaw dü.
Aeqang pyng saite na päla,
Ni ce te bähawi he ly ai mei.
Säbawng hethang ngai dy.
La king bawi y tea,
Ly kha, ly kha säbawng lawi.
Ni ce thang kätü byng ai.
Muilaw käla to lei y ni ce te,
Nang bäheng y ai mei.
Lawngtä la bähawi kü.
3. Thyngdyng kha kheng ö e!
Aeqang kung mäny y na,
Aeqang pyng te na mäny ö y.
Ri hethang mäny y.
Bähawi hethang kung na la awng y.
Aeqang kung mäny y.

Ni ce te bähawi hethang,
Areng ma nang te ngai.
Mani mei Isu te ly hai he,
Aeqang kung mäny kha,
Kai Areng bälaw ai.

134. Tuni kätyng

1. Tui angding hai tui aehe,
Te na hawi hai te kätyng,
Mätang te bälung si khimi thang,
Mätang te mityng üng hai,
Aelawi saite kätü-a,
Kawng phi te aemang kätyng awng ö.

Tuni kätyng2

Dü te hai mai thung üng Areng lawi hai,
Isrelae na bung phung käleng hai
Bähawi te kätyng,
Mä-ai thang-a Isu lä ly dy.

2. Pangle kangthing tui aekae,
Phui rae kälawng-a ly hai,
Käni, khö angnüng, kärung mai hai,
Aekhu saite na awng y,
Äkho na naw hai y ma,
Kähawi-a äma bähawi pa dy.
3. Mätang te na tyng ngaila,
Säthaw te aetang te hai,
Säthaw üng lo sai na aedawng jaw.
Abraham hai Säthaw ma üng
Ämüng-a aenüng ö kha,
Bäheng te hai ma aelawi hai dy.

4. Äni ce lä aeke kha,
Khölawng tho angvüng kätyng,
Äni ce te ämi ma nang y.
Sanphrang na te lo täru,
Buisaw na te kähawi sa,
Ma üng khimi na te rui pa dy.
5. Ängang na mäkai tea,
Tawngmüng ngang hai täkaw py.
Ca, nei he aevaw y py pa dy.
Nei he lungphö üng tui tho,
Tävaw kätyng tui lawng hai,
Kawng te ae-awi thui kha ly hai dy.

135. Bäheng te lo käcai ss 490

1. Bäheng te lo käcai,
Hunghö tea mäja.
Pre bälung naw te phüng-a,
Äma Cäpaw py ki.

Ämi päla yng by dylä,
Dungtäsa hing saite dang ai.2

2. Daithung bärui bang te,
Kheng kha naw hawi kätyng,
Isu tea kheng e!
Dungtäsa hing hethang.
3. Hunghö vang lä dü te,
Älo aedo te kätyng.
Nang ce yng y dylä,
Mätang saite dang ai.

4. Älawng pre täphra hethang,
Isu ly te y vi.
Kхими hunghö na thang,
Äma mätang hai pa.
5. Yng y khimi tähang,
Yng saite bälung py vi.
Äma üng lo käcai,
Dungtäsa awng jaw sy.

136. Muilaw Käcai, kai te ly e!

1. Muilaw Käcai, kai te ly e!
Kai ce te aethaw py.
Kai ce yng hethang mätü kü.
Honi pre-a awng ngai.
2. Daithung käving ly kätü-a,
Naw mätang te aeting,
Hing te vang thung-a kai ly ngai.
Dungtäsa hing te mang.
3. Baesung kung-a, kai lä awng jaw.
Käni se te aering.
Käni nang bärai se te kai nung,
Kalvari me-a lä,
4. Älawng pre kawng saite teng dy.
Jawng hethang awng y dy.
Dungtäsa hing te dang dylä,
Isu bälaw he ngai.
5. Kai üng muilaw äma bähawi,
Käcai awng mityng,
Kai üng äkö-a bähawi kü.
Hing te lang-a bähawi.

137. Tärae cei Kāni

1. Tärae cei Kāni aenai dy.
Tāmai qawng-a baw tūng thai ai.
Areng ma tārae cei ea,
Hunghö bäheng te awng y dy.

Tāngai ö, tāngai. Areng ma kähyng lo lä,
Hing he kängai bawi bawi na lä,
Dawde-a ly ö lawi ti,
Kätho aekhae ai dy.
Kāni qū thui sälö ea,

2. Nā-awi, pä-ai, sārai, anglaw,
Hunghö awng y kätyng awng hang.
Areng ma tārae cei ea,
Kāni lolang tāmang ö ai.
3. Yng dy näkha jö känei na,
Areng te makä thui ai mei.
Lo cei ea Areng maw-a,
Jö känei hai aedaw ö ai.
4. Dawdeky-a aerü ö lawi.
Kāni kätho aekhae ai dy.
Hunghö bawi bawi na cai hethang,
Areng tea aekö ö lawi.

138. Aw, Areng ma käni qütä

1. Aw, Areng ma käni qütä,
Aw, nang ce tea kähyng jaw.
Müng käli phaw, mäsaе te na,
Aw, hi-a ly ö bawi.

Aw, Isu Khrista.
Aw, kai tähang.
Hunghö lawi hai te Kung,
Isu, kai bälung thung-a.
2. Hing saite lo tängai ö bawi.
Sa haw te hai bäheng saite,
Nang thang thi lawng Kalvari-a,
Aw, hi-a ly ö bawi.
3. Nang ce thang mityng sa rüng dy.
Dü te tävaw ha mang rei-a,
Bälung si te la hai bawi ai.
Aw, hi-a ly ö bawi.

139. Kai dawng bärai, Areng üng pre

1. Kai dawng bärai, Areng üng pre,
Älawng kangthae-a tyng hethang,
Säning sang täraе cei käleng,
Vai hi-a ae-eng lawi e!

Pre kangthae, pre kähawiky,
Kai bälung-a aedawngky,
Pre kangthae, pre kähawiky.
Kai bälung-a aedawngky

2. Awng jaw jae he Areng üng pre,
Aety he lä Käni pre-a,
Ae-awi thui kha kai hang jaw ai.
Älawng Zion-a awng sö.
3. Areng bawi bawi qawng-a Areng,
Bälung si hai kai thui lei y.
Kхими bawi bawi na üng Areng,
Aedawng te kai thui lei y.
4. Aw, aedawng Areng, nawng kähawi,
Kai tämang y, ae-üng hai te,
Nang mulaw hai hing hethang kangthae,
Käni pre-a bähawi e!

140. Zion vang pui kai tyng ea

1. Zion vang pui kai tyng ea,
Hunghö tämaw lä thae ai dy.
Nang y dylä, älawng pre-a kai raw ea,
Areng, nang awng te pre,
Kai bung bähawi lawi e!
- Leithung mang üng kai kheng ea,
Aedawngky te hunghö caw na,
Täprei y ma, Emanuel,
Vang pui kähawi-a bähawi e!
2. Raw saite hi älawng pre-a,
Käni qütä bälung si hai,
Emanuel vang pui thung-a bähawi lawi e!
Älawng-a dü kha Jordan aekae y rytä.

3. Älawng pre-a cung hai hethang
Mityng awng y, rae te pre-a,
Aw, mani mei rawijae na hai aeke hethang,
Dungtäsa pre-a lä rae te awng y ai dy.

141. Kaevang engthung kähawi

1. Kaevang engthung kähawi, yng te hai kai kheng kha,
Hing hai tui käde lawng vi. Aeli saehaw tho vi.
Käni angel na ma ae-awi rürü thui ai.
Kai awng hethang ing ma kai tea ring kawng dy.

Areng aety nae ma,
Kai tea ring kawng dy.
Tävaw rei mang üng hai-a,
Sui vang pui kähawi-a,
Bälaw ae-awi thui ai.
Beram caw aepawng paw-i-a.

2. Muilaw thang qai y kha ätabung bawi thang la,
Älawng üng rae te na bawi tyng hai he y ai dy.
Awng hawi te Käni pre, kai tyng te kätü-a,
Isu bung kai nung kha kawng te cibai sa ai.
3. Älawng üng hai Käni mang, kai paw tähang tea,
Thaw kaesang bärai saite hai kai aeke by ai dy.
Älawng pre dawng y dy. Matangtä hawi ai mei.
Haleluja, Haleluja näkha bälaw ae-awi thui ai.

142. Äma thi hai

1. Areng Beram caw bälaw ö.
Kalvari-a dü te lä,
Nang hai kai te aeqang hethang,
Ma üng thi lawng hai dy.

Ma thi hai²
Lawi hai dy Beram caw üng thi hai,
Lawi hai dy.²
Beram caw, Haleluja, bälaw.

2. Aevaw te Areng nang bäräi te,
Nang bäräi te thui lei y.
Thui byng lei y, nang ma te üng,
Aethawng saite na py.
3. Haleluja, nang bäräi te lä,
Dungtäsa pyng jaw sy.
Kai bung älawng pre hunghö üng,
Khrista ma aeqang dy.

143. Anghawtho te käni se dy

1. Anghawtho te, käni se dy.
Käni düng kha älawng khöving,
Älawng Bethlehem kä derui,
Ämüng Areng, Emanuel,

Aw, aesang, aesangky.
Aesangky, Arengky.
Älawng-a, dung säning,
Aede sy! Haleluja.

2. Ämaw kheng nae, mäty tho pa,
Käni hai älawng Arengky.
Älawng areng ma ne ngaila,
Areng pre lä pu täre ai.
3. Khö teng täki, khytä aepu.
Tingtyng, eng-awi hai bälaw ö.
Äqawng Areng aesang jaw sy.
Näkha angel na ma bälaw.
4. Ruicaw kätyng awng dy, Areng.
Älawng Bethlehem hai käni,
Bälung kätho pä-awng te na,
Mityng käläng ngai y lyng dy.

144. Hunghö bawi bawi aeqang

He was taken my sins away

1. Areng te kawng te hai bälawi ai.
Kai bung aeqang te phüng-a,
Ae-awi thui ai, bäheng te ae-awi.
Kai lä thui jaw jaw ai.

Kai hunghö bawi bawi ni ma mäcai.
Ämüng Käcai ma²
Kai hunghö bawi bawi ni ma mäcai.
Haleluja! Ämüng hai.

1. Hunghö bawi bawi hai kai ly tea,
Äma te aehae he py.
Aeqang te phüng-a, kai bälaw ai.
Kawng te ae-awi thui ai.

2. Kähawi thui ai, Ma te tyng ea,
Dü te mityng üng lawi hai.
Kai bälaw ai, dungtäsa khytä,
Bälaw te teng y ai.
3. Ämi lä awneng te mityng-a,
Ngai te bawi bawi na ly ö.
Kawng te cungrü-a khai pa rüng dy.
Kawng te ae-awi thui ö.

145. Muilaw-a mangtä awng, BM-191

1. Aw, cangxei he, aw, cangxei he hawi,
Aethawdi kai tähang,
Bälung si mitui na mai pa,
Anghawtho te hai kawi,
Bäheng bälung kawi dylä,
Kawng te mi tui qa,
Älawng ingthawng hai qawng-a,
Awneng saite dang dy.

Aw, Isu, Käcai Muilaw aeke Isu,
Engthung-a awng dylä,
Nä-awi, pä-ai ma ae-awi thui,
Caw nade na lang dy.
Bälung mangtä ae-awi thui ö,
Rae te awng y dy.

2. Rae saite na awng y ai dy,
Anghawtho te hai kawi,
Anghawtho kawng hai ö kha,
Muilaw-a awng dylä,

Cäpaw cänung bung bähawi kha,
Inkăcai-a ly hai,
Tähang kähawi na dang ö kha,
Ämaw kähawi nung ai.

3. Käcai Muilaw käni mang ly,
Pre na aelaw lawi sy.
Phung haidae kawi te,
Äkö hai nade na bung bähawi.
Inkăcai-a kheng ö e!
Nade na lang ö dy.
Byng pyng kätü-a, la saite na,
Ma üng caw na bawi vi.

146. Areng te kawng te bälaw ai BM-36

1. Areng tea kawng te bälaw ai.
Hing cae-u thung, kai müng awng by dy.
Aemai haw y, pra haw y saite,
Kö tämaw hai tärü pa dy.

Areng tea, kawng te bälaw ai.
Cäphaw te hai kai mäthy te vi.
Kawng te bälaw kha kai mäthy ai.
Aesangky te, kai üng Sähaw.

2. Tävwaw teng üng, Beram caw kätyng,
Ca, nei he, aena he, ing na lä,
Aely kängai, tawng he vyng sai na,
Säbawng te lä kai üng Areng.

3. Areng hawi te phüng kai bälaw ai.
Äjawng-a aehaw he, aeli py.
Käni, law hai nei hethang tui la,
Äjawng-a tawng hethang py dy.

147. Ly haile ba, rawijae ä! BM-123

1. Käni pre hai cüng saite, lo mitang, aely kängai,
Aedawng ö lo käthu na.
Älawng ingthawng na hai vyngsai käläng hung-a,
Angcü mäqang dylä, ngai saite na äma py ai mang.

Ly haile lawi. Rawijae ä.
Lo mitang na aedawng mä süng te hai,
Äma te ly tyng. Rae saite hai bi saite na lä,
Ätui-a lawng hai ai. Isu mäja kha,
Aethawng te tui kätyng baw ai.

2. Lo mitang-a awng kha, muilaw-a anghawtho,
Lo mitang-a kawng dylä,
Kai kaedawng ni mäny, ngai saite na la awng,
Ae-y te khimi thang, ngai te qawng-a
Cungrü hai ai mang.

3. Mätang tyng te thüng-a, bälung bi kätü-a,
Jo aelang te kätü-a,
Ma üng mimai ha kha, mimai kähawi kheng si,
Khimie ae-y te qawng, Areng tea qaitä ae-y si.

4. Bälung käleng üng hai, bälung aemäneng kha,
Areng te aebü ö si. .
Bälung aepy bawi kha hunghö na aehui ö.
Käni pre tyng ea, anghawtho saite na awng ai mang.

148. Aeteng khaw

1. Angcükü-a awng saite Säthaw,
Cungrü-a sa saite kai Areng,
Phung-ang käleng awng saite Areng,
Angel na ma bälaw Säthaw.

Aeteng phi te Säthaw2
Bälaw he aeteng te Säthaw, Haleluja.
Aeteng phi te Säthaw2
Cäphaw he hawi bäräi te Säthaw.

2. Aeli khö na ding hai te Areng,
Jordan tui kang hai saite Säthaw.
Xuxa na la hai saite Säthaw,
Hing te na aevaw y bälaw.
3. Lawngtä xyng Cäpaw bung py ki dy.
Kai lawi nae lang sa pa saite Kung.
Awneng te ingthawng na aety hai,
Hing kätü aethaw py hai Kung.

149. Älawng pre-a aethangky te

1. Älawng pre-a aethangky te vang lä,
Jerusalem vang pui kälengky vi.
Älawng pre üng vang bawibawi thung-a lä,
Säthaw ma mäsang dy.

Tängai ö e! Jerusalem hai,
Aethangky te Rom vang pui päla,
Tämö aesang te hai,
Käni taw kätyng awng ea la ving vi dy.

2. Isrelae khimi na Säthaw tea,
Cai hethang losai täking na aedo.
Säthaw üng buisaw na awng ea pa,
Sung saite dang vi dy.
3. Judae na Säthaw ma bäheng e pa,
Hunghö awng tea bäheng he hawi y.
Tukä tea Rom khimi na ma ne.
Ni ce hunghö vang dang.
4. Tüng y saite hai cai y te na lä,
Kхими märaw y na ma lä ngai vi.
Kheng e! Rom hai Babulon vang pui lä,
Täphra saite tyng dy.

150. Areng hawi te lang vai y

1. Älawng hing te thüng, qengtä anghawtho,
Qengtä bälung si aeting.
Mätang saite hai naw saite aeting,
Qengtä aethang khai awng y dy.

Areng phung käleng lang vai y.
Hawi saite na lä lang vai y.
Bäheng te Käni kä aevang,
Areng hawi te na thui bawi haw y.

2. Kalile pre-a, Isu awng te thüng,
Känaw bawi bawi hawi sa dy.
Dü te mätha kha ngangsi hawi hai pa.
Cungrü-a kä naw hawi hai dy.

3. Müngli mäsaе te anghawtho he vi.
Te phüng mawng ö mäsaе mei.
Kheng e! nang maw-a,
Tähang kähawi awng,
Yng te khimi lä dang by ai.

151. Areng, nang awng mityng-a

1. Areng, awng te mityng-a,
Kai üng muilaw anghawtho.
Raw te hai mäsaе saite awng y dy.
Kädang thawde aedai te,
Äpa kätyng aecang ö.
Areng üng awng te mityng anghawtho.

Areng üng awng te mityng anghawtho.
Rung hai käni kätü-a,
Areng, kai aebü Kung vi.
2. Areng awng te mityng-a,
Kai üng muilaw anghawtho.
Bälung aesang saite na awng y dy.
Kärung käni qütä-a,
Kai bung rui pa saite Kung.
Areng üng awng te,

Mityng anghawtho.
3. Areng awng te mityng-a,
Rawijae kähawi lä Isu.
Äma te aevaw y kai aebü ai.
Sa te qütä mäja kha,
ly te qütä anghawtho.
Areng üng awng te,

Mityng anghawtho.
4. Kai bung aeqang, hing py Kung,
Aebü nae lungphö pui vi.
Käni qütä rui ea awng hai jaw.
Aethang khai y te khimi,
Rawijae kähawi Aeqang kung,
Areng üng awng te mityng anghawtho.

152. Tuni sui vang pui

1. Tuni sui vang pui, mā-ai tyng ai.³
Rawijae ----ly ai mei.
Tuni sui vang pui, mā-ai tyng ai.²
Tu pre-a mā-ai², mā-ai tyng ai.
2. Bäheng te hai kawi kha awng.³
Rawijae ----ly ai mei.
Bäheng te hai kawi kha awng²
Tu pre-a², mā-ai tyng ai.
3. Känö hai khawitui lawng te pre³
Rawijae ----ly ai mei
Känö hai khawitui lawng te pre.²
Tu pre-a², mā-ai tyng ai.
4. Tuni pre lä Känipre³
Rawijae----ly ai mei.
Tuni pre lä Käni pre²
Tu pre-a², mā-ai tyng ai.
5. Areng aeting ai tu pre-a,³
Rawijae----ly ai mei.
Areng aeting ai tu pre-a,²
Tu pre-a², mā-ai tyng ai.

153. Baeni aepeng he kae

1. Hunghö caw, nang ma mang-a awng ngaila,
Nang hing sai, käni, law na byng ai dy.
Älawng üng ingthawng hai awng ö dylä,
Dü te hai mätang tea tyng vi ai.

Baeni aepeng hethang kätü lä awng te thüng,
Nang bung Aeqang kung Isu ma kähyng.
Kätü awng tea väihi ly lawi.
Nang hunghö awng te bawi na bälawi ai.

2. Hunghö caw, kätü kähawi awng te thüng,
Kärangky aenai lawi Isu tea,
Kätü byng tea ni ce üng raw tüng,
Nazare Isu lä cäqeng vi dy.
3. Aeqang te anghawtho hai ö vaihi.
Bäheng te käni, law na khai sö hang.
Nang bung aeqang he vaihi cawng kha awng.
Hunghö caw, aenai lawi Isu tea.

154. Äqawng Jerusalem kangthae

1. Äqawng Jerusalem kangthae,
Kхими кăcai na üng pre vi.
Tu-a Areng Emanuel ma tärae cei.
Pang ö lawi. Zion pre, kai dawng vi ai dy.

Älawng pre qawng-a lä,
Kähawiky dungtäsa pre vi.
Käni qütä tyng, law qütä,
Säning qütä bälaw.
Zion anghung-a,
Isu tea ae-awi hai thui ö.

2. Emanuel üng thi na lä,
Dungtäsatä ae-awi thui ai.
Kăcai pre, kai tyng tea lä,
Kähawi thui ai.
Dungtäsa Areng ämüng lä,
Kähawi thui ai.
3. Haleluja! Aw, Aeqang kung,
Älawng pre lä nang ma üng vi.
Nang ma üng thi kăcai hai
Aeqang te phüng-a,
Aering ö. Jordan tämai kätyng qa dy.
4. Nang ly haile ai dy, Areng.
Kхими бälung si na aering.
Käni pre hai nang maw nung he
kai mängae y.
Muilaw Kăcai pre thung-a aeke he ngai.

155. Älawng rae hai rang-a,

1. Älawng rae hai rang-a,
Dungtäsa vang pui thung-a,
Bälung si, raw pi te awng y dy.
Areng sa rüing te Käni Jerusalem-a,
Bälung si te tämai na la aehi pang ai dy.

Areng te ae-awi thui kha bälaw ö.
Käni Sähaw khimi na bälaw.
Käni pre säveng kha lang ö dy.
Käcai, Käcaiky näte hai-a hang ö dy.
Bälung hawi hai käni pre üng mäkhi thung-a.

2. Vang puil ä sui hai-a ävang käting mäthy ö.
Leikung bawi, sui hai-a mäthy ö.
Areng üng maw-a Käni khimi käcai na,
Sähaw üng phung-ang käleng hai säveng pa dy.
3. Ä mityng sa te phüng, hing hai tui käcai lawng dy.
Leikung säla-ung-a hing hai xaws.
Käni pre hawi te, thingrang na pa aerui y.
Jo aelang, tui aehe te la awng he y dy.
4. Vang pui thung aeke he, mai kaevang la ngai y dy.
Tärae cei aeting he awng y dy.
Sähaw üng Beram caw lä mai kä aevang ai.
Känih kanglung aekhu kha Beram caw bälaw.

156. Kāni khösang-a kheng

1. Kāni khösang-a kheng,
Phung-ang haidae hai kawi.
Anghung te kai kheng kha,
Sāthaw kö py na nung,
Ni üng sa te bawi na to ea bynglei y.
Hini na dawng tea, Sāthaw lä lengky vi.

Tu phüng-a, Sāthaw te bälau ai.
Äma lä lawi hai Kung, Areng.
Angcū üng hai teng khytä-a,
Phung-ang leng te hai-a,
Cungrü saite Kung vi.
Hini na dawng tea Sāthaw lä lengky vi.

2. Hi älawng angcū-a, ämaw- äcae awng y.
Kāni kätü kāni, kārung-a law, tengpaw,
Aevang hai kätü qütä, aevi te hai ma awng.
Hini na dawng tea Sāthaw lä lengky vi.
3. Khösang lä Sāthaw üng awng saite mityng vi.
Pangle tui kāthu la Sāthaw üng mityng vi.
Äma sa te bawi na lä Ni tea mäny hai.
Hini na dawng tea, Sāthaw lä lengky vi.

157. Jangni Faraw üng mawsawng na

1. Jangni Faraw üng mawsawng na,
Säthaw ma bähawi kha.
Arengky te nung haw hethang,
Tui käleng na kang hai.

Cawngkhang bawi ma tängai.²
Isu tea ri te awng y.
Cungrü bawi ma älo tängai bawi bawi.

2. Hunghö ma bälung mätang hai,
Älawng käving ma khu.
Säthaw üng awneng hai lo py.
Bälung mätang lawi hai.

3. Ri te lolang, kai ly ngaila,
Isu ma awng hai jaw.
Bäheng te hai bähawi jaw ai.
Älawng khai sö khytä.

4. Areng Isu kai dü tea,
Nang pre kaevang nung ai.
Hi älawng rae ri awng thung üng,
Nang pre-a bähawi e!

158. Areng, kai anghawtho

1. Kăni, älawng hai law na,
Sa saite nang, Săthaw vi.
Kai hing hai saite Kung,
Üngai Săthaw.
Kăcaw-a, khöne hai kha,
Nisae-a khö hawi hai vi.
Nang müng aesang sy.
Kai kăhawı thui ai.

Aw, Săthaw kăni qü,
Kai anghawtho.
Naw saw hawi sa,
Kai hing te thüng-a,
Nang müng bălaw ai.
Tingtyng aetho,
Aetawng tăbeng kha, lang
Te hai bălaw! Haleluja.
Nang müng aesang jaw sy.

2. Vaini khytä, kai tăhang,
Kawng he kätü tyng hai te.
Areng te kawng te ae-awi, kai thui ai.
Anghawtho hai căphaw kha,
Areng müng mäsang jaw ai.
Aethaw awng te bawi hai kai bălaw ai.
3. Ca, nei he awng y kätü-a,
Aena he awng y tea,
Tungaila Săthaw tea aedawng jaw.
Khösang üng tăvaw na hai,
Anghi üng Thangvang pa na,
Kai nung kha kăni qü aethaw awng hai.

159. Areng kai üng aebü nae

1. Areng, kai aebü nae lungphö.

Ca bārai saite Ing pui vi.

Areng hai ly dylä anghawtho jaw jaw.

Äma üng kö hai rui pa.

Awneng hai nae sa rüng dy.

Äni lä mä-ai üng mäja Kung.

Pawngkae hai dawngko thung üng,

Aelawi saite tävaw kätyng.

Lang te hai kai lä Areng tea bälaw,

Hunghö na aelawi hai kha,

Tämaw phüng-a, naw hawi hai dy.

Awneng te hai kawi hai vi dy.

Kai hing kätü-a.

2. Dü nae kaekhui ma säveng te thüng,

Ly ngaila, kai ri y lyng.

Täri hai pawngpai phüng-a, awneng hai dy.

Kai thang täre na üng maw-a,

Loka hai bö mäcaw pa.

Areng lä mä-ai üng mäja Kung.

160. Nang lä hunghö üng lawi he

There is power in the blood ss 145

1. Nang lä hunghö üng aelawi hethang ngai mei.

Thi üng haidae lä bāraw y leng.

Hunghö käving mäja hethang ngai mei.

Thi üng tämö lä cangxei vi.

Thi lä haidae aesang te awng sy.
Beram caw üng thi lä,
Thi lä haidae aesang te awng sy.
Cangxei vi. Beram caw thi lä.

2. Kädawtho saite üng lawi hethang ngai mei.
Thi üng haidae lä bärav y leng.
Xaws qawng-a mäja hethang ly ö bawi.
Thi üng haidae lä cangxei vi.
3. Ri qawng-a kälungky hethang ngai mei.
Thi üng haidae lä bärav y leng.
Hing saite py te phüng-a cai bāja.
Thi üng haidae lä cangxei vi.
4. Areng tähang kälü sa pa he ngai mei.
Thi üng haidae lä bärav y leng.
Käni qütä bälav hethang ngai mei
Thi üng haidae lä cangxei vi.

161. Areng lä kai bälung rui kung Sam 23

1. Areng lä kai bung rui te Kung.
Kai lä aevaw y ngai.
Aeca hing te mityng-a lä,
Kai bung aebo hai dy.
2. Tävaw pyng-a bähawi ea,
Kai hing nae sa tyng pa.
Hawi saite lolang-a ly hai,
Äma ämüng phüng-a.

3. Dü te tävaw-a hawng ea,
Kai ri te awng y ai.
Nang üng thingbyng hai pawngpai lä,
Kai bung awng hai neng ai.
4. Kai bung täre na üng maw-a,
Ca nae aesawng rüng pa.
Kai üng lö-a rimui lawng dy.
Kai üng bynglyng leng hai.
5. Hawi saite hai nawnghawi te lä,
Kai tea hui jaw üng.
Areng ing-a, kai lä awng nae,
Dungtäsatä awng ai.

162. Mäning kung üng bäheng saite ss 81 KM-151

1. Mäning kung üng bäheng saite,
Anghang Kähawi tängai bawi.
Käni pre-a awng te na hai,
Ma nang bärai te bälaw ö.

Areng Isu üng bäheng te,
Bälaw ö. Ae-awi na hai,
Ma bäheng nang bärai saite lä,
Älawng pre-a aeki sy.
2. Mä-ai te bäheng te phüng-a,
Mä-ai tähang dü pa dy.
Bäheng leng bärai saite na lä,
Ceng cawngkhang na bälaw ö.

3. Mityng qü üng khimi na lä,
Isu mäny haw hethang,
Äma üng bäheng saite lä,
Aethaw awng te hai bälaw.

163. Mä-ai lo thui byng lei y

We cannot the story. ss 81

1. Mä-ai älo thui byng lei y.
Kalvari üng anghang vi.
Makä te Sähaw Cäpaw lä,
Mä-ai tähang dü pa dy.
Kalvari me, Kalvari me,
Mä-ai dawng te pha lei y.
Kalvari me, Kalvari me.
Mä-ai dawng te pha lei y.
2. Käni pre üng angel cai bäräi,
Sähaw üng mätaw te na,
Mä-ai thang mäthy te dü kha,
Ni te düng saite na lä,
Kalvari me, Kalvari me.
Hini lo thui haw y mei.
Kalvari me, Kalvari me.
Hini lo thui haw y mei.
3. Aw, kai muilaw honi me-a,
Käni, kärung-a ly ba.
Nang üng Areng xaws äqawng-a,
Ma bäheng leng te na dawng.
Kalvari me, Kalvari me.
Mityng hini thui pa be!
Kalvari me, Kalvari me.
Mityng hini thui pa be!

4. Mityng qü nidüng, nise-a,
Awng te, khokung-a bü sy.
Nawngmädi, nawngmäcaw, nade bawi la,
Bälaw te ae-awi thui sy.
Kalvari me, Kalvari me.
Ämüng dungtäsa awng ai.

164. Mä-ai üng aering te pre KM-158

There is a glorious Kingdom waiting ss 168

1. Mä-ai üng aering saite pre nang bärai te,
Käni mang awng,
Ho-a lä käni qütä käcai na pyng.
Käni jaw düdü tea, pre tyng he lä aenai hai dy.
Vai Säthaw üng pre tyng he lä aenai dy.

Vai Säthaw üng pre tyng he lä aenai dy2
Kai bälung hai aerü rüng,
Baw ätüng hai kähyng dy,
Areng lä nang bärai te hai aetüng ai.
2. Honi pre nang bärai saite tyng he aethang khai te
Phüng-a, Areng üng aetüng hethang aedo te lä,
Hini älawng pre hunghö üng mä-ai te aelaw hai dy.
Vai Säthaw üng pre tyng he lä aenai dy.
3. Honi pre tyng ea, mä-ai ngai te Areng maw nung ai.
Pre tyng y tea, Areng lä aetüng ai.
Haleluja! näte hai Aeqang kung te bälaw ö si.
Vai Säthaw üng pre tyng he lä aenai dy.
4. Älawng pre ma aering phi pa te phüng-a mäsa vi dy.
Kхими ce ri te phüng-a, khung haw y dy.
Säthaw pre anghang thui te hai, ae-awi hai bälaw ö si.
Vai Säthaw üng pre tyng he lä aenai dy.

165. Kai üng muilaw aeqang hethang

More than tongue can tell ss 648

1. Kai üng muilaw aeqang hethang,
Isu thinglang qawng-a mätang.
Isu ma kai te bäheng saite lä,
Thui te qawng-a lengky.

Thui te qawng-a, bähengky te2
Isu ma kai te bäheng saite lä,
Thui te qawng-a, lengky.

2. Äma üng bälung mawng te lä,
Areng lökhu aekhu te la,
Kai dungtäsa hing te dang hai hethang,
Thui te qawng-a, lengky.

3. Sāthaw maw-a aetang te lä,
Kai üng bälung awneng te dang.
Äma üng thi käting aede saite,
Thui te qawng-a lengky.

4. Äma kai te anghawtho hai,
Ri y te hai kai awng mäja.
Bälung thung-a aethang khai hai saite,
Thui te qawng-a lengky.

166. Mä-ai üng Areng ma baw üng te kätü

ss 983 KM 161

1. Mä-ai üng Areng baw üng tea kätü awng y ai üng,
Dungtäsa cai ping te hai khötawi ai dy.
Hing he dang te khimi na lä ho mang-a aecö ea,
Äqawng mang ämüng kähyng te kai awng ai.

Äqawng mang ämüng kähyng te³
Äqawng mang ämüng kähyng te kai awng ai.

2. Isu te yng kha dü saite bawi bawi aetha te thüng-a,
Äma üng nang bäräi saite na dang hethang,
Äma üng re saite na Käni pre-a aecö ea,
Äqawng mang ämüng kähyng te kai awng ai.
3. Kädang üng hai kädüng khytä Areng thang sa pa ö si.
Äma üng bäheng saite thui pa hethang,
Tudylä mä-ai tähang honi kätü tyng be tea,
Äqawng mang ämüng kähyng te kai awng ai.

167. Angthang thui hethang awng

We've a story to tell

1. Khimi na te thui he angthang awng vi.
Honi ma bälung mäqa ai.
Hawi te angthang lä lo mitang.
Awneng saite kaevang dy.²

Ving saite lä aevang hai pa ai.
Käni anghung kä aevang ai.
Käni pre lä älawng qawng tyng ai.
Bäheng saite kaevang dy.

2. Khimi ce te thui he ae-awi awng vi.
Areng te ni ce bälaw ai.
Ae-awi hai hunghö mäja ai.
Rang saite na la hai ai.2
3. Khimi ce te mätü he Mäning kung.
Areng lä mätang hai vi dy.
Älawng angxynlyng Säthaw üng,
lo mitang mäny hai ai.2

168. Cangxei saite tähang kähawi

Amazing grace

1. Cangxei saite tähang kähawi,
Hunghö caw, kai bung ha.
La saite üng aeting hai tyng.
Mi kangjö nung tyng dy.
2. Hing te jungtä, ri nae thung-a,
Tähang kähawi awng vi.
Yng kätü-a, aethaw hawi kha,
Ri saite awng y dy.
3. Mätang saite hunghö thung üng,
Areng te kai ly dy.
Aeqang te tähang kähawi lä,
Dungtä Ing tyng hai ai.
4. Ang bäräi saite honi pre-a,
Bäheng saite na lä,
Cangkhawng üng kä,
Kai bälaw ai.
Byng saite awng y dy. Amen.

169. Xaws lolang

The way of the cross leads home KM-394

1. Xaws lolang hai ni vang pui-a tyng haw vi.
Tyng he lang käläng awng y.
Sui vang pui kätho, nung he ngai dylä,
Xaws lolang hai mang ni ly ba.

Xaws lolang hai ingpui tyng haw2.
Honi lolang phüng mäny he hawi bäräi.
Xaws lolang hai ni tyng haw.

2. Aeqang kung ly hai lolang-a äthi awng.
Honi lolang mang ly ba.
Thaw aesang pre-a muilaw awng hethang,
Honi lolang mang hai ly ba.
3. Ing-a wawi hethang Areng ma hyng te thüng,
Älawng üng kängai khai sö.
Honi lolang te vai kai ngai y dy.
Areng lä thokae mang aering.

I70. Isu phüng aedawng saite

Jesus, the very thought of Thee

1. Isu bung kai aedawng ea,
Anghawtho te awng vi.
Areng üng mimai nung ea,
Kai anghawtho rae ai.
2. Isu näte ämüng qawng-a,
Hawiky saite ämüng,
Käni hai älawng pre thung-a,
Ha te dang haw y lyng.

3. Ae-ui te na aethang khai nae,
Kangtang na üng kawng nae,
Ha kha mākai te na tea,
Nang lä bähengky vi.
4. Nang bung nung te na tea lä,
Tāhang kāhawi py vi.
Älo hai thui haw bawi y lyng.
Bäheng bārai te mäny.
5. Areng Isu, nang, y dylä,
Anghawtho nae awng y.
Vai hing te hai vai maw mang-a,
Bälaw te awng hai sy.

171. Hawi te Kāni mang üng cae ss 869

1. Hawi te Kāni mang üng cae,
Älawng pre-a aehi,
Isu üng bäheng te,
Bāraw y rung khytä leng.

Mäny, yng dy. Kawng te tälang,
Cangxei hawi bārai te Angthang.
Äma tea bäheng te awng,
Thi kācai hai mācai pa dy.
2. Areng Sāthaw täbawng üng,
Honi Angthang thui dy.
Säny khai saite cae üng,
Kai ce lä yng vi dy.

3. Kai ce tea awng muilaw,
Käni mang mäny hai.
Hunghö üng lawi hai te,
Kai ce lä yng haw vi dy.

172. Kethsemani Angkhaw

1. Kethsemani angkhaw aetang te thüng,
Mipui na ma ha, kähyng te hai,
Ma-a awng mei näpa. Sāthaw Cāpaw näte
Nang ce ha te kung lä kai dy näpa.

Cangxei he awng bäheng saite,
Hi älawng pre thi hai mäcai he,
Bälung mawng saite awng y.
Hunghöky kätyng khang,
Mätang mai sy. Kai muilaw tähäng vi.

2. Nisae käni thing rang aerui te thüng,
Kaekhui awng y, käni anghung tea,
Xaws aepö te hai ma me aesang-a paw hai,
Kai tui aehe vi dy näkha thui pa.
3. Angli lökhu mäkhu, saemu tähäng,
Prawng kha cai y saite tui na nei hai,
Täri hai thung näte thaikaw te na thai sy.
Aw, kheng ö e, bälung si ö y mei.

173. Aeqang kung Isu

Rock of ages, cleft for me

1. Aeqang kung Areng Isu,
Nang kho kung-a aebü si.
Mäna mang üng hai lawng te,
Thi hai tui lä cai vi dy.
Tuni hai kai üng hunghö,
Cai hethang mäjö mäcai.
2. Kö hai sa te kälu na,
Cai saite dang haw y lyng.
Yng te hai aethaw sa kha,
Minaw tui na qa ea,
Hunghö cai hai haw vi ai.
Nang ma lawngtä Aeqang kung.
3. Kai lä kö mätaw te hai,
Xaws tea haetä dawng jaw.
Hing saite hai aenai te,
Hunghö Aeqang kung tea,
Nang üng maw-a tyng ea,
Hunghö na te cai hai pa.

174. Isu tea ly he qae hai hang KM-179

Come to the Saviour make no delay

1. Isu tea ly he qae hai hang,
Äma üng lo hai lolang mätü,
Ama lä mä-ai te aedaw kha,
Bäheng te hai kähyng.

Mä-ai bälung aemäcai te hai,
Anghawtho bälung kawng bäräi te hai.
Bäheng Kung hai aecö jaw jaw ai.
Dungtäsa ing-a ly.

2. Ma tea nade na bung kähyng,
Anghawtho te bälung awng bawi sy.
Kawng te hai Ma tea ly ö si.
Tängai kha ly ö ba.
3. Vaini mä-ai tea äma awng.
Äni üng lo tämö khai yng ö.
Äma lä lo käneng hai kähyng.
Nade na ly ö ba.

175. Nang üng hing te sa y lyng KM-178

Life at best is very brief ss 437

1. Nang üng hing te sa y lyng.
Ätete käläng kätyng,
Tänaetä aekang te kae.
Aerü rüng.
Kätü düng täre tea,
Tähang si aepy ai üng,
Nang hing te kätü düng ai.
Aerü rüng.

Aerü rüŋ, aerü rüŋ,
Areng Isu ma kähyng te
Aerü rüŋ.
Hunghö-a awng jaw dylä,
Hing te lang nung y te ma,
Nang tähang mätü law ai.
Aerü rüŋ.

2. Äpa aecang bärai te na,
Tänaetä rui te kätyng,
Nang üng kätü sa y lyng.
Aerü rüŋ.
Muilaw Käcai ma ka te,
Tängai y te ma awng hang.
Nang thang pra te tyng law ai.
Aerü rüŋ.

3. Kätü düng täre tea,
Dü te tärae cei he aenai,
Isu tea aepy kha
Aerü rüŋ.
Nang üng hing te düng ea,
Muilaw la y kälang-a,
Ma üng nang bärai te to kha,
Aerü rüŋ.

4. Hing te lo tängai ea,
Areng Isu te aekhaw,
Käni pre awng te na kawng,
Aerü rüŋ.
Kävüŋ thung üng hai tho kha,
Areng Isu te yng ö.
Käni pre lolang ly kha
Aerü rüŋ.

176. Vang pui kähawi

1. Kāni pre üng vang pui kähawi,
Bälung si te awng y ai dy.
Tuni mityng-a mā-ai tyng dylä,
Anghawtho te dang ai.

Aw, vang pui kähawi,
lo hai kai thui lei y ai dy.
Haleluja Amen² näkha
Ae-awi thui ai.

2. Tyng he ngai dy. Kāni pre-a,
Areng awng te vang pui kähawi,
Hei ni mityng-a mā-ai tyng dylä,
Anghawtho te dang ai.
3. Kāni pre üng vang pui kähawi,
Dungtäsa awng saite mityng,
Jawng he kähawi Jerusalem mityng,
Lo hai kai thui lei y.

177. Hunghö lang üng hai KM-176

I am saved from my sin

1. Hunghö lang üng hai kai lä kawng nae-a kung dy.
Kai bälung thung, Bäheng Kung te yng mang.
Müng phaw te aeti üng, awneng saite te dang dy.
Kai Säthaw üng Cäpaw te yng.

Kai yng mang 2
Kai bälung thung
Bäheng Kung te yng mang.
Kai yng mang 2
Kai Säthaw üng Cäpaw te yng.

2. Kai thang aevaw saite lo kăneng-a thui pa.
Kai bälung thung Bäheng Kung te yng mang.
Kai üng mi aevang hai kai lä kaevang dang dy.
Kai Săthaw üng Căpaw te yng.
3. Äma üng bäheng saite kai lä nung khaw üng,
Kai bälung thung Bäheng Kung te yng mang,
Kai muilaw üng tähang hawiky hai saite vi.
Kai Săthaw üng Căpaw te yng.
4. Kai bälung Ma tea awneng saite dang dy.
Kai bälung thung Bäheng Kung te yng mang,
Kai ae-awi thui ea, Ma üng lo lä hi ai,
Kai Săthaw üng Căpaw te yng.

178. Areng ly te älawng pre kawng

Joy to the world, the Lord is come

1. Alawng pre kawng he Areng ly.
Älawng sanphrang kätyng,
Bälung thung-a, mityng sa rüng,
Käni älawng kawng dy. 3
2. Isu pyng kha älawng kawng hai.
Khimì ce bälaw sy.
Lai, Pangle hai lungphö ätüng,
Bälaw tyng ö bawi sy. 3
3. Maw mang-a lä mätang y ai.
Angli na ru haw y.
Käsi üng hai tähang kähawi,
Tăphawng kha ly pa dy. 3

4. Lo mitang, tähang kähawi hai,
Älawng pre pyng te vi.
Bäheng saite nang bäräi käcai,
Kхими qü mäny dy. 3

179. Käving-a awng saite na

Send the light MM-159 SS 1082

ZBC 411

Doh is Ab

1. Käving-a awng saite na ma a tea,
Aevang hai, aevang hai,
Hing te hai aede saite kängai na bung,
Aevang hai, Aevang hai,
- Kai ce bung aelawi hai saite Kung,
Mityng qütä aevang hai,
Nang ma üng maw-a bü bawi jaw sy.
Nang ämüng kähawi thui he.
2. Mä-ai lä bälung bi te ätüng thai kha,
Aevang hai, aevang hai.
Hunghö na bung cai te lang mätü hethang,
Aevang hai, aevang hai.
3. Angthang Kähawi thui hethang aehae ö hang.
Aevang hai, aevang hai.
Isu üng sa haw saite qang-a sa ö.
Aevang hai, aevang hai.

180. Aw, Kai üng Mäning kung

1. Aw, Isu, kai üng Mäning kung,
Nang üng kho kung-a kai cäphaw,
Kai üng hunghö na awng mang te ngaila,
Nang üng thi käcai hai mäcai pa ba.

Isu, kai üng Mäning kung te yng kha,
Aeqang te phüng aedawng tea bälung hawi y,
Aeqang te phüng thui y käla awng haw y.
Kai thang hing te lolang sa pa te Kung.

2. Isu kai hunghö bäheng dy.
Nang lawngtä kai üng aebü nae,
Kalvari xaws-a lawng te äthi lä,
Setan kö üng aelawi hai te vi dy.

3. Aw, Isu nang ma y dylä,
Kai üng anghawtho nae awng y.
Naw, mätang, dü, hing ngaila nang thang vi.
Kai hing te nang üng anghang thui nae vi.

181. Belasaza, Mang sangtä hai

The handwriting on the wall Doh is-F
Daniel 5:5

1. Belasaza, mang sangtä hai, aemai äpy leila na,
Suikhaw hai ca nei näkha cae-u thung-a tärü te awng.
Honi kädüng-a sanphrang, ingthung awng kha,
Kawng te thüng, engpang üng äkö byng phüng-a,
Äni ce cangxei kha awng.

Areng äkö vi, engpang qawng²
Ngai te näkha tärlü ai mei.
Yng te na tärlü ai mei.
Tuni kö ma tärlü thüng engpang qawng.

2. Thawng thung üng Daniela, sanphrang maw-a
Aedaw vawng kha hunghö leng bärai saite,
Sanphrang tea äni ma thui pa.
Tärlü saite cae lä khimi leila thang thui te vi.
Engpang qawng üng äkö ma lä pre phra dy näkha thui pa.
3. Aesyng te kätyng, sa vawng, ri y, yng saite,
Areng Säthaw ma py te äni üng kangru aethaw vi.
Judaë pre-a awng mai sy. Thawng thung-a la awng mai sy.
Areng Säthaw tärlü saite äni mäny haw he awng.
4. Mä-ai üng hunghö na lä tuni kätyng tärlü te vi.
Isu te bälung ae-y kha äni üng lo na tängai.
Hunghö awng te na bung lä tärae cei te kani-a,
Kхими qü tähang tärlü he, kätü lä aenai vi dy.

182. Sāthaw, nang lä Arengky KM-197

1. Sāthaw, nang lä Arengky vi.
Kai ce bälung nung haw.
Kai ce üng ätete sa te,
Nang lä mäny jaw jaw.
2. Nang lä qengtä la i vai y.
Kai ce bung rui pa te.
Bälung hawi bārai sa pa kü ba.
Areng Isu qang-a.
3. Kai ce lä nang kängai sa ngai.
Nang üng lo lä hing vi.
Nang üng khimi kai ce tea,
Kai ce bung mäny jo.

183. Sāthaw bāheng nang bārai te KM-173
The Great love of God

1. Sāthaw bāheng nang bārai te lä,
Älawng pre-a aethang bawi sy.
Areng, nawng hawi bārai te hai kähyng jaw jaw.
Kхими kangtang caw na kawng sy.

Mäning te Angthang lä,
Aehi sy näkha aecö dy.
Khristen bawi bawi na lä,
Aethaw dang hai hethang,
Muilaw Käcai ma säbawng jaw ba.

2. Kähing py te Areng ma lä,
Pre qütä awng te na tähang,
Kaevang hai kanghing äjawng-a py he ngai.
Dungtäsa hing hai hethang vi.
3. Ceng cawngkhang na thang aetang si.
Areng tea ly hai hethang,
Beram Caw dü te aetha be hethang lä,
Kawng te ae-awi hai thui ö si.

184. Kai thang Isu ma y dylä KM-83

Just as I am without one plead

1. Kai thang Isu ma y dylä,
Aebü nae kälang kai nung y.
Areng Isu kähyng te phüng,
Areng, kai ly, näpa.
2. Bälung mawng te dawng haw lei y.
Bäleng te hai ri saite la.
Honi kätyng aeting ngaila,
Areng, nang te kai ly.
3. Bälung bi te aeting ngaila,
Awneng te hai kaevang käcai.
Ngai te hengtä dawng haw hethang,
Areng, nang te kai ly.
4. Bäheng te leng bäräi saite lä,
Mäkhang te cawngkhang na tea,
La hai ea mä-ai ma lä,
Areng, nang, te kai ly.

5. Isu bäheng leng bäräi te lä,
Mätae hethang la dang y lyng.
Honi kaekhui aebü hethang,
Areng, nang, te kai ly.

185. Mä-ai nung vai y te pre

1. Mä-ai nung vai y te pre awng.
Tu-a lä mä-ai te ka dy.
Honi pre lä aevang bäräi vi.
Ho-a mä-ai aeting bawi ai.

Bälung aevaw te pre jawng kähawi.
Ho-a mätang te awng vai y.
Ho-a mä-ai aehae ö ai.
Älawng pre käni khüng tea.

2. Honi jawng he hawi bäräi pre-a,
Mätang saite na awng y dy.
Käni se te ngai y ai dy.
Dungtäsatä aevang bäräi vi.

3. Bälung si, raw te la pang ai dy.
Dü aeprei te na awng y dy.
Caw nade hai täprei hai y.
Thaw aesang te pre kähawi-a.

4. Angel na ae-awi te mityng,
Bälung si, raw te na la bawi ai.
Pre qütä üng khimi na hai,
Kawng bäräi te hai aeting bawi ai.

186. Ving bārai te pre

1. Aw, ving bārai te kai ce ālawng pre,
Mani kaevang tyng ai mei.
Āthung üng awng te khimi na lä,
Me anghung te löci sa.

Aw, käving kaevang mäcai kü,
Kaevang thung ly haw hethang,
Tāmai bu te lä qae bārai dy hei.
Āmi mäcai pa ai mei.

2. Ālawng pre awng te khimi na thang,
Angthang Kāhawi thui pa kü.
I xüing saite khimi aelaw ai,
Aelaw he angthang thui pa.
3. Ātabung üng kängai dawng te na,
Muilaw üng kängai hing lawi,
Nāte lo lä yng ö bawi lawi ba.
Yng ö lawi hing te dang ai.

187. Cangxei te cākae thui ai

1. Cangxei te cākae kai thui ai
Khrista lä kai thang dü dy.
Kāni pre Inγκācai khai kha,
Kalvari xaws-a dü pa.

Ae-awi thui cangxei te cākae,
Khrista lä kai thang dü te.
Ae-awi thui cai te ämüng phüng,
Aecö ö Pangle pyng-a.

2. Kai la te Isu ma dang dy.
Lang tämang te beram na,
Bäheng kha kai bung rui be ba.
Kai thang lang mätü be kü.
3. Kai mätang te Isu säbawng,
Hunghö kawi kha aetüing te,
Nung haw y kai ri he kä-awng,
Ni lä lawi hai te Kung vi.
4. Käving käthu lä tyng be dy.
Bälung si te la tyng be dy.
Nang ma kai ce bung awng hai kü.
Cai saite hai aeting ai.

188. Tämang ja ö hang KM-180

1. Tämang ja ö hang, Khrista te pang lawi.
Nawng hawi te hai hyng te lo tängai-e.
Bäheng te hai ma mäcai he ha dy.
Tämang y te hai ma pang päraw lawi ba.

Bäheng bärai te ätüing hai kähyng dy.
Khrista Isu üng lo tängai e!
Ma üng bäheng te ätüing käneng lä,
Ly dawde ba näte thui jaw rawng.
2. Säning nyng nyng aeprei pyng tea la,
Ni ma lä vai khytä nang te aering.
Äma üng thi hai nang bung aeqang dy.
Bäheng saite na lä thui byng lei y.

3. Bäheng te anghang lä tängai ö e!
 Hunghö awng y te ma hunghö phaw pa.
 Aelaw nae kaequng dungtäsa hing he,
 Bäheng bärai te hai ma py hethang ngai.
4. Dungtäsa hing te thokae kung mang-a,
 Kung ea lang kätüngky-a ly he,
 Nawng hawi bärai te ma nang te kähyng dy.
 Hing te la y kätü-a kung lawi ba.

189. Käcai, Käcai, Käcai KM-65

Holy, Holy, Holy

1. Käcai, Käcai, Käcai,
 Cawngkhang sa haw Sāthaw.
 Kädang thawde nang tea
 Ae-awi hai bälau ai.
 Käcai, Käcai, Käcai,
 Bäheng pa saite Kung.
 Bungtä awng te lawng thungtä üng Areng.
2. Käcai, Käcai, Käcai,
 Käni pre awng te na,
 Nang üng aety nae maw-a sui lökhu khai ea.
 Angtawtha na ma la bü kha cāphaw ö bawi.
 Jangni üng hai awng dungtäsa Areng.
3. Käcai, Käcai, Käcai,
 Käving khu saite na,
 Hunghö khimi na lä
 Phung-ang na nung haw y lyng.
 Nang ma lawngtä cai kae.
 Nang lawngtä ni Sanphrang,
 Cüng saite hai bäheng Kung la Nang vi.

4. Kăcai, Kăcai, Kăcai,
Cawngkhang sa haw te Kung.
Kăni, älawng, Pangle hai
Nang üng sa saite na,
Nang te bälaw ö dy.
Bäheng pa saite Kung,
Pä-ai, Căpaw, Muilaw Kăcai, Areng.

190. Mäja rytä sa ö si KM-196

1. Mäja rytä sa ö si.
Bälung hai muilaw la,
Mä-ai üng Mäning Kung te,
Säbawng jaw jaw hethang,
Sa pyng ea kawng hethang,
Aedo näte mäny,
Ma üng kängai sa tea,
Kawng saite tui lawng ai.
- Khrista tähang-a,
 Bawi bawi py ö si dy.
 Ma te tyng haw hethang,
 Mä-ai pre pyng si dy.
2. Mä ai bawi bawi aelaw si dy.
Hunghö mäja hethang,
Hunghö thung awng saite na,
Hing te dang hai hethang,
Angthang Kähawi aethang hai,
Älawng pre teng khytä,
Dü te lang-a awng te na,
Hini ätüng thai mei.

3. Mäja te rytä sa ö si.
Älawng käving thung-a,
Mä-ai üng hing te jungtä,
Yng te ca hai hethang,
Äma tähang ätete,
Mä-ai aethaw awng te,
Areng kangai sa ö si.
Muilaw hing te dang ai.

191. Ly haile ai KM-382

1. Ly haile ai.2
Ämia mäküng hethang,
Ämia bawi bawi na vang ting te
Ma üng ngai te lä.

Käni tengpaw na kätyng,
Areng lökhu thung-a lä
Nang bärai te hai aevang ai.
Areng lökhu-a lä.

2. Mäküng bawi ai.2
Käni-a khai hethang,
Aevang te hai cai te bawi bawi,
Ma üng ngai te lä.

3. Nade caw na.2
Areng üng ngai te lä,
Ämia vang ting te na lawng dy.
Ma üng ngai te lä.

192. Aecang bärai äpa KM-303

1. Aecang bärai saite äpa aethae te käni,
Sädang qa saite thawde-a lä,
Säthaw üng köpy na cangxei te, cangxei te,
Kai bälung thung-a aedawng jaw dy.

Kai ngaiky te raiki äpa caw la
Aecangky saite lä thui lei y.
Älawng pre khimi na ma lä raiki äpa tea,
Vaini khytä mä-ai la ngai jaw.

2. Kädang sädang qa kha raiki äpa kätyng,
Mä-ai üng bälung la aedai ö.
Säthaw ma sa saite äma üng caw nade na,
Säthaw te bälaw ea kawng ba.
3. Kai dawng te kängaiky raiki äpa caw,
Nang kätyng aecang he kai ngai bärai,
Nang üng äpa caw aemäthy te lä rawng ja hang ba.
Vaini khytä mä-ai ma ngai dy.

193. Kāni qütä kai ngai KM-118
I need Thee, every hour SS.757

1. Kāni qütä kai ngai.
Areng ngai bārai.
Nang lo haetä hai ma.
Awng hai neng dy.

Kai ngai mang,
Aw, kai ngai mang,
Kāni qütä ngai mang,
Areng kai te aethawng hai,
Nang tea kai ly.

2. Kāni qütä kái ngai.
Kai te awng hai.
Hokä dylä khönan
Mäja y lyng.

3. Kāni qütä kai ngai.
Kawng ea la,
Nang awng hai y dylä,
Aevaw y lyng.

4. Kāni qütä kai ngai.
Nang üng kängai,
Sa haw jaw jaw hethang,
Kai te mätu.

5. Kāni qütä kai ngai.
Areng Käcai.
Mätang te tyng ngaila,
Kai te awng hai.

194. Älawng-a ämi cäqa KM-103

Who come down? Ss.75

1. Älawng-a ämi cäqa,
Isu kai Mäning kung,
Nade kä ämi ly mei,
Isu kai Maning kung.

Bälung hai ae-awi thui bawi.
Hing te lang vai aetüng dy.
Äma kaetawng la awng y.
Isu kai Mäning kung.

2. Ämi mäning haw ai mei.
Isu kai Mäning kung.
Hing te lo ämi py mei.
Isu kai Mäning kung.

3. Tärae cei he lä ämi mei.
Isu kai Mäning kung.
Mä-ai ämi te yng mei.
Isu kai Mäning kung.

4. Ly haile he ämi mei.
Isu kai Mäning kung,
Kähui na kawng te ämi.
Isu kai Mäning kung.

195. Isu lä ly dy KM-102

1. Isu lä ly dy.²
Käni pre mang üng hai ly pa dy.
Isu lä ly dy.²
Kai bung mäning hethang ly pa dy.

2. Isu lä dü pa.2
Äma lä xaws qawng-a dü hai pa.
Isu lä dü pa.2
Kai tähang äma lä dü hai pa.
3. Isu aetha dy.2
Angrawng thung üng aetha tyng pa dy.
Isu aetha dy.2
Dü te mäja ea aetha dy.
4. Käni pre paw dy.2
Käni pre Pä-ai tea paw dy
Käni pre paw dy.2
Aetang pa he käni pre paw dy.
5. Äma ly be ai.2
Älawng pre-a äma ly be ai.
Äma ly be ai.2
Käni pre mang üng hai ly be ai.
6. Käi tea la ai.2
Käni pre-a kai tea la ai.
Kai tea la ai.2
Äma hai mangtä awng he la ai.
7. Kawng bärai te awng ai.2
Isu tea kawng te hai awng ai.
Kawng bärai te awng ai.2
Käni pre-a kawng te hai awng ai.

196. Aemö kätyng

1. Khösang aeli qawng-a aeja,
Mulaw Käcai üng haidae hai,
Aeli pui kaesang qawng mang hai,

2. Areng tea kai yng dy.
Üngai awng saite mityng lä,
Areng üng mityng käcai vi.

Aemö kätyng khösang-a kai aeja ai.
Üngai üng ing-a tyng tea,
Anghawtho bärai te hai
Areng te ae-awi hai kai thui ai.

3. Yng saite na üng awng nae,
Areng Isu ma sa pa,
Sui vang pui kähawi mityng vi.

197. Hunghö täre hai aety ö KM-276

1. Hunghö täre hai käni qü aety üng,
Hing haw hethang kai aety tea aethaw awng y dy.
Isu ma kai thang täre aety nae py tea,
Hunghö täre te mäja hai dy.

Kai ce bälaw te üng, yng saite hai mäja,
Aeli kangcai ding ngaila,
Ca bärai te hai ma aedaw jaw ai.

2. Ri ö hang. Setan täre mi na tea,
Beram caw Areng ma lä mä-ai tea säbawng ai.
Maw mang ving saite na tea lä aevang hai ai.
Kheng ö e! Zion vang pui nung dy.

3. Täre mi na lä awng nae-a tyng mai sy.
Isu ma Mikhela mätaw kha setan bung ne hai,
Täre mäja hethang kai ce aering haw lei y.
Hunghö täre na te aety dy.
4. Nang üng äteng-a vaihi ma tyng ai üng,
Hini älawng pre-a lä mä-ai bälung mawng ngaila,
Hunghö thang dü pa saite thung üng aeqang dy üng,
Areng hai kawng te ma aeting dy.

198. Käni, älawng sa te Areng KM-348

1. Käni hai älawng sa saite Kung Areng,
Khimi ce tea muilaw kähing py dy.
Anghawtho nae na Ma üng kö hai bähawi,
Aecang bäräi te ma bälung si nae awng y.

Üngai Säthaw ä, muilaw na la ai dy.
Areng Säthaw üng thui te lo na ngai y.
Hunghö käving thung bälung si saite üng,
Khrista mätang kha thi hai aeqang pa dy.
2. Hini älawng-a bälung si te aeting,
Anghawtho nae haetä la kai nung haw y.
Dü te tävaw-a käni qütä aeja,
Dungtäsa awneng hai saite kai aedawng.
3. Hunghö käving-a bälung si, mawng ngaila,
Aeprei nae älawng pre üng ha mang rei-a,
Aecang bäräi mityng, Zion vang pui-a lä,
Areng Säthaw te dungtä bälaw jaw ai.

199. Areng pre dang hethang KM-351

1. Areng pre dang hethang älawng pre-a,

Kai ly jaw jaw ai müng li te hai.

Aephae hai y lyng kai Areng Isu,

Hunghö täre awng ngaila,

Gospel bäheng te ly jaw jaw ai2

Areng ämüng kähawi aethang hethang,

Ri y ai, älawng pre-a.

2. Ma üng kälü sa mätawng hethang-a,

Areng Isu ma kai bung re dy.

Kawng te hai Sähaw kälü sa hethang,

Dü khytä yng ca te hai.

3. Kai tea kälü sa hethang py dy.

Gospel bäheng te aecyng hethang,

Hunghö täre aety jaw jaw te hai,

Bähawi tea hui jaw jaw ai.

4. Aw, bäheng te, aw, bäheng te mang lä,

Kai mätaw te mani pre-a la,

Aephae hai y lyng kai Areng Isu,

Kai ly ai käving pre-a.

200. Lemi pre äpa kätyng KM-353

1. Lemi pre äpa kätyng aethae by dy.

Kalvari üng bäheng te ämui kähawi lä,
Ceng cawngkhang bawi bawi na ä, kawng ö si dy.
Säthaw ma aethawng nae py te Lemi pre.

Anghawtho kha aethaw sa Lemi ceng na,
Mä-ai thang pre kangthae lä aetüng dy.
Aecang bärai, raiki, sawngcang, langlae pa,
Mui kähawi lä aehi jaw sy, älawng-a.

2. Areng üng nang bärai te lä bälaw ö si.

Hunghö thung üng mä-ai bung aeqang te phüng,
Maw mang üng käni kaevang-a ly ö si.
Säthaw ma aethawng nae py te Lemi pre.

3. Areng Säthaw üng hawi te lä thui haw y.

Lemi pre khö aevang ai dy rawijae na,
Aecang bärai, Kimae anghung, Käja anghung,
Säthaw ma aethawng nae py te Lemi pre.

201. Tävwaw haetä awng KM-360

1. Tävwaw haetä lä awng hing te tävwaw,
Pre käcai Zion me mamg üng lawng te
Käni hai älawng aety pyng tea,
Aeki te Jubile pawl sa pa.
Eden kangthae-a nang bähawi,

Haleluja thi kangthing²
Dungtäsa hing te lolang mang bähawi.
Hunghö mäthy he ngai y lyng dy.
Yng te bawi bawi na aeke ö ai. Thi kangthing ³
Hang te hai dungtäsa bälaw ae-awi thui ai.

2. Aeqang te caw na thang ae-awi kangthae,
Isrelae na thokhae üng beram thi,
Faraw tare tea mäja dy.
Pangle kangthing rei mang-a bähawi.
Beram thi hai aeqang pa dy.

3. Zion ae-awi thung-a hawiky te lä,
Thi kangthing³ Aeqang te thi kangthing,
Setan angra tea mäja dy.
Bäheng te kung \areng tea tyng hai.
Mawsawng aelaw, mawng kätung ö.

202. Isu tea ly ba KM-387

1. Isu tea ³ ly ba.
Ly ba Isu tea. Isu tea ly ba.
2. Bäheng ai mang. ³ Vai lä.
Vai lä bäheng ai mang.
Bäheng ai mang vai lä.
3. Aw, yng ö ba.³ Vai hi.
Vai hi, aw, yng ö ba.
Aw, yng ö ba vai hi.

4. Ämi yng mei.3 Vai lä.
Vai lä ämi yng mei.
Ämi yng mei vai lä.

5. Kai lä yng dy3 vai lä.
Vai lä kai lä yng dy.
Kai lä yng dy vai lä.

6. Haleluja 3 Amen.
Amen Haleluja.
Haleluja Amen.

203. Awng hai neng kung tyng

KM-390

1. Älawng pre angxynlyng,
Älo aethang hai si.
Khimi awng te qütä,
Naw saite na tea,
Khristen bawi bawi ma lä,
Kawng te lo thui ö sy.
Awng hai neng te Kung tyng.
 Awng hai neng te Kung tyng2
 Muilaw Käcai ma lä Üngai aedo kätyng,
 Hini lo aethang hai khimi awng te qütä,
 Awng hai neng te Kung tyng.
2. Areng na qawng lengky.
Naw te hawi sa te Kung.
Setan nang saite na.
Aelaw hai te dang dy.
Nang saite lä pra dy.
Mäja te ae-awi thui.
Awng hai neng te Kung tyng.

3. Tengxyng y bäheng te,
Äma hai awng hethang,
Äma kätyng aekhaw,
Kхими ce tea lä,
Hini bäheng saite,
Makä thui hawi te mei.
Awng hai neng te Kung tyng.

4. Käni pre tyng khytä,
Ae-awi thui te tyng sy.
Käni pre awng te na,
Mä-ai te thui ö sy.
Bäheng pa te phüng-a,
Ae-awi tüng la y ai.
Awng hai neng te Kung tyng.

204. Mä-ai ätüng kähawi thai KM-392

1. Mä-ai ätüng kähawi thai,
Aeqang kung Isu vi.
Mityng qütä-a thui pa.
Aeqang kung Isu vi.
Pre bawi bawi-a anghang täru.
Me-a paw, Pangle aekae.
Ly, Areng lä lo py dy.
Aeqang kung Isu vi.

2. Pangle-a anghang tyng hai,
Aeqang kung Isu vi.
Hunghö na tea thui pa.
Aeqang kung Isu vi.
Ceng bawi bawi ae-awi thui ö.
Thu bäräi te aeke ö si.

Älawng pre lä bälaw ai.
Aeqang kung Isu vi.

3. Tyky te thui ö si ba.
Aeqang kung Isu vi.
Dü te üng hing tyng te lä,
Aeqang kung Isu vi.
Naw tea awng hai neng haw.
Ngai kätü kangjai-a thui pa.
Dü tea mäja vi dy.
Aeqang kung Isu vi.

4. Aeli ä, aethawtä thui.
Aeqang kung Isu vi.
Ceng cawngkhang na kawng ö sy.
Aeqang kung Isu vi.
Pangle teng te khytä,
Hing te äjawng py he thui.
Mäja te ae-awi lä,
Hini Aeqang kung Isu vi.

205. Kawng te na ly ö bawi

KM-394

1. Kawng te na ä, ly ö bawi.
Taiby tho te ae-awi thui.
Säding tyng y rawng tea,
Bawi bawi na aecö vi dy.
Mä-ai bung sa te Säthaw,
Mä-ai thang aevaw te py.
Ingakcai-a ly ö bawi.
Taiby tho ae-awi thui ö.

2. Älawng pre Sāthaw üng vi.
Bälaw te aethai.
Caw la caw y la hi ea,
Hawi te hawi y te pra sy.
Angcū-a caw kung pra üng,
Ävui tho, müng dy näpa.
Aw, hing nae py te Kung ä,
Kai ce caw kähawi lawng sy.

3. Äma üng caw ae hethang,
Mä-ai üng Areng ly ai.
Äma la üng aetawng kha,
Hawi y te na cai hai ai.
Caw y na lä käde he,
Angel na te älo thui,
Caw kähawi bawi bawi lä,
Dungtäsatä khai jaw ai.

4. Aw, Mäning kung ly lawi ba.
Nang la üng caw ae hethang,
Nang ma üng khimi käcai,
Hunghö awng y hengtä na,
Ni ce lä nang üng maw-a,
Cai bārai te hai khai hethang,
Angel na hai ly lawi ba.
Taiby tho ae-awi hai.

206. Mä-ai aeprei aeting y khytä KM-396

1. Mä-ai aeprei aeting y rytä,
Säthaw ma rui hai jaw jaw sy.
Ni üng Muilaw ma bähawi sy.
Mä-ai aeprei aeting y rytä,

Mä-ai Areng aety nae maw-a
Mä-ai aeprei aeting y rytä,
Säthaw ma nawsaw kähawi sa sy.
Mä-ai aeprei aeting y rytä,

2. Mä-ai aeprei aeting y rytä,
Bälung bi mawng te awng ngaila,
Säthaw ma awng hai jaw jaw sy.
Mä-ai aeprei aeting y rytä,

3. Mä-ai aeprei aeting y rytä,
Mätang te na tyng kätü-a,
Äni ma awng hai jaw jaw sy.
Mä-ai aeprei aeting y rytä.

4. Mä-ai aeprei aeting y rytä,
Dü saite na hai tyng ngaila,
Säthaw ma mäja hai jaw sy.
Mä-ai aeprei aeting y rytä.

207. Aeprei be y ai dy. KM-398

1. Älawng pre-a anghawtho bärai te,
Hai awng te kätü-a,
Aeprei hethang tyng tea,
Bälung si bärai te awng lae vi.

Aeprei te awng be he y dy.
Käni pre tyng tea,
Honi pre tengxyng y hawi te,
Aeprei be y ai dy.

2. Ngai bärai te na dü te tävaw-a,
Aekae law mai ngaila,
Kätü käni tyng tea,
Kawng bärai te hai aeting be ai mang.

3. Aecang bärai te pre-a lä,
Aeprei te lo thui y ai.
Awneng te hai kawng te,
Anghawtho te hai ae-awi thui ai.

4. Honi pre-a xuxa te hai
Bälung mawng te awng y ai.
Honi kawng nae cungrü ea,
Aecö te aehae y ai.

208. Kangkawng üng älang düng KM-402

The Church's one Foundation E.H.489

1. Kangkawng üng älang düng lä,
Isu Khrista ma vi.
Honi kangkawng tea lä,
lo hai tui hai sa dy.
Hini kangkawng ca hethang,
Käni pre üng hai ly,
Xaws qawng-a dü te khytä,
Kangkawng bung aeqang dy.
2. Khimi cawngkhang awng ngaila,
Kangkawng lä haetä kae.
Baptismae haetä hai-a,
Äma tea hui ö.
Muilaw bö haetä tea,
Ca nei aesui te phüng,
lawngtä xyng Säthaw tea,
Yng te awng jaw jaw ai.
Tänaetä mätang ea
Dungtäsa hing te dang.
3. Älawng pre-a awng saite
Kangkawng na aede y.
Kaedawng kälang awng te phüng,
Kätüng y yng te awng.
Meng vi sa te na tea,
Nung ö te kätü-a,
Nang bärai saite kangkawng lä,
Anghawtho te dang ai.

4. Älawng pre üng kangkawng lä
Hunghö täre ty ai.
Setan täre ty tea,
Mäsae te awng ngaila,
Säthaw tea dawng ea,
Aethaw sa kha ty ö.
Kangkhüng kangteng kätü-a,
Cungrü te dang ai mang.

5. Älawng pre üng kangkawng lä,
Käni pre-a awng te,
Kangkawng hai aesui ea,
Bungtä kätyng awng dy.
Täre mi reisa na lä,
Käcai-a aede te,
Täre mäja pyng te na hai
Aede he dang ai.

209. Yng te na ä, Areng te ly mätü ai dy KM-241

1. Yng te na ä, Areng te ly mätü ai dy.
Mä-ai üng hing saite lä äpa kätyng kae.
Älawng pre üng nang ea hawi te bawi bawi na lä,
la y rawng tea, rawijae na ly ö.

Mä-ai awng nae ing käläng to ngaila,
Käni pre-a ing kähawi awng,
Hi-a vang pui mityng kăca mä-ai awng y.
Ly ö si dy. Hing te vang pui mang-a,

2. Nang ce ngai te hing te lang mang ly saite na,
Aethaw ae-y sai tea nang ly lae vi ai.
Älawng pre-a äte sai ta kae-mae rai awng y,
Sui vang pui-a mä-ai vawi ö si dy.

3. Khimi kaeja Areng säbawng hethang kähyng,
Säthaw lä älawng pre khimi kangtang na te,
Yng saite ca bärai te hai ma aethaw sa te,
Kung te aedo te pre-a dang hai ai.
4. Älawng pre-a lä mätang bälai bärai vi dy.
Aecüng si dy! Hunghö thung-a awng te na lä,
Mawng te, mätang te cäqeng tea mä-ai lä,
Areng kawng te cungrü tyng ai.

210. Abraham, Isaika, Jaeko üng Säthaw KM-371

1. Abraham, Isaika, Jaeko Säthaw,
Sa te Kung Jehova Jere,
Kai ce ma nang tea mäny tyng ea lä,
Kai pre la Kanan pre lawng tyng ai.

Kхими pre thang raw ea aetang te,
Cangxei te na tyng hai kü.
Kätü tänaetä awng te thüng-a,
Kai ce pre la nang bung mäny lawi sy.
2. Tävwaw mätemg älo tängai vi.
Kai pre lä lo tängai y.
Tangkae na la te kätyng awng by vi dy.
Ha te kung, nang tea aely ngai.
3. Älo hai bäheng te anghang thui kha,
Säthaw te aepy he lä mäsaï,
Mäkaï kha dang hethang dawng ö kü.
Makä aethawng te dang haw ai mei.

211. La paw thung-a caw ae he nyng

KM-242

Doh is G

1. La paw thung-a caw ae hethang awng mang.
Ae hethang khimi lä kheng üng di bārai,
Caw ae hethang khimi awng mang ngai rawng,
Caw ae he ämi ly ai mei.

Mänga ö hang² Caw kang müng ae hethang,
Areng ma nang hai kai tea kähyng,
Caw ae he khimi ämi ly ai mei.
Näte Areng ma lä kähyng.

2. Ly ö kha Areng üng la-a kheng ö e!
Caw kung lä aetüng kha rawng king ai dy.
Caw ae hethang lä ämi ly ai mei.
Näte nang hai kai te kähyng.

3. Kätü kani lä leng täre dy hei.
Caw bäle hethang lä aenai dy hei.
Caw ae te vang lä caw bäle ea,
Areng ma kawng te vang py ai.

212. Mäning kung ma mä-ai tea kähyng

KM-245

Doh is Ab

1. Mäning kung ma mä-ai tea kähyng jaw,
Käni pre-a tyng khytä, kai ce üng muilaw na la ba.
Dungtäsa pre mang-a lä dungtäsa awng jaw jaw ai.
Nang ma lawngtä kai bung mäny jaw ba.

Mäning kung üng bäheng cangxei te lä,
Mani la tämang he y. Aw, Areng Isu kai bung lä,
Kalvari me üng hai-a, dungtäsa awng te mang-a,
Nang ma lawngtä kai bung mäny jaw ba.

2. Kai üng hing nae teng kha nang tea tyng ai.
Kai Jordan aekae ea kai lä rawijae hai aeting ai.
Käni pre-a tyng kha kawng te hai ma awng jaw jaw ai.
Nang ma lawngtä kai bung mäny jaw ba.
3. Kangby jä-ai na hai kai lä aeting ai.
Käni pre-a tyng ea kai lä rawijae hai aeting ai.
Areng Sähaw bangtang mang
Kawng te ma awng jaw jaw ai.
Nang ma lawngtä kai bung mäny jaw ba.

213. Tämai tänaetä aeting, la tyng te kätyng KM-253
Doh is G.

1. Tämai tänaetä aeting, la tyng te kätyng,
Mä-ai hing nae lä mäsaï hethang awng y.
Älawng qawng-a awng te hengtä, bawi bawi na lä,
Dungtäsa awng jaw hethang la awng te y.

Khimi üng hawi te thüng lä dawi vi.
Hing nae lä aemang kätyng teng tyng ai.
Teng saite lä mätang nae, bälung si,
Bälung mawng nae,
Hing te käni to te sai na thui pa.

2. Äpa kätyng kätü tänaetä ma rawng ai.
Älawng xuxa tämai thung aeja te na,

Mäning kung Areng qa y saite älawng-a,
Kawng cungrü bälung hai, anghawtho te awng y.

3. Aeca pa kätyng mä-ai hing te bawi bawi la,
Aeca pa na lä rui kha rawng haile tyng,
Säthaw üng lo lä dungtäsatä awng jaw ai.
Dungtäsa hing nae py Kung te bälaw si.

214. Älawng pre üng khimi hing nae KM-254
Doh is F.

1. Älawng pre üng khimi hing nae lä äte mei.
Tämai tänaetä aeting kha la ja te kätyng kae.
Aw, äpa hawi saite na rawng te kätyng,
Hawi thüng äpa kähawi na la aehi pang te.

Aw, älawng pre nang hing nae teng kha,
Mani lolang-a ly ai mei.
Nang thang dungtäsa mityng tyng kha,
Nang bälung awneng ai.

2. Älawng pre hawi te äpa aemäcang dylä,
Dungtäsa hing nae lang tämang nae kai tea bärawi.
Lang tämang dylä kai üng hing nae lang lä,
Rawng ja ai üng kai thang bälung mawng, raw nae lawng ai.
3. Kätü hai tui lawng te, khimi te aering y.
Mi mä süng te säla-a ma, me anghung mä leng ai.
Älawng qawng-a lä khö sa ca te awng y.
Mä-ai älawng pre hing te lä khölawng ly te kae.

215. Dawng e, rae te älawng pre hing te

Doh is C.

1. Dawng e, rae te älawng pre hing kha,
Khim i hai hing te cawngkhang na la,
Hunghö täre ma mäja ai dy hei.
Älawng pre pra saite lä tyng ai.

Tähang si bärai te älawng pre üng khimi na,
Anghawtho awneng te dang y lyng.
Dawng tämang tü te käni awng ngaila,
Ma tea ka he tämang hang ba.

2. Lazerae üng mätang saite dawng,
Älawng pre-a mätang bälai ngaila,
Säthaw ma ni te rui jaw te phüng-a,
Käni pre hing saite dang vi dy.
3. Khimi känang tähang dawng kae e.
Älawng pre-a awneng haw ngaila,
Muilaw tähang mätang saite tyng.
Äni thang bälung si he hawi bärai.

216. Kawng saite Säthaw sa

Bless the Lord my soul LM-88

ss. 209 ZBC. 35

Ps. 34:1 Doh is-Bb

1. Säthaw sa saite na, kawng te hai bälaw.
Mä-ai tea cangxei mätü te phüng-a,
Vaini üng hai aedo saite na bawi lä,
Khösang-a tämai na aeja te kätyng.

Kawng te hai ae-awi thui, Tingtyng kătho kha,
Kawng bārai thui te hai, mă-ai Areng tea,
Äma üng angel na hai pang te thüng-a,
Äma kălu khüng **te** kawng hai ai.
Äma kălu bawi bawi kawng hai ai,
Kai bälung kawng ai.

2. Kălu sa tea kawng, Äqawng üng bäheng saite phüng-a,
Aenai täre hethang lä, Areng ma măja dy.
Kawng te, yng te hai,
Äma tea bälung aevaw hethang kae.
3. Lo aedo te kätyng, dungtä hing he dang,
Săthaw üng bälung aevaw saite phüng-a,
Kăni pre-a ly he aerü ö si dy.
Dungtäsa hing saite dang haw hethang awng.

217. Săthaw mitang, haidae üng Areng

O, God of truth, O lord of might KM-6

1. Săthaw mitang, haidae üng Areng,
Ni ma kaethui sa saite lä,
Kădang thawde kăni anghung,
Sui kaevang hai mai kaevang kă.
2. Ngai phi tüng y saite na hai,
Ang-y saite na ding hai kü,
Tabung muilaw awneng hethang,
Rae saite üng aelaw hai kü.
3. Äte cawngkhang sa haw te hai,
Aetang saite măthang te Kung,
Pă-ai, Căpaw, Muilaw Kăcai,
Dungtäsată pyng jaw kü ba. Amen.

218. Tängai ö. Angel na ae-awi thui
The Herald angels sing

KM-21

1. Tängai ö. Angel na thui.
Areng nang bäräi te awng sy.
Säthaw hai aesui te phüng,
Kхими ce awneng te dang.
Kawng bäräi te hai aetha bawi.
Käni hai älawng aesui,
Khrista lä Bethlehem-a
Aepeng dy näkha a ö.
Tängai ö. Angel na thui.
Areng nang bäräi te awng sy.
2. Käni pre mang üng Sanphrang,
Dungtäsa Areng Khrista,
Älawng pre-a ly te kheng.
Anglaw käcai ma aepeng.
Kхими kätyng awng te dawng.
Kхими ce bung aeqang nae,
Emanuel lä ly dy.
Kхими ce thung-a awng ai.
Tängai ö. Angel na thui.
Areng nang bäräi te awng sy.
3. Kawng ba. Aede nae Areng.
Kawng ba. Mäning kung Areng.
Hing hai saite kaevang na,
Bawi bawi na thang py he ly.
Kхими ce aeqang hethang
Äma üng nang te khai sō.
Äma lä aepeng tea,
Mä-ai la aepeng haw by.
Tängai ö. Angel na thui.
Areng nang bäräi te awng sy.

1. Aecag bärai angni hü-a, Angel na ly ö kha,
Kawng he hawi bärai te anghang hai,
Ae-awi thui te lo lä,
Nang ce tähang Khrista bung lä,
Vaini aepeng dy hei.
Bäheng te khimi na tea,
Awneng te awng hai ai.
2. Vaini kätü jangni kätyng,
Angel käcai na lä,
Älawng pre khimi cawngkhang te,
Ae-awi hawi bärai thui jaw,
Äqawng mang aethang te anghang,
Angtawtha angel na,
Aethang hai jaw jaw te phüng-a,
Thai mäny hethang ngai.
3. Honi awneng saite anghang,
Aethang hai mai ea,
Tämang te hai aejaw te lä,
Vaini khytä awng rawng.
Täre aety te ceng na lä,
Bäheng ae-awi thui y.
Bälung kae-i awng sö ea,
Awneng ae-awi tängai.
4. Jangni-a thui rüng te käni,
Tyng hai dawde ai dy.
Aety te awng y te kätü,
Hawi saite awng täre,
Älawng pre mityng qütä-a,
Aede saite awng ai.
Honi kätyng awng bawi dylä,
Kawng te ae-awi thui ai.

1. Raebawi ing-a ämi awng.
Ämi bung mäsaung te mei.

Arengky cangxei saite lä,
Areng lä Areng lengky vi.
Ma khokung-a aebo ö.
Bälaw ö. Areng nang bäräi.

2. Daithung-a ämi böjae,
Setan ämi tea bäräwi,

3. Ma üng lo käneng thai te,
Mi pui na ämi bung ha,

4. Naw te na bung hawi sa he,
Ämi tea bähawi mei.

5. Lazerae üng angrawng-a,
Aedaw kha ämi raw mei.

6. Kesamäni angkhaw-a,
Rung ang ni ämi aetang.

7. Thinglang qawng mätang ea,
Mä-ai thang ämi dü pa.

8. Angrawng üng aetha ea
Dü te mäja te ämi.

9. Käni älawng tärae cei kung,
Arengky lä ämi mei.

221. Areng bung aepeng te kätü KM-35

1. Areng bung aepeng te kätü tyng be dy.
Bethlehem-a lä äpa aecang bärai te pa be dy.
Tengpaw kaevang hai ma bähawi pa.
Bethlehem raebawi ing-a,
Areng bung aepeng te lä,

Khristmae käni-a lä Bethlehem aedawng,
Areng aepeng te lä raebawi ing-a nung ai mang.
Kawng te ae-awi hai bälaw hethang.
Tämang haw y saite vi.
Areng bung aepeng te lä,
2. Aw, Bethlehem vang pui lä hawi bärai na.
Käni takui-a nang üng ämüng lä tämang haw y.
Nang ce thung-a Areng aepeng te,
Nä-awi Maeri ma täpawi,
Areng Emanuela.
3. Käni mang angel na hai Sarabin na lä,
Ätüng kähawiky tingtyng na hai bälaw teng lei y.
Kävng thung-a awng jaw te na lä bälaw hethng
ly jo üng, älawng pre na bälaw ö.

222. Isu üng xaws cangxei saite KM-52

When I survey the wonderous Cross

1. Isu üng xaws cangxei saite,
Areng kănanng dü te aedawng,
Kai üng tăhang hawiky te lä,
Ang-y te na lä khai sô ai.
2. Khrista dü pa te y dylä,
Kai üng ae-nae lä awng te y.
Kai dawng rungrang te bawi bawi lä,
Äma phüng-a kai dawng y ai.
3. Kheng e! Kö, kho hai älö-a,
Bälung mawng te lä bäheng vi.
Honi kätyng ämi awng mei.
Angli hai lökhu sa vai mei.
4. Kai äte cawngkhang dang ngaila,
Äma tea hung lei y lyng.
Hokä tangtä bäheng te lä,
Kai muilaw hai hing nae mäkai.
5. Mätang te hai khimi ce thang,
Isu üng bäheng saite lä,
Aelaw saite dang te qütä,
Äni te bälaw ö jaw si.

223. Haleluja, Isu tea KM-82

Haleluja, sing to Jesus

1. Haleluja, Isu tea
Nang bārai te awng jaw sy.
Haleluja, bārawi sai tea,
Isu lä mäja te dang.
Zion üng cāpaw cānung na,
Kawng te lo thui ö te lä,
Ceng cawngkhang thung üng,
Kai ce bung Areng ma aelaw hai dy.
2. Haleluja, Mäning kung lä,
Ruicaw kätyng lä y lyng.
Haleluja, mä-ai tea,
Areng Isu ma awng hai,
Käni rui bälitā pyng-a,
Käni pre mang-a paw dy.
Dungtäsa nang ce hai mangtä,
Kai awng ai näkha aedo.
3. Haleluja, Käni pre hai,
Aesui te muilaw bö lä,
Älawng pre awng te kai ce thang,
Ca nei hethang py kü ba.
Ae-y nae kähawi äsäla,
Isu lä käni mang üng kai ce,
Kхими hunghö na bung,
Areng ä, säbawng kü ba.
4. Haleluja, dungtäsa Areng,
Sanphrang na qawng-a Sanphrang,
Haleluja, Maeri Cāpaw,
Käni älawng pyng te Kung,

Käni mang aecö nae ing-a,
Isu lä kung ea awng.
Caqaemeng tawng tea läsy,
Äni lä ly ea awng hai.

5. Haleluja, Isu tea
Nang bärai te awng jaw sy.
Haleluja bärawi sai tea.
Äma lä mäja vi dy.
Zion üng cäpaw cänung na,
Kawng te lo thui ö te lä,
Ceng cawngkhang thung üng
Kai ce bung Areng ma aelaw hai dy.

224. Thi käcai lä tui cäpring kätyng KM-85

There is a fountain filled with blood

1. Thi käcai lä tui cäpring kä,
Aehae y käla lawng,
Honi thi tea ngai te na,
Mätang te awng y ai.
2. Xaws qawng-a dü eng te damrae,
Honi thi käcai hai,
Kai lä cai y-a awng ngaila,
Hunghö na cai hai ai.
3. Kai tea lawng hai te thi käcai,
Sa haw saite ma lä,
Älawng pre-a awng te bawi bawi,
Aelaw saite dang ai.

4. Thi kăcai phüng-a, bäheng nae,
Kai măny kätü-a,
Bäheng saite üng ae-awi na,
Dü khytä kai thui ai.
5. Ätabung hing nae leng ngaila,
Käni pre kăcai-a,
Ae-awi ätüng kähawi na hai,
Areng te bälaw ai.
6. Săthaw Căpaw Isu Khrista,
Kai ce üng hunghö na,
Thi kăcai hai aeqang te lä,
Käni pre hing nae vi.
7. Hokă tea nang y dylä,
Aebü nae lä awng y.
Dü te khytä nang üng ämüng,
Bälaw te awng jaw ai.

225. Bäheng te engthung-a awng,

KM-94

1. Bäheng te engthung-a awng dylä,
Anghawtho jawjaw ai.
Bälung mangtä hai awng jaw dylä,
Käni pre kätyng vi.

Aebäheng saite na, engthung-a awng dylä,
Ingthawng nang y ngaila, bälung anghawtho ai.
Ingthawng nang te qawng-a, bäheng te vang tingky.
Nang engthung-a, anghawtho te dang ai.
Aetang te hai awng ba.

2. Nang lä aetang te hai awng dylä,
Areng lä mäthang ai.
Nang lä Caekäcai na phai dylä,
Areng ma kawng ai mang.
3. Khrista yng te engthung na dylä,
Awneng saite dang ai.
Bälung mangtä hai awng jaw dylä,
Awneng saite dang ai.

226. Hunghö na aelaw hai KM-107

Man of sorrows, what a name S.S 102

1. Hunghö na aelaw hai he,
Säthaw üng Cäpaw lä ly,
Bälung mawng te kung mäthi,
Mäning kung te bälaw ö bawi.
2. Mänui hai te khung tärawi-a,
Kai üng jüing-a aedaw dy.
Kai tähang bäheng te dang.
Mäning kung te bälaw ö bawi.
3. Kai ce lä cai y hunghö,
Ni lä cai bärai te Kung vi.
Ma thi hai kai bung aeqang,
Mäning kung te bälaw ö bawi.
4. Dü hethang ni bung bang dy.
Ni lä cungrü dy näpa.
Vai lä Käni pre mang-a awng.
Mäning kung te bälaw ö bawi.

5. Äma lä ly be tea,
Lawi te na bung ha hethang,
Mä-ai ae-awi thui be ai.
Mäning kung te bälaw ö bawi.

227. Kai ly hethang lolang

KM-109

1. Kai ly hethang lolang,
Ving bäräi te ngaila,
Ma üng ngai te kätyng,
Ma kö hai bähawi ai.

Bäräwi te hai rae te na,
Kai thang paetu hawi te,
Awneng tea tyng ai.

2. Kai üng ha te pre lä,
Äqawng käni pre vi.
Tyng hai te lolang lä,
Areng Isu kae vi.
3. Kai üng bynglyng thung-a,
Kawng te hai mätang te,
Hawi y, hawi re ea,
Kai üng bynglyng kawi hai.
4. Kälü käleng cäpi,
Mäqy mäny hai ba.
Kai üng lang aethaw hai,
Cüng te sangrung lawng sy.

1. Kalvari bäheng aetüŋg te,
Dung kaetha na thui jaw ai.
Dungtäsatä la byng haw y.
Makätü-a3 bälaw ai.
2. Käni ae-awi thung-a hini,
Aetüŋg jaw makätü la,
Tingtyng kähawi hai bälaw ai.
Hini tüŋg te 3 aethang sy.
3. Beram caw thi käting käcai,
Muilaw aeqang pa te lä,
Tingtyng hai bälaw te qawng-a,
Aesangky te3 lawng jaw sy.
4. Dung kaetha nyng nyng khü vi dy.
Ae-awi lä kangthae jaw ai.
Kheng hawi jaw haw dü pyng-a lä,
Thui te phüŋg-a3 aetüŋg jaw.
5. Tä-aw hawiky te awng kha lä,
Kai tengxyng y bälaw ai.
Makätü la hawi jaw kha lä,
Kai nä jaw jaw3 bälaw te.

229. Aetang te kätü KM-121

This the blessed hour of prayers S.S 303

1. Aetang te kätü tyng dy. Areng Isu tea,
Ätete mäkai hethang mä-ai aecö dy.
Äma te tyng te na lä aethaw awng y ngaila,
Mä-ai rawijae hawiky ma aehae hethang py dy.

Aetang te kätü, Aetang te kätü,
Aethaw awng y na thang,
Aetang te kätü vi dy.

2. Aetang te kätü tyng dy, Areng Isu tea,
Hui saite na üng bälung mawng te kawng tea,
Hokä ea mä-ai lä bärawi te na mäja haw,
Areng tea aetang ö, aethaw dang hethang vi.
3. Aetang te kätü tyng dy. Mäning kung Isu lä,
Hing te py hethang xaws qawng, mä-ai thang dü pa.
Vai Säthaw bangtang mang-a, mä-ai thang aetang pa.
Ma bäheng pa te phüng-a, Ni üng ämüng bälaw.

230. Khristen Reisae na sawrai tha hethang

KM-135

Onward Christians Soldiers

1. Khristen reisae na ä,
Sawrai tha hethang,
Isu üng xaws hai-a täre aety ö.
Bälung kae-i na te Isu la aety.
Täre aety nae khöpui Isu ma py pa.

Khristen reisae na ä,
Sawrai tha hethang,
Isu üng xaws hai-a täre aety ö.

2. Xaws hai aeting dylä, setan lä ri bäräi.
 Khristen reisa na ä, mäja he ly ö.
 Bälaw ae-awi tüng thai, setan lä ri bäräi.
 Ngai bäräi te na ä, ätüng hai bälaw ö.
3. Täre lö kätyng mä-ai Khristen na la,
 Lolang käcai mang-a hui jaw jaw si ba.
 Yng te, Aethang khai te, Bäheng te haetä,
 Khristen na thung-a lä Kangkawng haetä kae.
4. Älawng pre bawi bawi lä ca khi y ngaila,
 Äma üng kangkawng lä dungtäsa awng ai.
 Angqaw khaw üng täre aevyng bawi bawi lä,
 Khristen Kangkawng tea lä mäja haw y lyng.
5. Äkähui na ly ö. Aecö ö bawi si.
 Tängai hawi bäräi te tüng hai bälaw ö bawi.
 Käni pre reisa na hai mä-ai bawi bawi lä,
 Nang bäräi ämüng tea lä bälaw ö bawi si.

231. Kai üng hing nae täla kü KM-136
 Take my life and let it be

1. Kai üng hing nae täla kü.
 Nang tea kai a jaw ai.
 Kätü hai käni qütä-a,
 Bälaw te cungrü hai ba. 2
2. Nang üng bäheng te phüng-a,
 Kai üng kö kälu sa hai,
 Nang thang kai ma sa te qütä,
 Kai äkö mätü hai hang2.

3. Kai ätüng tängai kü ba.
Nang te bälaw kätü-a,
Nang üng älo mitang hai,
Kai täbawng-a kawı hai ba.2
4. Kai sui, tangkae awng te na,
Nang ma täla pa kü ba.
Nang aely ngai te kätyng,
Kai üng cüng te nang thang sy.2
5. Kai üng kängai täla ba.
Nang üng ngai te kätyng sy.
Nang pyng te kai üng bälung.
Nang ma awng nae mityng sy. 2.
6. Kai bäheng te täla ba.
Nang khokung-a bähawi kü.
Kai te nang awng hai dylä,
Dungtäsa nang tähang sy.2

232. Isu lä kai tea hawi sa te qütä KM-153

1. Isu lä kai tea kähawi sa te qütä,
Ri y te cüng mei khytä ly hai mäja ai.
Ni y dylä kawngky saite rui vi ai.
Ni hai awng dylä awneng te hai awng ai.

Ho-a la, ma-a la kai lä ri y ai.
Isu hai kai cüng mei khytä ly haw ai.
2. Isu phüng-a kai ma qaitä awng vai y.
Kai rawijae käläng aely ngai y lyng dy.

Bälung mawng te lang mang-a bähawi ngaila,
Äma awng te phüng-a kawng saite awng jaw.

3. Kai te tengxyng y käving säveng ngaila,
Awneng te hai i haw Isu phüng-a,
I aelaw tea Ni te üng pryng y ai.
Mani-a awng sy kai üng kätyng dawng ai.

233. Hing te Pangle qawng mäcaw hai tea lä KM-166

When upon like billows

1. Hing nae Pangle qawng mäcaw hai tea lä,
Nang lä haetä la mäja y näte dawng kha,
Nang üng aethawng saite na hae haetä to,
Nang üng cangxei sa pa saite tea

Aethawng saite na hae haetä to,
Säthaw üng sa pa te na dawng be,
Aethawng saite na hae haetä to,
Areng cangxei sa pa saite tea,

2. Nang lä bälung käbi müng li phaw tea,
Käni qütä müng käli sa te aedawng,
Aethawng saite awng mang te na to jo re.
Nang lä käni khiingtä ae-awi thui jaw ai.
3. Nang saite na bälung naw nae bärav y awng,
Isu ma ingthawng khai pa rüing te dawng ba.
Aethawng saite to, käni pre üng ingthawng,
Älawng pre nang te bawi bawi hai rang haw y.
4. Tudylä aetu nae thung-a kai awng dylä,
Säthaw äte cawngkhang pyng te na dawng ba.
Aethawng saite to, Areng ma mäja hai rawng.
Käni pre tyng te khytä säbawng ai.

234. Areng te kawng he ngai dylä,
Would you be joyful in the Lord

KM-167

1. Areng te kawng he ngai dylä,
Ma üng ingthawng na to,
Äma üng lo yng ö ea,
Awng mang saite dawng ba.

Bäheng te awneng saite,
Mäcai te hai sa haw te la,
Isu phüng-a, kai üng bawi bawi,
Bälaw te ae-awi Ma tea tyng sy.

2. Säthaw bäheng saite phüng-a,
Hunghö bawi bawi bälawi,
Bäheng te phüng-a, awneng dy.
Isu üng thi phüng-a,

3. Säthaw ma lä aethaw py jaw,
Hunghö bäheng hethang,
Muilaw Käcai lä bälung thung,
Cai y saite cai hai.

4. Säthaw tea bähawi haw te,
Sa haw saite na py,
Areng ma muilaw py te lä,
Mä-ai bälung thung awng,

5. Mä-ai hini aethawng saite,
Yng te phüng-a dang bawi.
Khrista phüng-a Säthaw ma lä,
Py ai näkha aedo.

235. Bäräwi te na aepy hang
Yeild not to temptation

KM-168

1. Bäräwi te na aepy hang.

Honi lä hunghö, Mäja saite qütä-a,
Aethaw dang hai ai.
Hunghö mäja tea sa vawng te hai sa.
Isu tea aedyng ba.
Bähawi jaw ai mang.

Mäning kung tea mäkai,
Äma nang te säbawng ai.
Äma awng hai neng jaw ai.
Bähawi jaw jaw ai.

2. Hunghö kangkawng hai lo käcai y khai sö,
Nang bärai te Sähaw ämüng thui rungrang hang.
Kхими mitang hai nawnghawi te awng ba.
Isu te aedyng ba. Bähawi jaw ai mang.

3. Mäja te hengtä na lä Areng Lökhu dang.
Mäsae te tyng sy, Yng saite hai mäja ai.
Mä-ai üng Mäning kung lä mäja hai jaw ai.
Isu tea aedyng ba. Bähawi jaw ai mang.

236. Kähyng te ätüng, KM-172

Hark. A voice is calling.

1. Kähyng te ätüng ma ämi tho ai mei.
Kävung thung khimi ce kaevang nung hai he,
Kai üng kälü sa hethang nang ly ai mei.
Areng ma nang hai kai tea kähyng vi.

Isu üng mäja nae khöpui tawng ea,
Äma üng reisa na lä mäja ö ai.

2. Säthaw üng aethaw hai-a mäja haw ai.
Setan aety vawng nae aevyng sa ö bawi.
Hawi te hai cai saite lä mäja haw hethang,
Aethaw awng te hai ly. Kawng te vang dang ai.
3. Tängai e. Ae-awi hai baw üng te ätüng,
Käni mang awng te na anghawtho te vi.
Nang bärai te Areng Säthaw tähang vi.
Tingtyng hai käni pre aeki prei hai dy.

237. Jawng nae pre kähawi KM-191

Steer Our bark away

1. Jawng nae pre kähawi mang ly hethang,
Mä-ai üng bälung mäqa sy.
Mä-ai lä honi pre-a tyng kha,
Rawijae awng mang na hai aeting ai.

Minaw tui rui pyng tea aecö te,
Kälu sa pyng tea aehae he dang,
aeqang te na üng ae-awi thui saite tängai,
Kawng bärai saite hai-a aecö te lä,

2. Jawng nae pre kähawi mang ly hethang,
 Ri y te hai ly ö si ba.
 Bälung byng saite kätü-a lä,
 Jawng nae awng te pre kaevang nung ai.
3. Jawng nae awng te pre üng hawi bärai te,
 Honi-a äpa na cungrü,
 Ho-a lä Aeqang kung üng maw-a,
 Kawng te bälaw nae ae-awi thui ai.
4. Jawng he awng te üng aeli käsawng pung,
 Khötawi te lä tengxyng y aecang bärai,
 Naw, dü awng y saite pre kähawi-a,
 Mäning kung üng mimai nung ö ai.

238. Sāthaw, nang lä Arengky
 Thou Lord art God of all

KM-197

1. Sāthaw, nang lä Arengky vi.
 Kai ce bälung nung haw,
 Kai ce üng ätete sa te,
 Nang la mäny jaw jaw.
2. Nang lä qengtä la i vai y,
 Kai ce bawi bawi tea rui,
 Bälung kähawi sa pa kü ba.
 Areng Isu phüng-a,
3. Kai ce lä nang kängai sa ai.
 Nang üng lo hing nae vi.
 Kai ce lä nang üng khimi vi.
 Kai ce bung mäny jo.

239. Sāthaw üng bāheng te KM-199

By Grace are you saved

1. Sāthaw üng bāheng te,
Bāheng te cungrü-a sa,
Bāheng nae kätīng lä aecö,
Mā-ai hing nae dang te,

Yng te nang ce hing nae dang.
Yng te 3.
Nang ce sa te y vi.
Yng te nang ma ce sa haw ö te y lyng.
Y lyng ba.2
Tudylä ang-y ai. Sāthaw ma py te vi.
Y lyng ba.
Tudylä ang-y ai.
Sāthaw ma py te vi.3 py te vi ba.

2. Sāthaw bāheng te lä,
Khrista tea aetüng.
Xaws qawng-a mätang bālai hai,
Ma bāheng te aetüng.

3. Yng te bawi bawi na te,
Khrista lä aetüng pa.
Bāheng te hai-a hing nae dang.
Sāthaw üng caw na vi.

240. Bälaw te tuidu käcai KM-201

The blood of the lamb

1. Bälaw te tuidu käcai-a,
Re hunghö bung aeqang te vi.
Säthaw Cäpaw dü hai te lä,
Äma phüng-a tähang hawi dy.
Äma te üng la ja ea,
Kai bälung thung-a hunghö kawi be dy.
Beram caw thi aehu dylä,
honi lä ri kä kälung ai.

Ri kätyng kälung²
Beram caw thi aehu ea,
Ri qawng-a la kälungky ai.

2. Angli lökhu lä khai sö kha,
Xaws ma honi tea mäja.
Bälung mawng te aeting ea,
Aeqang kha mätang te law dy.
Honi tuidu tyng haw ea,
Hunghö na cai hai hethang lä
Beram caw üng äthi aehu ea,
Ri qawng-a la kälungky ai.

3. Säthaw te üng la ja ea
kai bälung thung-a tyng vi dy.
Kai bälung-a hunghö ma kawi.
Tui hai mäcai haw y lyng.
Isu, nang ma üng tuidu-a,
Nang ma üng lo yng kha, nang tea ly.
Nang üng thi hai mäcai hai kü.
Ri qawng-a la kälungky ai.

241. Mäsae te muilaw aehae nae KM-206

Wait, and murmur not

1. Mäsae te muilaw aehae nae,
Bälung mawng aelaw te pre-a,
Rae te na awng be y dy lyng.
Ho-a ngai y te ämi awng.

Aering khang tänga pryng y te ma2,
Aering2 Oh,
Aering ö, khang tänga.

2. Müngli phaw te mäsae ngaila,
Käni pre mang-a tyng hai ai.
Dyng e, ly käsa hai ai dy.
Pryng y te aering khang tänga.
3. Nang lolang angli awng ngaila,
Dawng e, ämi lä khang haw mei.
Nang üng bälung si hai ngaila,
Nang qawng-a cai te tyng ai mang.
4. Mätang ngaila ae-eng tänga.
Tämang y aetang te hai ma,
Aehae he käni aenai dy,
Pryng y te aering khang tänga.

242. Qae bārai khytä hunghö-a awng te, KM-225

1. Qae bārai vi dy, hunghö-a awng te,
Isu bāheng te dawng y.
Areng üng mätang hai te na lä,
Kalvari me mang-a kheng.

Bälung käneng hai aekö tyng dylä,
Dungtäsa hing saite dang ai.
Kätü dawi dy. Nang hunghö ae-ui.
Kätü lä aering y lyng.

2. Mani kätü mei känitä-a lä,
Dü te mi lä tyng khaw ai.
Honi kani na tyng tea lä,
Nang thang kätü awng y dy.
3. Baibul cae-u thung awng te lo na,
Yng te hai dawng jaw dylä,
Dungtäsa hing saite dang khaw ai.
Sanphrang lökhu aekhu ai.

243. Nawngpui la kung Areng kähying KM-227

1. Nawngpui la kung Areng kähying,
Tämai thung-a aetüing hai dy.
Aeqang te na ma lady pa.
Hasana näkha a ö.

Kai ly dawde ai dy.
Areng ma ceng cawngkhang te thui.
Aerü ö rüing ceng cawngkhang na ä.
Ly he käni lä aenai dy.

2. Duntäsätä aevang hai lawi.
Aeqang te na älawng mäling,
Nang üng pre kähawi tengpaw kä,
Aevang hai ba, Areng Isu.

3. Duntäsätä aevang lawi sy.
Aeqang te na ly be ea,
Minaw tui qa y pre kähawi,
Pä-awng lawi sy, Salem vang pui.

4. Käving ma kai tea säveng,
Ceng bawi bawi lä kawng haw y üng,
Kawng hethang Areng ma ly kha,
Nang ma pre üng äpa py kü.

244. Älawng-a kai ing awng y KM-229

1. Älawng-a ing awng y, khölawng ly te kae vi.
Kai ing kähawi nung haw, Käni pre kähawi-a,
Aecang bärai kätho-a angel na ma aering,
Älawng-a ing awng y. Kai lä angvüng kae vi.

Areng, nang y dylä, rawijae kälang awng y.
Käni pre y dylä, kai äte dang ai mei.
Aecang bärai kätho-a Angel na ma aering.
Angel na ma aering. Älawng-a ing awng y.
Kai lä angvüng kae vi.

2. Kheng kha kai tea aering te mäny ea,
Isu ma aeqang dy. Vai kai ing mang-a ly.
Kai bung bähawi ngaw ai. Sa mäja y ngaila,
hi-a kai ing awng y. Kai lä angvüng kae vi.

3. Honi pre aecang bärai, dungtäsa aehae ai.
Khim i käcai na hai ae-awi mangtä thui ai.
Ni ce üng ätüng lä bälung awneng hai dy.
Kai ing hi-a awng y. Kai lä angvüng kae vi.

245. Kai üng muilaw käni qütä anghawtho KM-231

1. Kai üng muilaw käni qütä anghawtho te,
Areng sui vang pui aeke ai. Kai üng muilaw,
Mäning te kung Arengky üng kaekhui täkui-a,
Khösa hawi bärai ai.

Aering jaw te käni pre-a,
Älawng pre lä naw mätang te awng,
Käni pre aering.

2. Duntäsa awneng te pre kai aedawng jaw.
 Älawng pre-a anghawtho nae kai nung haw y.
 Käni qütä bälung käsi ma säveng te vi.
 Kheng e! Kai muilaw.
3. Mani kätü käni pre-a kai tyng ai mei.
 Hini älawng pre thung-a lä kai raw te hai,
 honi pre käcai-a kheng kha, Areng kai muilaw.
 Käni pre bähawi. Honi awneng te pre käcai,
 Areng kai muilaw, nang ma bähawi ba.

246. Bälung mawng te hini älawng lä KM-232

1. Bälung mawng te hi älawng-a lä,
 Rawijae na hai aeprei mityng,
 Vai aeprei te käni tyng dy.
 Bälung mawng nae älawng pre-a lä,

 Älawng pre bälung mawng te lä,
 Bälung si, raw awng te pre thung-a,
 Aeting hethang kätü awng y,
 Bälawng mawng te älawng pre-a lä,
2. Khawngdang käni se kätü-a,
 Rawijae na hai aeprei käni,
 Aeting hethang kätü awng y.
 Maw mang käni aeting tyng ai mang.
3. Rawijae kangkawng na aeprei te,
 Tungaila vai kawng he awng vi.
 Lawng lawngtä aedawng jaw si ba.
 Bälung mawng te älawng pre-a lä.

247. Tāmang pyng te khimi na ä, KM-236

1. Tāmang pyng te khimi na ä, hing te thüng-a,
Qae y tea dü te angrawng ma lady sälö dy.
Muilaw dungtäsa hing nae tyng y käläng-a,

Muilaw Aeqang kung Khrista te pang lawi.
Qae y te ma vaihi pang praw lawi ba.
Bäheng te na dawng y saite na lä,
Dungtäsa angrawng käving thung mang-a,
tyng ö ai.

2. Bälung kae-i mäja te lä qae y tea tyng hai ai dy.
Nung vai y te käni pre tyng tea,
Dungtäsatä khö sa hawi te bälaw ö ai.

3. Hing te lolang käcai kung nae,
Hying te awng mang, re te di bäräi,
Äte cawngkhang hai hunghö khai sö kha,
Muilaw Mäning Kung Khrista tea pang lawi ba.

248. Areng hai mangtä ly

Keep going with the Master ss 1092 ZBC 388
Matt 8:19 Doh is-Db

1. Areng hai mangtä ly, äte pa tyng sy.
Ly te lang ving ngaila, Ni te yng khaw jaw.
Hunghö na aeting sy, Ma te aekhaw jaw,
Isu hai mangtä ly, ri nae awng y ai.

Yng te hai maw mang-a ly bawi,
Yng saite meiky ai mang.
Mäning kung te aekhaw jaw ba.
Ly te qü Ni ma lang mätü ai.

2. Areng hai mangtä ly, mani mityng-a,
Ving te thung üng tho kha Ni lang mätü ai.
Tukätephüng-a nang lolang aevang ai.
Mityng cei rae te na, angkhaw bälawng ai.
3. Areng hai mangtä ly, lang-a aehae hang.
Äma thui te kätyng, Ni üng lo tängai.
Haidae te ae-y kha, ävaw y sa ba.
Isu hai mangtä ly, ae-y nae dang ai.

249. Älawng pre nang saite bawi bawi lä KM-256

1. Älawng pre nang saite bawi bawi lä,
Aeca pa kätyng rui king vi dy.
Tungaila Mäning kung bäheng te,
Mäny y säning nyng nyng byng dy.

Ae-ui te hai Mäning kung pang si dy.
Mä-ai üng hunghö na bäheng dy.
Säthaw ma phüng-a, bäheng te lä,
Ni qae y te ma pang praw si dy.

2. Bälung tang ea heng ja te na,
Dungtäsa bäjeng saite dang ai.
Bälung mawng saite na tyng hai ai.
3. Ämi la Khrista te aephae te lä,
Hunghö hai täphra te kung na vi.
Ae-ui ea Ma te aekö tyng sy.
Mäning kung ma lä bäheng khaw ai.

250. Yng te ma kheng ö KM-257

1. Yng te ma kheng ö si,
Älawng pre üng hai ma,
Nang te bälaw he ngai,
Nang üng bäheng te lä,

Kawng y te awng haw y²
Mäning kung mäna üng
Aeqang te thi lawng te,
Kheng e! Aeqang te lä,
Mätang phi vi dy hei.

2. Areng, nang käni pre,
Khai sö kha älawng pre,
Mätang nae phaw pa dy.
Xaws qawng-a dü te ma,

3. Jangni kangsi kangjaw,
Käni pre lang tämang,
Bäheng te thi hai-a,
Kai lä nung khaw dy hei.

4. Käni pre mityng lä,
Käni düng y te pre,
Nang üng thi vang phüng-a,
Kai tyng he ngai dy hei.

251. Tävw sü mang thi kangthing KM-261

1. Tävw sü mang thi kangthing lawng,
Kalvari üng tho te,
Thi kangthing lä hunghö tähang,
Cai saite dang hai dy.

Aw, Kalvari me hawi bärai³
Kai thang-a thi lawng dy.

2. Hunghö thang dü te xaws qawng-a,
cai te tui la lawng dy.
Mä-ai bawi bawi üng hunghö lä,
Thi käcai hai mäjö.

3. Areng Isu üng thi kangthing,
Hunghö na bung cai hai,
Khimmi cawngkhang na nung ö üng,
Müngli aelaw hai dy.

4. Yng tea kai lä tui nung dy.
Älawng pre qütä lawng,
Areng lä lo mitang näte,
Dü khytä yng jaw ai.
Joh 19:34

252. Aw, käving pre, KM-264

Aw, käving pre²
Kai ce te säbawng kü näpa.
Älüng, ätüng hai nidüng, nise,
Aw, käving pre säbawng hethang
Kaetha na ä! ly ö si dy.

1. Nang ce ma bälaw ö pyng tea lä,
Caw ae he hawi dy näkha thui y mei.
Kheng ö e! Caw na lä ae he thang hawi dy hei.
Caw ae hethang kaetha na ä, ly ö si dy.
2. Daithung aeca na pra te mityng-a,
Mäja te khytä caw me na ha ö.
Nang lä ly kha areng üng cawpai thung khai ba.
Tyng hawtä rui te kätyng nang tea kawng ai.
3. Kheng ö e! Caw na lä müng king dy hei.
Ämi mätaw mei. Ämi ly ai mei.
Kai hi-a awng, kai mätaw kü ba näpa ai.
Kaetha na ä, Vang bärai te ma ly ö si.

253. Säthaw üng sa te lä hawi KM-266

Doh is G.

1. Hawi bärai saite vang pui-a lä,
Hawi te vang üng äteng mang-a,
Sämüng tävaw lawng dy.
Anghawtho te hai mawi ha dy.
Honi kätü tämang haw y.

Säthaw üng sa te lä hawi vi.
Sa te kung lä hawi bärai,
Raiki, Metawng, pyly pa na,
Hawi bärai te äpa na.

2. Daithung-a mawi cawngkhang na awng dy.
Tangkui, tangdeng, sanglawng, kuilü,
Tävaw na Säthaw bälaw,
Aetö laifaw la ae-awi thui,
Äni ce bawi bawi la anghawtho.
3. Mä-ai vang-a tämang haw y,
Kangsi kangjaw na re tea,
Vang pui lä sa pa dy.
Khö sa hawi te vang pui lawng sy.
Aethang te khimi pre lawng sy.

254. Kangby jä-ai älawng xuxa tea KM-269

1. Kangby jä-ai älawng xuxa tea,
Bäheng saite kaevang dang dy mei.
Kätü käni la käläng vi dy.
Nang muilaw thang aethaw dang dy mei.

Qae y ma älawng lä pra vi ai.
Älawng üng khö sa te na la vi ai.
Aeqang kung Isu te ly ö lawi.
Dungtä hing nae äjawng-a dang ai.

2. Nang bälung ca bärai awng jaw ba.
Dungtäsatä hing te dang dylä,
Älawng pre ingthawng khai sö vi lawi.
Aeqang kung Areng bälaw si ba.

3. Kangby jä-ai Sāthaw hai aeprei te,
Aeqang saite dang te khimi na,
Pä-ai Sāthaw üng kängai-a lä,
Bälaw te ätüng hai aede ö si.

255. Areng Sāthaw bälaw hethang KM-274

1. Areng Sāthaw bälaw hethang,
Mä-ai mangtä aeting,
Bälung mangtä bälaw si ba.
Anghawtho bälaw,

Aw, aethawng saite,
Älüng, ätüng hai nidüng,
Nise bälung mangtä ma bälaw,
Areng ämüng bälaw si ba.

2. Aethawng saite to leila y,
Mä-ai mangtä aeting,
Lo thui te hai sa te bawi bawi,
Ni ma bälung ai.
3. Khö sa hawi te aecang te na,
Areng tähang sy.
Mä-ai mangtä ly ö si ba.
Bälung aepy ö.
4. Areng Muilaw Käcai awng hai,
Kai ce bung rui ba.
Mäny y te na mäny hai,
Nang pre ka hethang,

256. Kheng e, Käni vang pui KM-280

1. Kheng e, Käni vang pui-a lä,
Re te hai matura na ly ö.
Me käsi yng te na mäthi y,
Awng te hai ly ai käni pre-a,

Aw, Kalvari me xaws,
Aethaw awng saite hai,
Re te na awng dy.
Dü te mäja te lä khu hai,
Vang pui-a ly ö si.

2. Tingtyng tüng aecang bärai te ma,
Aeqang kung kawng te bälaw üng,
Älawng pre ngärei aedawng y dy.
Awng te ae-awi hai ma bälaw ö.
3. Areng aedawng te ma ngang sö,
Aeqang te na älawng ngärei-a,
Bähawi kha älawng pre cäqeng te,
Khö sa hawi tävaw rei tyng hai dy.

257. Sāthaw Bālaw si KM-281

1. Sāthaw te bālaw si ba. Sāthaw te bālaw,
Sāthaw te bālaw si ba. Sāthaw te bālaw,
Ni lä tämö aesangky, Ni ämüng bālaw,
Ni lä tämö aesangky, Ni ämüng bālaw,

Bālaw ö, mäsang ö.
Ni ämüng bālaw ö.
Ni lä aeqang pa te Kung,
Mä-ai lä lawi he dang dy.
Ni lä sanphrang qawng-a
Sanphrangky bālaw.

2. Sāthaw te bālaw si ba. Sāthaw te bālaw,
Sāthaw te bālaw si ba. Sāthaw te bālaw,
Ni lä areng qawng-a Arengky, ämüng bālaw,
Ni lä sanphrang qawng-a Sanphrangky bālaw.
3. Sāthaw te bālaw si ba. Sāthaw te bālaw,
Sāthaw te Bālaw si ba. Sāthaw te bālaw,
Ni lä tämö aesangky, Ni ämüng bālaw,
Sāthaw te bālaw si ba, Ni bālaw.

258. Xaws kaekhui tākui-a aehae hai KM-282

1. Xaws kaekhui tākui-a aehae hai,
Ho-a Mäning kung üng thi lawng hai dy.
Hing te tui ho-a lawng pa.
Hunghö cai hai saite vi.
Xaws kaekhui tākui-a aehae dy.

Ma üng bäheng saite lä cangxei vi.
Muilaw hing te lolang la sa pa dy.
Vai lä kawng saite dang dy.
Kai bung bäheng te phüng-a,
Xaws kaekhui täkui-a aehae dy.

2. Xaws kaekhui täkui-a aehae hai,
Säthaw kängai ho-a lä sa mäja,
Kхими mitang te hai ma,
Ma üng kängai sa te kha,
Xaws kaekhui täkui-a aehae dy.

3. Xaws kaekhui täkui-a aehae hai,
Isu üng thi lawng te täkui-a lä,
Äma aeqang pa tea,
Käni qütä aedawng jaw,
Dungtäsatä awneng saite dang ai.

259. Säthaw ma älawng pre bäheng te KM-297

1. Säthaw ma älawng pre bäheng te lä,
Baibul lo sai üng hai-a mäny üng,
Kai awneng saite dang haw hethang lä,
Areng Isu nang ma kai bung bähawi.

Areng Isu, awneng te mityng,
Kai awng he ngai²,
Areng Isu awneng te mityng,
Kai awng he aedawng bäräi.

2. Bälaw te tuidu mityng käcai-a,
Rawijae bawi bawi na hai aeting tyng ai,
Honi dungtäsatä mityng-a lä,
Bälaw te ae-awi lä kai thui jaw ai.

3. Raw ngang sö te awng y, baesung thung-a,
Äma üng kö hai kai tea bähawi ai.
Dungtäsa awneng saite mityng-a,
Kai bälung mawng nae lä awng y dy lyng.

260. Aeqang te Angthang Kähawi KM-310

1. Aeqang te Angthang kähawi lä,
Mityng qütä aehi he ngai,
Nidüng, nise,älüng, ätüng-a,
Anghung, angdawng älawng pre teng te khytä,

Aeqang te angthang kai ri y.
Dungtäsa aeqang te phüng-a, kai ri y lyng.
Käving pre-a kaevang tyng sy.
Kaevang-a tyng hethang kätü tyng dy.
2. Käving thung-a awng te khimi na,
Kalvari me üng kaevang lä,
Qengtä nui jaw saite phüng-a,
Bälung thung-a vai ma ae-ui ai dy.
3. Mäny y te khimi ce ä,
Thai, tängai y te khimi na,
Aeqang kung cäqa kätü-a,
Areng, Areng näte ma kähying ai.

261. Sāthaw bāheng te thui lei y KM-316

1. Sāthaw bāheng te thui lei y,
Hunghö tuili thung-a awng te lä,
Bāheng te phüng-a, hunghö aehui,
Nui tyng dy. Kalvari xaws qawng-a,

Cäpaw lawngtä awng te lä py ki,
Aw, kai hing tea Areng bälaw,
Älawng pre hing te teng y tea,
Bāheng saite lä thui lei y.

2. Ho-a bāheng saite hawi te lä,
Cäpaw Isu hai-a ha te vi.
Ang py, angpy, angpy mājā y.
Nui tyng dy Kalvari xaws qawng-a,
3. Khimi naw te na bung hawi sa pa.
Mätang te bawi bawi mājā tea,
Rawijae aekö tyng bāheng te hai.
Hunghö la hai kai aeqang pa dy.

262. Tāngai e, kai ly praw ai KM-321

1. Tāngai e, kai lä ly praw ai, Areng näpa.
Kхими cawngkhang na sa te kätyng py khaw ai.
Cäqa hethang aenai näte Sāthaw ma thui,
Thai te khimi hengtä lä ly praw lawi sy.
Ae-ui ö. Kāni pre ma pyng te lä aenai dy.
Hawi y sa te khimi lä hawi y sa sy.
Vai üng ni lä aely leng te ni vi dy üng
Rawijae ngai bārai te na ä,
Aering ö rüng dy mei.

2. Äjawng py te dungtäsa hing te mang-a lä,
Ly hethang Säthaw ma kähyng jaw jaw dy hei.
Kähyng te ätüng thai te khimi bawi bawi lä,
Khai rung te kani pre mang-a tyng bawi bawi ai.
3. Pā-ai kängai sa te khimi hengtä na lä,
Anghawtho te hai lady ai, cāqa be kha,
Pā-ai kängai sa y te khimi na thang lä,
Dungtäsatä awng jaw jaw te mai-a qa ai.

263. Areng üng thang kälu sa hethang KM-326

1. Ni byng ai dy. Ni awng tea kai lä ly ai.
Areng üng mätaw te pre-a,
Ri nae awng mang ngaila, kai ri y ai.
Areng Säthaw ma kai tea awng hai jaw ai.

Areng tähang lu sa hethang,
Aely ngai saite bähawi ba,k|äving pre-a,
Nang üng ngai saite kaevang lä aethang hai dy.
Muilaw Käcai kai te awng hai ba.
2. Kai ly he kae te käving pre-a, kai ly ai.
Yng te khimi lawngtä awng y.
Setan cāphaw saite caw nade na,
Kai makä bähawi haw ai mei Areng Isu.
3. Ing hai vang kangby jä-ai na, kai khai sö kha
Areng mätaw te käving pre-a,
Nä-awi pä-ai bung nung y te pre-a,
Areng mätaw te mityng kai lä ly ai.

1. Üngai te üng kai pryng kha,
 Kai awng nae la täre dy.
 Kai ly te lolang-a bäheng kung äni lä awng y.
 Üngai üng minaw tui rui te, byng te käni awng vai y.
 Bäheng te hai ma aedüng, aekö haile tyng hethang,

Bäheng te 2 Üngai Säthaw üng bäheng te,
 Thu, ka saite thui haw hethang
 Täbawng awng y.
 Pangle qawng-a la thuky.
 Käni qawng-a la aesangky.
 Hing te thüng kai thui jaw ai.
 Tämang haw y te bäheng te,

2. Buisaw na ma thui ö.
 Teng haw y bäheng te lä,
 Äkähui na ma la thui, thui be ngaila byng haw y.
 Cae hai tärü byng lei y,
 Täbawng hai thui teng haw y.
 Üngai üng bäheng saite kai üng muilaw awng nae.
3. Hawi saite lä byng haw y,
 Teng haw y te bäheng nae,
 Cüng saite hai aepa haw y, aesangky te Üngai
 Säthaw,
 Aeteng y te hai kai bäheng, aeteng y bälung aevaw te,
 Kai ngai ky te kai cäpaw, näte hai kähyng be.

265. Isu tea aehae ai äma üng bälung qawng-a
KM-349

1. Isu tea aehae ai. Ma üng bälung qawng-a,
Kai üng muilaw aehae te, äma khu my hai ai.
Käni mang üng ätüng thai,
Pre kähawi mang üng vi.
Ae-awi kanglang hai kähying, tävaw rei kähawi-a,

Isu 2, Nang tea awng he ngai.
Isu, Bäheng kung kähawi
Nang tea awng hethang ngai,
Mätang te teng y rytä,
Nang ma kai te khu hai.

2. Isu tea aehae ai. Rae te na la hai ai.
Thui tämawng te na awng y. Hunghö na la hai ai.
Bälung si te na byng ai. Bälung naw raw te na,
Minaw tui qa te na la awng y lyng, honi pre.
3. Kai muilaw aelaw he kheng, Isu ma dü pa dy.
Dungtäsa aebü nae hai dungtäsa lungphö vi.
Kai tähang sa rüng te pre-a, äma bähawi ai.
Rung ving te awng y lyng dy.
Nang bärai te hai aevang.

266. Inγκάcai mang-a

Safe in the Glory Land Heb. 11:16

HK 447 James L Black. Doh ia Ab.

1. Kācai na ly te lang-a mājui si,
Sāthaw ma lang bāhawi ai mang.
Kāni pre lang mang-a kai ly tea,
Tengpaw na ma aevang hai vi.

Inγκάcai mang-a ly tea,
Kawng te hai hing te dang hethang vi.
Tyng khaw tea kawng te cungrü ai.
Raw pi te awng y dy.

2. Khimi kácüng kā, lang kācai hui he,
Zion vang pui-a ly ö si.
Areng āmaw nung tea kawng tāre ai.
Dungtä āma hai awng ai dy.

3. Lang kācai hui he ngai ö by dylä,
Lawng lawngtä hai aede ö si.
Sāthaw hai mangtä awng ö by dylä,
Kawng te hai dung aemäkung ai.

4. Dü te tävaw ri he kā-awng pyng-a,
Aedaw kha awng ö ngaila,
Sāthaw āma hai mangtä aekae vi ai.
Bälaw ae-awi teng lei y ai.

267. Kangsi kangjaw na üng tära

1. Me anghung, angmang, kaeneng, kaesang, sälung-a,
Aetö thingrung, thing rö kung cung rü bawi,
Vawcawng vawdi, tui angding käde hai
Thing thai rö byng, aethüng jaw sy.

Kangsi kangjaw na ma tära khai te vi.
Tära ö si, hae ö si dy.
Kхими khö aesang hethang-a
Käni Sāthaw te aetang si.

2. Angning la pang, rö dai sangthang,
Bawng cang sänawi,
Sui kähawi-a, rang caw cungrü, qai sy.
Nang hai kai ma mätö hethang bawi la,
Ingthawng, la thawng tära jüng vi.
3. Tākhe dairawng na, angprüng kähawi ma,
Säning qütä, la paetu hawi hai vi.
Cawbi cawthai, cawpai mälang jaw kha,
Anghung, angkang, aelaw hai vi.
4. Säding, nisae aeli saehaw tho te, qü-a,
Raiki, Sawngcang, metawng pa mui kähawi,
Aethüng jaw lawi sy. Aecang bärai jaw sy.
Aebüng jaw he, caw nade na,

268. Mä-ai lemi khö

Doh is Eb.

1. Mä-ai lemi khö äpa cungrü,
Tävaw cawngkhang,
Aetö angpreng-a thing thai hai
Tui angding na lawng.

Kawng te hai Säthaw tea bälaw ö.
Tengpaw kä, ae-ang pheng vang na hai
Lemi khö kai ma thang-a,
Aecang phi by vi dy, kai khö.

2. Rae te awng mai sy, ing hai la hai,
Nang te by vi. La paw,
La leng a, phüsävü,
Cora tüng, na hai,

3. Me anghung sälung,
Aeli saehaw hai derui vi.
Dung aemäkung si. Lemi khö,
Aecang hai jaw sy.

4. Angdawng y mai sy, khö sa hawi,
Mawng te mityng vi.
Mang-a mei, kai khö,
Tämang y lyng. Bälung rui vi.

*Cora näte lä: Dai bung mäkhawi xixae ea kharui hai
re kha tävaw hui saite

269. Tämang haw y Kalile pre

Memories of Galile HK 150

1. Kalile-a Areng Isu lo thui tärawi
ly te thüng-a, Käni pre anghang mätu kha,
Mätae te lo hai thui jaw pa.

Kalile pre aethawng te dang,
Isu bung pre thung aeke hai,
Kai ce pre la Isu ngai dy.
Pre thung-a aeke jo lawi sy.

2. Äpa cungrü, rang saethae na,
Älawng käni awng te na ma,
Säthaw hawi te äphüng na thui,
Caiping-a thui mäcai pa vi.

3. Caiping-a nung haw ö kha lä,
Älawng pre lä Inγκäcai vi.
Äma köpy angxynlyng na,
Säthaw hawi te aetüng hai vi.

270. Khawi säling ävang käting

The pearl of the greatest prices

Mat13:45-46 HK 155

1. Isu üng aeqang te dang dy.
Kawng te ae-awi thui ai.
Isu hai aesui te phüng-a,
Kawng te ae-awi thui ai.

Areng Isu ma lawi hai dy.
Kawng te ae-awi thui ai.
Isu hai aesui te phüng-a,
kawng te hai bälaw ai.

2. Aeqang kung lä Isu Khrista,
Mäthykung käleng vi.
Kai üng Areng Säthaw üng,
Bangtang mang-a aety dy.

3. Sanphrang qawng-a Sanphrangky vi.
Säthaw lä Mäning kung,
Mä-ai tähang-a kaevang py,
Nawsaw hawi hai kung vi.

4. Aebawng hai kung, Isu Khrista,
Kai thang äthi lawng pa.
Säthaw üng beram caw dü te,
Kai thang hing hai nae vi.

271. Aetang kha awng ö si

Tha saite ae-awi HK 20 Doh is F

1. Säthaw tea Bälaw te hai,
Aetang kha awng ö si.
Kawng te hai ae-awi thui,
Ingkäcai mang tängai pa ai.
Säthaw ma aedo te älo,
Käneng hai mäthang dy.
Älawng pre-a aeprei ngaila,
Käni-a aeting ai.
2. Säthaw üng bäheng te phüng-a,
Bungtä lawng hai vi dy.
Säthaw Cäpaw Isu phüng-a,
Mangtä aemäkawng si.
Aeprei hethang tyng mai sy.
Älo aedo te awng vi.
Aethang khai te kätyng käni-a,
Mä-ai aeting ai.
3. Aethaw di kha mäsaе ngaila,
Tävaw rei aekae ai.
Rawijae kähawi na ma aering,
Käni sui vang pui-a,
Bälung si te hai rawpi saite na
La pang ai dy.
Sui vang pui-a aeting kha
Kawng te ae-awi thui jaw ai.

272. Angcū üng khimi Adam

1. Angcū üng khimi lä Adam ni Evi dy.
Eden angkhaw-a Säthaw ma khai te,
Käni qü anghawtho te hai awng hawi te thüng,
Bälung si nae hawi te ätüng thai vi.

Adam ma-a awng mei. Aw, ma-a awng vi mei.
Kädüng qütä anghawtho te nung jaw jaw be.
Makätephüng Säthaw te aeho kha awng mei.
Äma te üng pryng ja te Adam ma-a mei.
2. Aw ngai te by jä-ai, vaini ma-a awng mei.
Vai Säthaw lä nang te lo düng vi dy.
Honi tea makä nang lä mäthang ai mei.
Ri kha äma te üng nang aeho ja ai mei.
3. Aw, Säthaw kai lä kangko-a awng sö vi.
Mäny ea nang te kai lä tyng dy.
Hunghö na thang py te Säthaw üng bäheng te,
Hunghö caw kai tea py haile ba.
4. Kai käsawtho te hai mäthang te ätüng lä,
Pä-ai Säthaw vaini kai mäny dy.
Atabung kangko awng te phüng kai aejae bärai,
Ri kha äma te üng aeho ai mei.

273. Beram rui te kung Khrismae Ae-awi

1. Kärung angni hü-a cangxei te tengpaw,
Beram rui kung na maw-a aevang kha,
Käni mang angel na aetüng hai ea,
Kawng bärai te anghang ni ce te thai hai,

Derui te kädüng, awneng te kätü-a,
Isu bung aepeng, Nang bärai te,
Ämüng kăcai lä Emanuela.

2. Beram rui kung Bethlehem vang-a ly kha,
Josefae ni Mari bung nung ea,
Nade caw Isu tea cäphaw ö kha,
Cangxei te Săthaw üng maw aetüng hai.
3. Nise mang khimi kăcüng lawng thungtä lä,
Cangxei te anghawtho tengpaw nung kha,
Käni pre Sanphrang bung aepeng te nung ai.
Raebawi raca py nae thung-a nung pa.

274. Eden üng äpa na PK 105 KM-33

1. Eden üng äpa na aepa haile tyng he,
Älawng pre Băheng kung aepeng dy.
Hing nae hai aede nae na la tyng hethang.
Kaesangky Areng lä mityng khai sö dy.

Kawng ö si dy. Aede nae Ni aepeng,
Bălaw te älawng pre aethang sy.
Tukätephüng-a Areng te kawng ö si.
Älawng pre py haw y, dungtäsa hing nae.

2. Jang ni üng kangsi na lä nung hethang ngai bārai,
Tungaila hing nae lang te nung y.
Areng mätü te na bälaw ö si dy.
lang mätü te Kung lä kai maw awng jaw ai.
3. Jangni üng hai vai khytä khimi ce thung-a,
Mäning kung lä hing nae py he ngai,
Mä-ai üng kangsi sangrung Simeon lä,
Käni pre üng Areng Khrista bung nung dy.
4. Khimi ce tea bäheng te thui lei y,
Aesangky Bäheng kung lä Areng,
Isrelae na ma ngai y te Areng,
Käni pre Areng ma hing nae tyng hai dy.

275. Kai cangxei te cäkae

1. Kai cangxei te cäkae thui ai.
Khrista lä kai thang dü dy.
Käni pre Ingkäcai khai kha,
Kalvari xaws-a dü pa.

Ae-awi thui cangxei te cäkae,
Khrista lä kai thang dü te,
Ae-awi thui cai te ämüng phüng,
Aecö ö Pangle pyng-a.

2. Kai ly te Isu mäny dy.
Lang tämang te beram na,
Bäheng kha kai bung rui be ba.
Kai thang lang mätü pa kü.

3. Kai mätang te Isu säbawng,
 Hunghö kawi kai aetüng te,
 Nung haw y kai ri he kä-awng.
 Ni lä lawi hai te Kung vi.
4. Käving käthu lä tyng be dy.
 Bälung si te lä tyng be dy.
 Nang ma kai ce bung awng hai kha,
 Käcai na hai aeting ai.

276. Ämaw mang aeting he

1. Mä-ai maw-a lasawng awng,
 Dang he Säthaw kähyng dy.
 Ämi hai mä-ai tea kheng äqawng mang,
 Säthaw bäheng tüng hai,
 Hunghö ri he hawi te thüng,
 Isu kähyng te tüng bälung derui pa.

 Ämaw mang Säthaw tea,
 Aeting he cibai aesa,
 Isu hai cangxei saite dang, maw mang-a.2
2. Lolang mätü kai ce ly,
 Mäcaw hethang mityng awng,
 Hui ai, Säthaw ma kähyng äqawng mang,
 Tu-a kai ce ly by ai be,
 Aedawng saite bälung kä-ang,
 Yng te na pra y rung khytä ca khi pa.
3. Mä-ai ing kaesang-a awng,
 Bärawi mätang te awng y,
 Isu kai ce bung bäheng te äqawng mang,
 Säthaw te käni qütä, ämüng bälaw ae-awi thui,
 Aedaw te mani la täphra y lyng.

277. Nang bārai te awng ai mei.

Will there be any stars? Ss 787,
S.H 321, HK 218 Doh is A.

1. Kāni pre tengpaw kaevang na kai dawng tea,
Kāni teng tea aehae nae vi.
Isu bāheng qang-a, hei ni pre tyng dylä,
Nang bārai te kai dang haw by ai mei.

Bālaw nae kai thang awng by ai mei.
Älawng pre hing te kāni käleng tea lä,
Dungtäsa aehae nae Ingkäcai pha tea,
Bālaw nae kai thang awng by ai mei.

2. Ae-eng kha Areng kälü sa hethang ngai dy.
Muilaw kälä na bāhawi hethang,
Äma üng nang bārai saite maw-a aedaw kha,
Bālaw te hai kai lä awng he ngai.
3. Areng maw nung ea kawng te lo na thui ai.
Majetä täphawng haw by ai mei.
Aecang bārai te sui vang pui-a pha tea lä,
Nang bārai te dang te phüng bālaw ai.

278. Thi vang käting

The Precious Blood
ss 138, Rs 3451846-1945 HK 136
Doh is Eb, 1 Pet 1:18-19

1. Areng Isu üng thi lawng te,
Kai thang ävang tingky,
Ri he hawi te hunghö thung üng,
Kai muilaw aelawi dy.

Cangxei he hawi tävaw lawng te,
Aeqang kung mäna üng,
Käni pha kho ae-awi thui ai.
Thi vang käting phüng-a,

2. Hunghö hai käje bawi na lä,
Bälawi pa vi ai dy.
Kai tähang-a Isu dü pa,
Näkha Säthaw ma thui.
3. Aemai haw y kai käje ma,
Ri hai haw y lyng dy.
Thi käting lawng hai qang-a,
Aelaw te dang vi dy.
4. Aethaw di hai ätabung lä,
Naw te aeting ngaila,
Honi thi hai ae-y dylä,
Khö sa hawi awneng ai.

279. Qe thai

1. Arengky angkhaw üng qe äthai,
Mäküng hethang kähyng,
La caw kheng te kung di te phüng-a,
Caw na aehi pang be dy.

Areng ämüng-a kawng te ly ba.
Mityng nawng hawi te ma,
Hing sai äjawng pyng he
Kawng awng bärai,
Pre qütä aehi ai.

2. Ly kha la saite na bung ha tyng,
 Hunghö käving üng hai,
 Nang üng kö hai kai ce te bähawi,
 Bärawi kung te sa pa.
3. Ngai bärail ly kha anghawtho te kung,
 Sāthaw nang bärail tea,
 Duntäsa hing te dang vai he ngai,
 Ly kha ni ce bähawi.

280. Duntäsa haidae hai cungrü te Sāthaw

1. Äte cawngkhang sa haw, cung rü te Sāthaw,
 Ämi hai nung haw y duntäsa kaevang,
 Kangsi kangjaw na üng nang bärail te Areng,
 Ämüng bälaw te lä mäja te Sāthaw.
2. Äma kälu sa te lä aenawng vai y.
 Mätang te, tämang te, äma lä awng y.
 Cüng saite Sāthaw hai pyng saite Areng,
 Äma üng bäheng te lä duntäsa awng.
3. Äni lä hing py te duntäsa Sāthaw,
 Älawng pre angxynlyng te hing nae py pa.
 Äpa kätyng kai ce pra te awng ngaila,
 Sāthaw üng kaevang la lang te awng vai y.
4. Kaevang hai nang bärail te Pä-ai lä käcai.
 Käni pre angel na aevaw y cāphaw,
 Äma üng kaevang te kheng haw y ngaila,
 Ma ämüng tea kai ce bälaw jaw ai.cāphaw

281. Areng Kangteng

Lead us, Heavenly Father leader

ss 538 Doh is-E Psalm 107:7 LM 60

1. Areng kangteng Pă-ai Săthaw,
Kai ce bung rui jaw kü ba.
Hini älawng pre rae te lang,
Nang lawngtä lawi hai te Kung,
Pă-ai Săthaw ma py dylä,
Hawi saite cawngkhang dang ai.
2. Isu lä älawng pre lang-a,
Mäsae bārai te hai aeke,
Tu ea kai ce ma sa te,
Äma lä mäny pa dy.
Aw, Areng kai ce bawi bawi üng,
Hunghö bäheng pa kü ba.
3. Muilaw Käcai käni mang üng,
Bälung kähawi cawngkhang py ba.
Bäheng te hai anghawtho te,
Kai ce tea awng jaw sy.
Areng, nang ma rui te phüng-a,
Mätang saite lawi hai ai.

282. Aw, yng te na aethaw sa

Sound the battle cry ss. 703 KM-171

ZBC 295 Rev 2:10

Doh is Bb

1. Aw, yng te na ä, aethaw sa ö bawi.
Areng Isu thang cäqui thawng ö.
Aerü ö bawi bawi ca bärai-a aedaw,
Ma üng lo yng ö. Ni te bälaw.

Aetha ea cäqui teng-a ly ö.
Aerü ö ca bärai te hai aedaw.
Bälaw tärawi te hai maw mang ly jo.
Isu, mä-ai bung bähawi Kung vi.

2. Aethaw sa ea vai cäkae vyng vyng,
Mä-ai mäja hethang mäny khe dy.
Äte kähawi sa he dawng te phüng-a,
Mä-ai mäja y näte dawng hang.

3. Aw, Areng Sähaw kai ce te säbawng,
Nawng hawi bärai tea tängai pa kü.
Kai ce mäja ea käni pre mang-a,
Areng lökhu la aekhu hai ba.

283. Mäning kung khai sö ea, LM-35, KM-370

1. Mäning kung khai sö ea,
Qae bärai älawng pre-a pryng ja.
Älawng pre hawi te na,
Dungtäsa aekang y.
Aedo saite pre-a bäheng te ma bähawi.

Aw, cangxei he awng bäheng te lä,
Kai thang äni mätang te lä.
Kähawi thui ö si ba.
Älawng pre Mäning kung,
Kähawi thui te hai anghawtho,
Kawng he hawi vi.

2. Älawng pre hawi te na kai ha,
Aekang y te pre thung-a lä,
Awnng hai neng kung awng y.
Hini älawng pre-a,
Bäheng te hai kähying,
Aekö tyng lawi näpa.

3. Mäning kung ly tyng ea lä,
Nang üng awneng te dang hethang,
Nang caw nade na üng,
Aetang te mäthang pa.
Kai üng bälung thung-a,
Dungtäsa hing nae py.

284. Aw, Cangxei he awng

Oh, it is wonderful ss 58 Doh is Ab

1. Sāthaw ma kai bung rang vi kha,
Aejae he kä-awng xaws qawng-a mätang,
Bälung aevaw kha kai thang mätang pa.
Aw, mätang mätang hawi te rawijae mei.

Aw, tengxyng y cangxei.
Tengxyng tengxyng y cangxei,
Äma üng bäheng saite lä,
Aw, tengxyng y cangxei,
Tengxyng tengxyng y cangxei.
Äma üng bäheng saite lä.

2. Ni müng kähawi, thui ö bawi si.
Hunghö aeqang pa saite Kung tea,
Vai lä Ni üng bäheng saite py,
Kai tähang aenai hai täre vi dy.

3. Jangni üng hai aering kha awng,
Äma üng kätü käni aering jaw,
Kangkhüng kangteng üng käni-a,
Äma üng qang-a aelawi he ly ö.

4. Jangni üng hai ävai khytä,
Hunghö thang bäheng sai py he ngai,
Areng ly kha äqawng mang üng,
Käcai na hai awng haw ai mei näte.

285. Aeqang kung ma kung sy.

Let Saviour in MM-159

Aetüŋ 3:28

1. Angvüŋ kätho cawŋg kha awŋg, kung mai sy.
Ly leilae pyng te vi dy. Kung mai sy.
Ly y kälang kung he py.
Areng käcai ma kung sy.
Pä-ai üŋ Cäpaw tea, kung mai sy.
2. Muilaw kätho pä-awŋg lawi.
Kung mai sy.
Kung y ma vawi ja vi ai. Kung mai sy.
Rawijae hawiky lä ni vi.
Nang üŋ muilaw rui pa te,
Aeqang pa te kung vi dy. Kung mai sy.
3. Derui te tüŋg thai dy mei. Kung ö sy.
Vaini ma ngai ö lawi ba. Kung mai sy.
Kätho rang-a aedaw kha,
Kawŋg saite na dang ö ai.
Ma ämüŋg-a yng ö lawi. Kung ö sy.
4. Vai käni mang üŋg angvüŋ,
Kung mai sy.
Käni täkaw mäcaw ai. Kung mai sy.
Nang üŋg hung nae na lawi ai.
Älawŋg pre dü kätü-a,
Käni pre tha he ly ai. Kung mai sy.

286. Cäkae thui pa e

Tell me the old, old story

MM-328

1. Vai caw üng cäkae thui e! Kai nung haw y te na,
Isu hai nang bäräi te na, Isu üng bäheng te,
Honi cäkae thui pa e! Nade te thui kätyng,
Kai aethaw di mäsaе te, Ni lawngtä ma sa haw.

Vaicaw üng cäkae thui e!3

Isu bäheng te lä.

2. Cäkae thui pa kangjai-a, kai lä thai kaw hethang,
Cangxei sa te nung hethang,
Hunghö lawi hai te phüng,
Honi cäkae thui leilae, kai tämang haw te vi.
Thawde üng sädang kätyng, käni anghung la vi.
3. Cäkae thui pa kaesü-a, aethaw awng te hai thui,
Kai üng hunghö lawi hai nae, Isu ly te aedawng,
Honi cäkae thui jaw jaw, mätang te tyng ngaila,
Thawde üng sädang kätyng, Honi cäkae thui e!
4. Älawng pre-a anghawtho, käni pre mang tähang,
Äte makä tyng ngaila, honi cäkae thui ba.
Tätang älawng pre-a lä, kähawi-a sa dylä,
Isu lä kawng hai te vi. Honi cäkae thui pa.

287. Khristen reisa na ä, MM-300

Oward Christians Soldiers

1. Khristen reisa na ä, täre tho hethang,
Isu xaws leithung-a, täre ty ö lawi.
Täre na te mang-a, Isu aety pa,
Täre mäja, säny lä vai khai pa vi dy.

Khristen reisa na ä, täre ty vawng he,
Isu xaws üng leithung, aety he ly ö.

2. Isu xaws hai aeting, setan na pryng ö.
Khristen reisa na ä, mäja he ly ö.
Bälaw ae-awi tüng thai, mai angrawng aehüng,
Kangkawng jä-ai bawi na lä ae-awi hai bälaw.
3. Khristen reisa kätüng, mä-ai Khristen na,
Käcai na üng kholawi-a thaw ö bawi si.
Aethang khai, yng te hai bäheng te haetä,
Kangkawng haetä, bungtä-a awng ö te vi dy.
4. Älawng pre leila na, pra haw ö ngaila,
Isu üng kangkawng lä awng jaw jaw vi ai.
Mai angrawng na thung üng maiphaw mai cae na,
Areng üng kangkawng lä pra haw y vi ai.
5. Ly ö. Äkähui na, aecö mityng-a,
Ätüng kähawi na hai ae-awi na thui ö.
Käni mang reisa na hai mä-ai bawi bawi,
Äni üng ämüng tea bälaw jaw jaw si.

288.Kai muilaw-a kaevang awng, MM-190

There is sunshine in my soul today
2 Chron 23:4

1. Kăni aevang te qawng kaevang lä,
Vaini kai muilaw-a,
Bălung si käving na la hai pa.
Honi lä Isu vi.

Areng Isu, ang te kaevang,
Awng hai neng te kätü tyng hai kha,
Nang mimai kăhawi-a lä,
Kai muilaw kaevang awng vi.

2. Isu te bălaw ae-awi na lä,
Kai bălung thung awng vi.
Tăbawng hai thui haw lei y ngaila,
Areng ma băheng vi.

3. Ăkung aepra te kätü tyng dy.
Vaini kai muilaw-a,
Areng Isu aevang hai dylă,
Tăhang kăhawi aepa.

4. Vaihi, maw mang-a dang hethang lä,
Tăhang kăhawi na vi.
Băheng aethang khai kha bălaw te,
Kai bălung pra y lyng.

289. Areng Isu bäheng saite

1. Areng Isu bäheng saite,
Muilaw käla na tea ka,
Kai tähang thi käcai lawng pa dy.
Muilaw käla na üng tähang vi.

Aw, käthu käving y vi mei.
Hunghö lawng ne üng säla-a,
Makä tea Areng Isu lä,
Kai hunghö tähang-a dü vi mei.

2. Kai hunghö kha mätang te awng,
Hunghö sa he kängai na thang,
Ae-ui te hai bälung mäcai dy.
Kängai na lä ly ö bawi bawi lawi.

3. Khimi bawi bawi na aeqang he,
Matü-a mei Areng Isu.
Khimis hunghö thang xaws käcai ma,
Thi kaesang bärai te hai aeqang dy.

4. Khimi bawi bawi na ly ö lawi.
Ae-y te hai awng kähawi na,
Areng Isu ma bähawi pa dy.
Käni pre-a nang tyng haw hethang

290. Äte ca ö e. Äte nei ö mei.

Doh is F.

KM-287

1. Äte ca ö ai mei. Äte nei ö ai mei.
Honi kätyng hing hethang aedawng hang.
Äte aena ai mei. Äte aekhu ai mei.
Honi kätyng ätabung thang aedawng hang.

Ca te qawng-a hing te aely lengky,
Aekhu aena qawng-a hing te lengky,
Khösang tävaw na tea kheng e, caw la tu vai y,
Yng di te na tea Sāthaw mǎcaw be.

2. Nang ce lä ni ce qawng-a tingky te y mei.
Jo pawng na üng pra saite dawng ö re.
Kälu la sa ö y, bälau la küng ö y,
Solomon üng nang te qawng-a la hawiky,
3. Äpa te la honi kätyng mätü dylä,
Äpa na qawng-a la nang tingky y mei.
Äma üng pyng te hai hawi saite ha ö mang,
Honi bawi bawi na la py rae pa ai mang,

291. Isu lä älawng pre üng Areng kälengky

Doh is F KM-273

1. Isu lä älawng pre üng Areng käleng vi.
Käni hai älawng tärae cei te Kung vi.
Aeli hai tui na la äma üng lo tängai,
Isu lä käni älawng Areng vi.

Isu lä Areng vi.2
Sa te bawi bawi tea pyng te Kung vi.
Käni angel Seraf na qawng-a Arengky.
Isu lä käni älawng Areng vi.

2. Aeli hai tui na la äma üng lo tängai,
Kädü hai ngang käsi na hawi sa pa,
Hunghö hai kho kangbai na tea lä bähawi,
Isu lä bäheng te Arengky vi.
3. Isu ma dü pa. Cangxei te na mäja dy.
Äma bung mädü te na Areng mäny,
Dü te khaw ma la äni tea mäja y.
Isu lä hing te Areng käleng vi.

292. Käthu mang-a ly kha heng

1. Kanesaret tuili pyng-a,
Areng ma Simon tea ly pa.
Mawi, kärung taw kai heng tea
Äte la dang y bälung bi.

Käthu mang-a ly kha bälö heng e,
Mawi dang ai mang näpa.

2. Peterae lä lo tängai kha
Bälö la kha heng haile tyng.
Cangxei he awng Areng sa te,
To leila y mawi dang mang dy.
3. Nang päla Simon kätyng lä
Khimì bung heng hethang kähyng,
Aedo te lo na yng ceng kha,
Ni üng lo hai bälö heng e.

4. Areng üng lo yng saite na,
Cangxei saite to leila y.
Mäja te kätyng sa ö si.
Kai Areng ma mäja hai dy.

293. Mäning kung bung ne te kädüng

1. Mäning kung bung ne te kädüng,
Kesaemani Angkhaw thung-a lä,
Angtawtha na tea aetang kha aering näpa.
Ni ce lä aetang y vi dy.
Äma qaitä aetang kha awng.
Ving saite tuni kädüng aemaw he hawi vi.

Bäheng he hawi 2
Mäning kung lä angkhaw thung-a,
Bälung si bärai te hai aedawng,
Bälung si derui te awng y.
Bälung si, bälung mawng mätang kha awng.

2. Aedawng ö e, bälung si he hawi.
Tuni kädüng angkhaw thung-a,
Areng ae-ui tho kha mäsaе saite tyng vi.
Bälung dang he ämi awng y.
Säthaw cäpaw y te kätyng,
Bälung naw hai hethang hawi vi.
Angkhaw thung-a,
3. Käni pre awng Pä-ai Säthaw,
Hini tuikha lä lawi hai kü.
Tuea pa nang ma üng kängai kätyng sy.
Bälung dang he ämi awng y.
Äma qaitä aetang kha awng.
Bälung naw hai 2 dawng te hawi y.

294. Kanan pre

1. Isrelae ceng na Sāthaw ma bāheng kha,
Mosi bung mätaw kha Ni ma bāhawi,
Kanan pre-a tyng y tea hunghö täre awng.

Bāheng he hawi 2 Aikuta pre üng bāhawi,
Sāthaw ma aedo te Kanan pre-a tyng haw y.

2. Kai aedo te mityng lä kawng he awng te vi.
Bāhawi haile. Aw, kai muilaw kăcai,
Kalvari hai Jerusalem kangthae tyng khytä,
3. Hing kangthae kähawi lä Sāthaw üng bāhawi te vi.
Maw mang thui rüng te, Hing kangthae na
ly bawi vi ai. Duntäsa mityng Sāthaw tea,
4. Käni pre vang pui thung-a ly ö bawi vi ai.
Aeting bawi ai kangby jä-ai na hai,
Duntäsa Jerusalem kangthae-a bälaw ai.

295. Areng, nang bung aedawng

1. Hawi bārai te käni pre kai aedawng vi.
Kăcai na awng te Salem kangthae-a
Tyng he ngai Areng pre,
Tu e, hunghö kai te hui jaw,
Muilaw Kăcai hai lang mätü Areng.

Aedawng 2 Areng, nang bung,
Tu ea pa älawng kängai aedawng be,
Areng hai aeting he bälung lä rae bārai,
Tabung bälung aepy kätü byng y tea,

2. Areng, kai lä khimi kae, mawng bärai,
 Tu ea pa kai tea rui jaw kü Areng,
 Tabung aethaw bälung kähae hai
 Nang üng kangai kätyng kälu angxynlyng lä
 Kai sa jaw ai.
3. Säthaw lä khimi bung sa angcū-a,
 Aevang te dang haw hethang la sa vi.
 Tu ea pa aeqang saite dang hethang ngai y vi mei.
 Hing te lasawng dang he aetha ö lawi.

296. Säthaw, säbawng e

1. Kätü käni hi, byng hethang aenai vi dy.
 Law hai säning ma leng vi dy.
 Kai üng hing saite Säthaw thang py ai.
 Muilaw Käcai hai Säthaw säbawng e.

 Säthaw tea khokhö didü aetang ö si.
 Kheng e, käving thung khimi bäry y dü.
 Tähang Kähawi kö hai säbawng ö si.
 Säthaw pre tähang kai tabung py ai.
2. Säthaw pre tähang käving thung,
 Kai tabung py ai.
 Pre thung muilaw märy y dü.
 Mä-ai pre tähang ämi sa ai mei.
 Muilaw Käcai hai Säthaw säbawng e.
3. Bäheng he hwi phi käving thung,
 Khimi bawi tähang,
 Mitui rui hai bäry y awng,
 Säbawng hethang-a ämi la awng y.
 Kai ma ly hethang säbawng e, Säthaw.

297. Nade kangkawng

1. Khimi pre lä ryng hethang,
Nade kangkawng aethaw vi.
Vaihi sa y vi dylä, ämi lä kheng,
Ämi lä sa ai mei.

Aw, nade khimi pre aecang hawi bärai vi.
Kхими pre aecang hai te lä
Nade kangkawng vi.

2. Säthaw sa te khimi pre,
Dü saite ma pyng vi dy.
Sa hawi si dy.
Vai hi-a ämi lä kheng,
Ämi lä sa ai mei.
3. Aecang bärai te khimi pre,
Bälung aedü kha aetha si.
Vaihi ly hethang ngai dy.
Vaihi aetha kha ly ö si dy.

298. Aetha lawi

1. Säthaw pre thang aetha lawi.
Aetang te hai aethaw sa.
Khrista lä hi, ly hethang aenai vi dy.
Ryng thüng ce aetha ö lawi hei.
Kätü byng vi ai dy hei.
Khrista üng hawi saite na
Mani mei nang thui hethang,

Aetha lawi. Kätü byng vi ai dy hei.
Aethaw awng thüng,
Nang hai kai sa hawi si dy.
Äsi ce lolang tämang hai
Ryng thüng ce aetha ö lawi.
Khimi pre aevang hethang,
Ämi te aering rawng mei.

2. Yng saite by jä-ai ce,
Khimi pre thang sa ö si.
Mä-ai thang Isu lä ly haile ai.
Ryng thüng ce vaihi kätü-a,
Säthaw pre thang sa ö si.
Yng saite rawijae bawi na,
Säthaw pre thang sa ö si.

299. Ly ngai dylä, aenai dei

1. Sikang nei tämang haw y.
Tämang ea pa aekö tyng.
Hing te lo sai tängai kha,
Aekö tyng hethang ngai y.
Baibu kheng vai y ta ma,
Käni pre paw he dawng ö.
Dawng e! Nang üng muilaw lä,
Bälung si te hai ma raw jaw.

Ngai dylä ämaw kähawi,
Ngai y dylä ämaw hawi y.
Py he ngai dylä py pa,
Mäsai te la awng y lyng.
Ly he ngai dylä, aenai dei.
Ngai y dylä, hang law bärai,
Ngai te lo lä tui bärai e.

Ngai y te lo lä khaw bärai.

2. Anghawtho kha awng jaw jaw.
Älawng pre awng jaw y lyng.
Mäning kung bung käde ja kha,
Bi hunghang te hai awng jaw,
Bi ö dylä bi ö qang.
De ö dylä de ö qang.
Nang bi hunghang awng te phüng,
Säthaw ma nang te mäthawi ai.
3. Bälung kaedawng ae-y hang.
Säthaw maw känyng he awng.
Kaevang thung tyng haw hethang,
Säthaw üng lo lä tängai ö.
Novae dung üng kätyng lä
Mä-ai dung-a tyng be dy.
Näkha Isu ma thui te lo
Tängai y te tyng khaw dy.

300. Dawng tämang hang

1. Xuxa saite hai mä-ai älawng qawng-a,
Bälung bi mawng te hai awng ngai ela,
Rawijae kähawiky Säthaw ma awng hai jaw ai.
Mä-ai teng-a aw,

Awneng saite ngai dylä,
Anghawtho te ngai dylä,
Säthaw tea tämang kha aecyng y ba.
Aetang te hai ma awng he ngai,
Säthaw tea aebü he ngai,
Angxynlyng üng sangrung lä Säthaw vi.

Nang dawng tämang hang ba.

2. Bälung si rae saite tyng te kätü-a,
Bälung pra te hai ma nang awng ai mei.
Nang lä Säthaw cäpaw vi.
Mawng bi y hang.
Rui pa jaw ai Säthaw ma.

301. Hawi te bawi bawi tyng hai te Kung
Come thou fount of every blessing

KM-144
MM-41

1. Hawi nae bawi bawi tyng hai te kung,
Bälaw te bälung mäsang,
Säbawng nae aenawng y saite,
Bälaw te lä teng y ai,
Angel na üng ae-awi thui te,
Kai thui tyng by he säbawng,
Bäheng te qawng-a bäheng rae,
Kai bäheng haile tyng si.
2. Nang lä vai khytä säbawng ngai,
Vaihi khytä kai te ngai,
Säbawng te lä hawi te phüng-a,
Käni pre kai aering ai,
Kai lang tämang te kätü-a,
Isu ma kai bung ha vi.
Kai üng hing nae dang hai hethang,
Äma lä kai thang dü pa.
3. Säbawng te lä tengxyng y leng,
Bäheng saite dawng he ngai,
Nang ma üng bäheng saite lä,
Kai üng bälung-a kawng sy.

Bäheng kung bung khai sö hethang,
Kai bälung tämang ja vi.
Areng, kai üng bälung tea,
Dungtäsa khytä rui ba.

302. Mä-ai aeting ai kädang thawde

Gathered Home ss 912

1. Mä-ai aeting ai kädang thawde-a,
Pangle pyng ing käsa te na hai,
Bälung aevaw saite na hai aering bawi kha,
Tu-a mä-ai aeting bawi vi ai.

Aekäcö ö---Aekäcö ö,
Pangle pyng ing käsa te na hai
Aekäcö ö---Aekäcö ö,
Aebäheng saite dungtäsa awng.

2. Mä-ai aeting ai kädang thawde-a,
Mä-ai bälung si saite üng lawi kha,
Kawng saite ae-awi aevaw y thui ai.
Tu-a mä-ai aeting bawi vi ai.

303. Kai ämüng awng by dy mei.

1. Mangqi, älawng pre thung,
Khai sö bawi te kai ngai,
Käni pre mang kai dawng kha,
Äthung-a kai kung he,
Käni pre nang cae-u-a, cae-u käcai thung-a,
Tälawng saite kai te thui,
Kai müng awng by dy mei.

Kai müng awng by dy mei.

Cae-u käcai thung-a,
Käni pre cae-u thung-a,
Kai müng awng by dy mei.

2. Mangqi, kai hunghöky, ämi la to lei y.
Tälawng saite thi käting,
Khai rüing vi mäse he,
Nang thang aedo te täri.
Kai müng cai haw nae vi.
Nang hunghö lä cai te y.
Kai müng awng by dy mei.

3. Käni pre vang pui thung,
Ing käjawng bärai thung-a,
Tälawng saite kädang na,
Känih kanglung aekhu,
Hunghö na awng y vi ai.
Tuni vang pui thung-a,
Angel na cawng te vang-a,
Kai müng awng by dy mei.

Ae-awi kädawi na

1. Haleluja Areng bälaw

Haleluja, Areng bälaw 2
Ha-le-lu-ja 2
Haleluja Areng bälaw.

2. Isu lä Areng vi

Isu lä Areng vi.
Dü te thung üng aetha saite Areng vi.
Khokhö didü kha älo qütä hai,

Areng nä ö bawi ai.

3. Haleluja

Haleluja2

Haleluja, Amen

Haleluja2

Haleluja, Amen